

# **Imastowt'iwn Yesoway ordwoy Sirak'ay**


**ew t'owgt' Eremiay margarêj aŕ i Babilon**

**Sirach**

~~Bibl. Goussen~~

~~2884~~

Goussen 2884






ԻՄ ԱՍՏՈՒԹԻՒՆ

ՅԵՍՈՒԱՅ

ՈՐԴԻՈՅ ՍԻՐԱՔԱՅ



ԻՄԱՍՏՈՒԹԻՒՆ

Յ Ե Ս Ո Ւ Ա Յ

ՈՐԳԻՈՅ ՍԻՐԱՎԱՅ

Ե Ի Թ Ո Ւ Ղ Թ

ԵՐԵՄԻԱՅ ՄԱՐԳԱՐԷԻ

ԱՌ

ԳԵՐԵԱԼՍԵ Ի ԲԱԲԻԼՈՆ



Ի ՎԵՆԵՏԻԿ

Ի ՍՈՒՐԲ ՂԱԶԱՐ

— —  
1878

2884





## ՅԱՌԱՋԱԲԱՆ



Աստուածիմաստն Յեսուս, որ զի  
մաստուծեան զգիրս զայս գրեաց,  
հայր էր Սիրաքայ: Սա յիմաստս  
աստուածային գրոց վարժեալ՝ յա-  
ւել զիւրսն ևս 'ի նոսա, և եթող  
որդւոյ իւրում զառակքս զայսո-  
սիկ լի աստուածեղէն հանճարով:  
Իսկ Սիրաքայ որդի լեալ միւս ևս  
Յեսուս՝ թուն առաջնոյն, զառ 'ի  
հօրէն ժառանգեալ զհոգեբուղիս  
խրատս հաւոյն իւրոյ 'ի մի գիրս  
յայս շարայարեաց: Ամբ սակաւք

'ի վերայ անցեալ յեօթանասնիցն  
 ԹարգմաննուԹեան, կրտսերս այս  
 Յեսու եկն յԵգիպտոս. և անդ ոչ  
 սակաւ ժամանակս լեալ, պէտ ան-  
 ձին արար յեղուլ և զգիրս զայս 'ի  
 յոյն բարբառ վասն որ անդ բնա-  
 կեալ Հրէիցն. որ անգէտք հայրե-  
 նի իւրեանց բարբառոյն՝ հելլենա-  
 խօսք լինէին: Բայց եբրայական  
 բնագիրն չէք արդ 'ի միջի:

Իսկ մերոց Թարգմանչաց ընդ-  
 այլ աստուածային գիրս երևի ան-  
 շուշտ և զսա Թարգմանեալ: Ձի  
 և առ մեզ, որպէս և առ Հրեայս,  
 Թէպէտ և ոչ ընդ յայտնապէս ըն-  
 դունելին՝ այլ ընդ երկրորդակա-  
 նոնս 'ի սկզբանէ հետէ պատուէին  
 գիրքս այս: Որպէս և մերս Սար-  
 գիս վարդապետ զառ 'ի հնոց կտա-  
 կարանաց զյայտնապէս ընդունե-  
 լին յոչ այնպիսեացն զանազանե-  
 լով, ասէ. « Սը սոսա որք երկ-  
 բայուԹիւն ունին՝ են սոքա, Յե-  
 սու Սիրաբայն » և այլն: Վասն ո-  
 րոյ և Սիոն Կաթողիկոս 'ի Ժողովն  
 Պարտաւայ այսպէս օրինադրէ.

« Եւ արտաքուստ պատգամաւորեացի յուսուցանել զձերմանկունս զուսումն բազմամասն՝ Սիրաքայ ի մաստուծիւնն » :

Արդ գրչագիրք մտադիւրագոյնք գոչով՝ ՚ի համառօտել զաշխատուի իւրեանց, զերկրորդականոնսն ոչ միշտ ընդ նախականոնս օրինակէին, որպէս յայտ է. որով և ըզՄահաբայեցիան, ոչ միայն զերրորդն՝ այլ և զառաջինն և զերկրորդն, են՝ որք անխղճաբար համառօտելով գրչագրեն: Ըստ սմին օրինակի յաճախ և զսա՝ ՚ի կարգէ աստուածային գրոցն՝ ՚ի բաց թողլով, յանցանել ժամանակաց եղև կորնչել ՚ի սպառ հոգեղէն պատգամաց գրոցս, որպէս զի առ յսպայ եկելոց հարցն մերոց միւսանգամ՝ ձեռնարկել ՚ի թարգմանուծիւն սորին:

Իայց և երկրորդս այս թարգմանուծիւն գրեթէ առաջնոյն հանգիպեալ բաղգի՝ թերի եհաս առ մեզ, առաւել ևս հաստատելով զկարծիս քննողաց՝ թէ գոյին սերեմն և

առ 'ի նախնի թարգմանչացն մե-  
թոց և կամ 'ի նոցին աշակերտացն  
թարգմանեալ գիրքս այս, և կո-  
րեան: Այլ նովին իսկ և զգիւտ  
սորին անցուսալի առնէր՝ ցուցանե-  
լով զայն 'ի բազում ժամանակաց  
հետէ կորուսեալ:

Իսկ բարենախանձ փոյթ ազգա-  
սիրի և ուսումնասիրի առն, ըզ-  
բազմատենչալին զնախնոյ թարգ-  
մաննութեանն օրինակ գտեալ, ըն-  
ծայեաց 'ի ճոխութիւն մատենա-  
դարանիս մերոյ՝ գանձ պատուա-  
կան: Զոր և արգ 'ի տիպ արձա-  
նացուցանեմք 'ի յաւէրժ յեշատակ  
պարգևողին, և յօգուտ հոգեսի-  
րաց մանկանց եկեղեցւոյ. որք և 'ի  
ամա ոչ ինչ նուազ քան յայլ աս-  
տուածային գիրսն՝ զամենահամ-  
մանանային զհոգեմնունդ գտցեն  
զձաշակ:

Եւ զի անշուշտ սա և առ 'ի նախ-  
նի հարցն մերոց գոյր թարգմա-  
նեալ, և թէ սա նոյն ինքն է առ  
'ի նոցանէ թարգմանեալն, վկայեն  
օջ միայն երանելոյն Խոսրովայ

և որդւոյ նորին աստուածայնոյն  
 Գրիգորի Նարեկացւոյ անդաստին  
 ածեալ վկայութիւնքն ըստ իմաս-  
 տից, այլ հաւաստի ևս սրբոյն Մով-  
 սէսի Խորենացւոյ յառաջին գիրս  
 Պիտոյիցն ( ք. օրինակ ) բերեալ ան-  
 տի իմաստն՝ յար և նման ըստ բա-  
 ուից, թէ « Բարեկամ հաւատա-  
 ըրիմ՝ դեղ կենաց » ( Սիրոք. 2. 16. )  
 Իսկ 'ի թարգմանութիւնս մեկնու-  
 թեանց Ոսկեբերանին յորովագոյն  
 ևս գտան վկայութիւնք 'ի գրոց  
 աստի, դոյզն ինչ այլայլութեամբ  
 բառից ածեալ, որպէս սովորու-  
 թիւն իսկ է նորին թարգմանչի և  
 զամենայն վկայութիւնսն առեալս  
 'ի գրոց ըստ նմին օրինակի այլայ-  
 լել: Հանդերձ այսու ամենայնիւ  
 և նախնի ոսկեղինիկ զարուն ոճ  
 շարագրութեանն 'ի սմա երևեալ,  
 'ի բաց առնէ զամենայն երկբայու-  
 թիւն. և մնայ մեզ աւաղել միայն  
 զսակաւամասնեայ թերութիւն օ-  
 ըրինակիս, քանզի սղակասեն 'ի սմա  
 գլուխք քանի մի, և սունք ոմանք  
 'ի տեղիս տեղիս:

Չհետ գրոցս Սիրաքայ և զԵրե-  
 միայ մարգարէի զսլատասխանին  
 առ գերեալսն 'ի Բաբելոն զօգեմք,  
 զոր 'ի ձեռն Բարուքայ ետ տա-  
 նել առ նոսա • զի և սորայս Թարգ-  
 մանուԹիւն, որ ըստ նմին օրինակի  
 կորուսեալն էր, գտաւ այժմ զոյգ  
 ընդ իմաստուԹե գրոցս Յեսուայ 'ի  
 նմին մատենի, գրեալ 'ի Թուակա-  
 նուԹեան Փրկչին 1418. և 'ի հայկա-  
 զնեան ԹուարերուԹեանս ՊԿԷ:

# ՅԵՍՈՒԱՅ

Ո Ր Դ Ի Ո Յ Ս Ի Ր Ա Ք Ա Յ

ՎԱՄՆ

ԱՍՏՈՒԱԾՊԱՇՏՈՒԹԵԱՆ

ԽՐԱՏՔ ՀՈԳԵԻՈՐՔ

ԳԼ. Ա.

1 ԱՄԵՆԱՅՆ իմաստութիւն 'ի Տեառնէ է, կայ և մնայ ընդ նմա յաւիտեան:

2 Զաւազ ծովու և զշիթս անձրեաց և զաւուրս ժամանակաց ո՞թուեսցէ երբէք:

3 Զբարձրութիւնս երկնից և ըզլայնութի աշխարհի և զանգունդս իմաստութեան, զայն ո՞քննեսցէ:

4 Յառաջ քան զամենայն հաստատեցաւ իմաստութիւն, զգծնութիւն և հանձար յաւիտենից էին:

6 Արմատք իմաստութեան 'ի նմա յայտնեցան:

8 Մի է իմաստութիւն՝ ահեղ յոյժ, որ նստի 'ի վերայ աթոռոյ գովութեան իւրոյ:

9 Ինքն Տէր հաստատեաց զնա և ետես և թուեաց զնա, և եհեղ զնա 'ի վերայ գործոց իւրոց,

10 Ընդ ամենայն մարմնոյ ըստ պարգևի իւրում, և բաշխեաց զնա սիրելեաց իւրոց:

11 Երկիւղ Տեառն՝ փառք և պարծանք, և ուրախութիւն և սսակցնծութեան:

12 Երկիւղ Տեառն զուարճացուցէ զսիրտ, և տացէ ուրախութիւն և ինդութիւն և երկայն աւուրս:

13 Որ երկնչի 'ի Տեառնէ՝ բարի եղիցի առ յապայ, և յաւուրվախ ճանի իւրոյ օրհնեսցի:

14 Սկիզբն իմաստութեան երկընչել 'ի Տեառնէ, և ընդ հաւատացեալն յարգանդի հաստատեցաւ ընդ նոսա. ընդ մարդկան 'ի հիման յաւիտենից բունեաց, և ընդ զաւակի նոցա հաւատարիմ եղիցի:

20 Լցումն իմաստութեան երկընչ



չեղ 'ի Տեառնէ, և արբեցուցանէ  
զնոսա 'ի պտղոց նորա :

21 Զամենայն տուն նորա լցուս-  
ցէ ցանկալէօք, և զըշտեմարանս  
յարդեանց նորա :

22 Պսակ իմաստութեան՝ երկիւղ  
Տեառն :

23 Բուսուցանէ զխաղաղութիւն  
և զառողջութիւն բժշկութեան,  
և ետես և թուեաց :

24 Զխրատ և զգիտութիւն հան-  
ճարոյ բղխեաց, և զբանս ունելեաց  
նորա բարձրացոյց :

25 Արմատ իմաստութեան երկըն-  
չեղ 'ի Տեառնէ, և ոսոք նորա ընդ  
երկայն աւուրս :

28 Ոչ կարիցէ սրամտութիւն ան-  
իրաւ արդարանալ :

29 Քանզի մէտ սրամտութեան  
նորա՝ կործանումն նմին. առ ժա-  
մանակ մի յանձին կալցի երկայ-  
նամիտն, և յետոյ վերստին տացէ  
նմա ուրախութիւն :

30 Առ ժամանակ մի թագուսցէ  
զբանս իւր, և շրթունք բազմաց  
պատմեցեն զիմաստութիւն նորա :

51 Ի գանձս իմաստութեան առաւելք խրատու, գարշելի մեղաւորին աստուածապաշտութիւն:

53 Յանկացար իմաստութեան, պահեա՛ զպատուիրանս Տեառն, և պարգևեսցէ զնա քեզ:

54 Զի իմաստութիւն և խրատ՝ երկիւղ Տեառն է, և հաճութիւն նորա հաւատք և հեղութիւն:

55 Մի ստունկաներ յերկիւղի Տեառն, և մի մատչիր առ նա երկբայ մտօք:

57 Մի կեղծաւորիւր ՚ի բերանս մարդկան, և շրթանց քոց զգոյշ լինիջիր:

58 Մի բարձրացուցաներ զքեզ, զի մի անկանիցես և ածիցես ՚ի վերայ քո անարգանս, և յայտնեսցէ Տէր զգաղանիս քո, և ՚ի մէջ ժողովրդեան կործանեսցէ զքեզ:

40 Զի ոչ մատեար առ նա երկիւղիւ Տեառն, և սիրտ քո լի է նենդութեամբ:

## ԳԼ. Բ.

1 Որդեակ, եթէ մատիցես Տեառն  
ծառայել, պատրաստեա զանձն քո  
'ի փորձութիւն:

2 Ուղղեա զսիրտ քո և համբեր,  
մի շփոթիր 'ի Ժամանակի հարուա-  
ծոց:

3 Յարեաց 'ի նա և մի հեռանար,  
զի աճեացես 'ի վերջոյսն քո:

4 Զամենայն զինչ և գայցէ 'ի վե-  
րայ քո՝ ընկալիւր, և 'ի փոփոխ-  
մունս տառապանաց քոց՝ երկայ-  
նամիտ լեր:

5 Զի 'ի հուր փորձի ոսկի, և  
մարդ 'ի բովս տառապանաց:

6 Հաւատա՛նմա, և պաշտպանես  
ցէ զքեզ. և ուղղեա՛ զճանապարհս  
քո, և յուսա՛ 'ի նա:

7 Ոյք երկնչիք 'ի Տեառնէ, սպա-  
սիցէք ողորմութեան նորա. և մի  
խոտորիք, զի մի գլորիցիք:

8 Ոյք երկնչիք 'ի Տեառնէ՝ հա-  
ւատացէք նմա, և ոչ սխալեսցեն  
վարձք ձեր:

9 Ո՛րք երկնչիք 'ի Տեառնէ՛ յուսացարուք 'ի բարիս, և յուրախութիւն, յաւիտենից և յողորմութիւն:

11 Հայեցարուք յառաջին աղգսն և տեսէք. ո՞ հաւատաց Տեառն և յամօթ եղև:

12 Կամ ո՞ կաց մնաց յերկիւղ Տեառն, և ընդ վայր հարաւ, կամ ո՞ կարգաց առ նա, և անտես արար զնա:

15 Վասն զի գթած և ողորմած է Տէր. և թողու զմեղս, և փրկէ 'ի ժամանակի նեղութեան:

14 Վայ սրտից վատթարաց և ձեռաց Լքելոց, և մեղաւորի՝ որ ելանէ յերկու շաւիղս:

15 Վայ սրտի Լքելոց, զի ոչ հաւատայ. վասն այսորիկ ոչ գտցէ պաշտպանութիւն:

16 Վայ ձեզ, որ կորուսէք զհամբերութիւն. և զինչ գործիցէք յորժամ այց արասցէ Տէրն:

18 Ո՛րք երկնչին 'ի Տեառնէ՛ ոչ ստունգանիցեն բանից նորա. և ոչք սիրեն զնա՝ պահեսցեն զձանապարհս նորա:

19 Այք Երկնչին 'ի Տեառնէ՝  
խնդրեսցեն զհաճութիւն նորա. և  
ոյք սիրեն զնա՝ լցցին օրինօք:

20 Այք Երկնչին 'ի Տեառնէ՝ պա-  
տրաստեսցեն զսիրտս իւրեանց, և  
առաջի նորա խոնարհեցուսցեն  
զանձինս իւրեանց:

22 Անկցուք 'ի ձեռս Տեառն, և  
մի 'ի ձեռս մարդկան:

23 Զի որպէս մեծութիւն նորա,  
նոյնպէս և ողորմութիւն նորա:

## ԳԼ. Գ.

Խրատ որդանոց:

2 Ինձ հօրս լուարուք, որ  
գեակք. և այնպէս արարէք, զի  
ապրեսջիք:

3 Զի Տէր փառաւորեաց զհայր 'ի  
վերայ ծննդոց, և զիրաւունս մօր  
հաստատեաց 'ի վերայ որդւոց:

4 Որ պատուէ զհայր՝ քաւէ ըզ-  
մեղս, և որպէս ոք զի գանձիցէ՝ որ  
փառաւորէ զմայր իւր:

5 Որ պատուէ զհայր, ուրախ լի

ցի յորդանոց, և յաւուրս աղօթից  
իւրոց լսելի եղիցի:

6 Ար փառաւորէ զհայր՝ երկայն-  
նակեաց լիցի:

8 Ար ունկն գնէ Տեառն՝ հան-  
գուսցէ զմայր իւր. որպէս տե-  
րանց ծառայեսցէ ծնողաց իւրոց:

9 Արդեամբք և բանիւք պա-  
տուեալ զհայր քո, զի եկեսցէ 'ի  
վերայ քո օրհնութիւն 'ի նմանէ:

11 Զի օրհնութիւն հօր \* հաս-  
տատէ զտունս որդւոց, և անէծք  
մօր՝ խլեն զհիմունս:

12 Մի փառաւորիւր յանարգանս  
հօր քո, զի չեն քեզ փառք՝ հօր  
անարգանք:

13 Զի փառք մարդոյ 'ի պատուէ  
հօր իւրոյ լինին, և նախատինք որ-  
դւոց՝ մօրն անարգութիւն է:

14 Արդեակ, զօրավիգն լեր ծե-  
րութեան հօր քում. և մի տրամե-  
ցուցաներ զնա 'ի կեանս նորա:

\* Յօր պատուէր հօր, եղաւ ըստ մե-  
ջի և յոյն բնագրին:

45 Եւ թէ պահասեսցէ յիմանալոյ նորա զբանս՝ ներեա նմա, և մի անպատուեր զնա յամենայն զօրութենէ քումմէ:

46 Զի որ ողորմածու թիւն տանի հօրն՝ ոչ մոռասցի առ Աստուած:

47 Եւ փոխանակ մեղաց դիզեսցի քեզ չարն, և յաւուր նեղութեքում յիշեսցէ զքեզ ՚ի վնասն. և որպէս ջեր ՚ի վերայ սառին՝ այնպէս հալեսցեն մեղք քո՝ զքեզ:

48 Իբրև հայհոյիչ է Աստուծոյ՝ որ ընդ վստի հարկանէ զհայր իւր. և անիծեալ ՚ի Տեառնէ՝ որ բարկացուցանէ զմայր իւր:

49 Որդեակ, զգործս քո հեղութեամբ վարեաջիր, և յարանց ընտրելոց սիրեսցիս:

20 Որչափ մեծ իցես՝ այնչափ խոնարհեցի զանձն քո, և առաջի Տեառն գտցես շնորհս. զի մեծ է զօրութիւն Տեառն, և խոնարհաց փառաւորէ զկամարարս իւր:

22 Զգթուարագոյնսն քան զքեզ՝ մի խնդրեր. և որ ինչ բան քան զքեզ զօրագոյն իցէ՝ մի քններ զնա.

զոր ինչ հրամայեցարն զայն զմը-  
տաւ ածջիր:

23 Զի չեն ինչ քեզ պէտք գաղտ-  
նեացն:

24 Աւելորդ գործոց մի լինիր  
քննող, զի յաճախագոյն քան զի  
մաստուծիւն մարդկան ցուցաւ  
քեզ:

26 Քանզի զբազումս մոլորեցու-  
ցին կարծիքն զտեսարս իւրեանց, և  
այնու մտածուծիւն չարին սայ-  
ծաքեաց զմիտս. և որ սիրէ զտագ-  
նապ'ի նմին կորիցէ:

29 Զի սիրտ խիստ ծանրացի ցա-  
ւօք, և մեղաւորին յաւելցէ մեղս  
'ի վերայ մեղաց:

30 Հարուածոց ամբարտաւանին  
ոչ գոյ բժշկուծիւն, զի բոյս չա-  
րուծեան արմատացոյց յինքեան:

31 Սիրտ իմաստնոյ զմտաւ ածէ  
զառակ, և ունին լսողի՝ ցանկու-  
ծիւն իմաստնոյ:

33 Զհուր բորբոքեալ չիջուցա-  
նէ ջուր, և ողորմածուծիւն՝ քա-  
ւէ զմեղս:

34 Որ հատուցանէ շնորհս՝ յի-



չեալ լիցի առ յապայ. և 'ի ժամանակի գայթապդէլոյ իւրոյ գըտցէ ձեռնկալութիւնս:

ՔԼ. Դ.

1 Որդեակ, զկեանս աղքատաց մի զլանար, և մի տար տուայտել աչաց կարօտելոյն:

2 Չանձն քաղցեալ մի տրտմեցուսցես, և մի զայրացուցաներ զայր 'ի չքաւորութեան նորա:

3 Չսիրտ առեալ մի խռովեր, և մի յապաղիցես զտուրս կարօտելոյն:

4 Չպաղատանս նեղելոյն մի մերժեր, և մի դարձուցաներ զերեսս քո 'ի տնանկէ:

5 Ի կարօտելոյն մի դարձուցաներ զակն, և մի տար տեղի մարդոյ անիծանել \* զքեզ:

6 Չի յանիծանել նորա զքեզ դառնութեամբ անձին իւրոյ՝ խընդրուածոց նորա լսէ որ արարն զնա:

\* Յօրինակին անիծեր:

7 Սիրելի ժողովրդեան արաս-  
ջիր զանձն քո, և մեծին խոնար-  
հեցո՞ղգլուխ քո:

8 Խոնարհեցո՞ տնանկին զունկն  
քո, և տո՛ւրնմա պատասխանի խա-  
ղաղական հեղութեամբ:

9 Ասրեցո՞ զզրկեալն 'ի ձեռանէ  
հզօրին, և մի կարճմտեսցես 'ի դա-  
տեղ զքեզ:

10 Լէ՛ր որբոց որպէս հայր, և  
յառն տեղի մօր նոցա. և եղիցիս  
որպէս որդի Բարձրելոյն, և սիրես-  
ցէ զքեզ առաւել քան զմայր քո:

12 Իմաստութիւն զորդիս իւր  
բարձրացոյց. և պաշտպան լիցի այ-  
նոցիկ, որ խնդրեն զնա:

13 Որ սիրէ զնա, սիրէ զկեանս.  
և որք առաւօտեն առ նա, լցցին  
ուրախութեամբ:

14 Որ ունի զնա, ժառանգեսցէ  
զփառս. և ուր մտանէ նա, օրհնես-  
ցէ Տէր:

16 Ոյք աղաչէն զնա, սպաս տար-  
ցին որբոց, և զսիրելիս նորա սի-  
րէ Տէր:

16 Որ լսէ նմա, դատեսցի զազգս.

և որ նմա միտ գնէ, բնակեացէ յուսով:

17 Եթէ հաւատասցէ, ժառանգեացէ զնա. և 'ի գալ չարութեան՝ եղիցին ազգ նոցա:

18 Զի կամեակորս գնայ ընդ քեզ զառաջինն:

19 Զերկիւղ և զվհատութիւն ածցէ 'ի վերայ նորա, և 'ի փորձարկցէ զնա խրատու իւրով մինչև վստահասցի յանձն նորա, և փորձեացէ զնա իրաւամբք իւրովք:

20 Եւ դարձեալ ուղղակի դարձցի առ նա, և ուրախ արասցէ զնա. և յայտնեացէ նմա զգաղտնիս իւր:

22 Եթէ մոլորեացի՝ թողցէ զնա, և մտանեացէ զնա 'ի ձեռս գլորման իւրոյ:

23 Սպասեա՛ 'ի ժամանակ, և զգո՛շ լէր 'ի չարէ. և յաղագս անձին քո՝ մի ամօթ կրեսցես:

25 Զի է ամօթ՝ որ զմեղս ածէ, և է ամօթ՝ որ փառք է և շնորհք:

26 Մի առնուր ակն անձին քոյ, և մի սրտեղառեացես 'ի գլորումն քեզ:

28 Մի արդէլուր զբան 'ի ժամանակի նեղութեան. զի բանիւ ծանիցի իմաստութիւն, և խրատ 'ի բանս լեզուի:

50 Մի լինիր ընդդէմ ճշմարտութեան, և վասն անարժանութեան քո ակնածեսցիր:

52 Մի ամաչեր խոստովան լինել զմեղս, և մի բռնադատեր զհոսանս գետոյ. և մի ստանար առն յիմարի զանձն քո:

53 Եւ մի առնուր ակն հզօրի. մինչև 'ի մահ մարտիր յաղաղս ճշմարտութեան, և տէր Աստուած մարտիցէ ընդ քո:

54 Մի լինիր յանդուգն լեզուաւ քով, և մի խօթասիրտ և լքեալ 'ի գործս քո:

55 Մի լինիր իբրև զառիւծ 'ի տան քում, և մի նեղասաստ ընդ ծառայս քո:

26 Մի լիցիս յօժար յառնուլն ձեռօք, և 'ի տալն կարկամ:

## ԳԼ. Ե.

1 Մի լինիր աստատան յինչս  
քո, և մի ասեր՝ բաւական է ինձ:

2 Մի երթար զհետ անձին և զօ-  
րութեան քո, և մի հպարտանար  
'ի գանձս քո. մի լինիր յանձնա-  
ստատան և ասեր՝ թէ բազում են  
ինչք իմ:

3 Մի ասիցես՝ թէ ո՞ր յաղթահա-  
րեսցէ զիս, մի ասեր՝ թէ չար ինչ  
ո՞վ արասցէ. զի Տէր խնդրելով  
խնդրեսցէ 'ի քէն վրէժ:

4 Մի ասիցես, մեղայ և զինչ ե-  
ղև ինձ:

5 Զի Տէր երկայնամիտ է վասն  
դարձի քո և քաւութեան, մի յան  
երկիւղս լինիր՝ յաւելուլ մեղս 'ի  
վերայ մեղաց:

6 Մի ասիցես գթութիւնք նորա  
բազում են, զբազմութիւն մեղաց  
իմոց քաւեսցէ:

7 Զի ողորմութիւն և բարկու-  
թիւն 'ի նմանէ |է. և 'ի վերայ մե-

զաւորաց հանգիցէ սրամտութիւնն նորա :

8 Որդեակ, մի յապաղիցիս դաւնալ առ Տէր 'ի մեղաց, զի մի առ մեղս քո մեռանիցիս :

9 Մի յուսար 'ի գանձս անիրաւ, զի ոչ օգնեսցեն քեզ յաւուր բարկութեան :

11 Մի հոսիր յամենայն հողմ, և մի գնար յամենայն շաւիղս. զի այն բաժին մեղաւորի է, և երկխօս մարդոյ է :

12 Լէր հաստատեալ իմաստութեան քում, և մի բան եղիցի քո :

13 Լէր արագ 'ի լուր քո, և երկայնմտութեամբ 'ի բարբառ պատասխանւոյ :

14 Եթէ գոյ 'ի քեզ իմաստութիւնն, տուր պատասխանի մերձաւորի. ապա թէ ոչ, ափ քո լիցի 'ի վերայ բերանոյ քոյ :

15 Փառք և անարգութիւնն 'ի խօսս, և 'ի լեզու մարդոյ՝ գլորումն նմին :

16 Մի կոչեսցիս բանաւրկու, և լեզուաւ քով մի վարաներ :

17 Զի 'ի վերայ գողոցն կայ ա-  
մօթ, և պարսաւանք չար 'ի վերայ  
երկխօսին:

18 Մի անգէտ լինիր 'ի փոքուն  
և 'ի մեծէ:

## ԳԼ. Զ.

1 Եւ փոխանակ բարեկամի մի  
լինիր թշնամի, զի անուն չար զա-  
մօթ և զնախատինս ժառանգես-  
ցէ. այսպէս մեղաւորն և երկխօսն:

2 Մի բարձրացուցաներ զքեզ 'ի  
խորհուրդս անձին քոյ, զի մի յա-  
փրջտակեսցի իբրև զզուարակ անձն  
քոյ:

3 Զտերևն քո կերիցես, և զսը-  
տուղն քո կորուսանիցես, և թո-  
ղուցուս զքեզ իբրև զփայտ փօսա-  
ցեալ:

4 Անձն չար կորուսանէ զստացիչ  
իւր, և ոտնհարուծիւն թշնամեաց  
արասցէ զնա:

5 Կոկորդ. քաղցրենի՛ բազում առ-  
նէ զբարեկամն իւր. և լեզու լաւա-  
խօս յաճախէ զբարեկամն թիւնս:

6 Ոյք ունին ընդ քեզ խաղաղութիւն, բազումք եղիցին. իսկ խորհրդակիցքո՞ մի՛ ՚ի հաղարաց\* :

7 Եթէ ստանաս բարեկամս՝ փորձիւ ստացիր զնա, և մի՛ եսկ և իսկ վստահ լինիր ՚ի նա :

8 Զի է բարեկամ՝ որ ՚ի ժամանակի իւրում, և ոչ կացցէ մնացէ յաւուր նեղութեան քոյ. և է բարեկամ՝ որ չըջի ՚ի թշնամութիւն, և զկարգ նախատանաց քոյ յայանեսցէ :

10 Եւ է բարեկամ՝ որ զուող է սեղանոյ, և ոչ կացցէ առ քեզ յաւուր նեղութեան քոյ. և ՚ի բարութիւնս քո եղիցի իբրև զքեզ. և ՚ի վերայ ծառայից քոյ համարձակեսցի :

12 Եթէ խոնարհեսցիս, եղիցի ընդդէմքո՞, և յերեսաց քոյ թագիցէ :

13 Ի թշնամեաց քոյ մեկուսի լեր, և ՚ի բարեկամաց զգոյշ լինիջիր :

\* Յեր. ՚ի հզօրաց, «աղէյա» ըստ յունիս :



14 Բարեկամ հաւատարիմ, ծածկոյթ հզօր. իսկ որ գտանէ զնա, եգիտ գանձ:

15 Հաւատարիմ բարեկամի ոչ գոյ փոխանակ, և ոչ կշիռ նորա լաւութեանն:

16 Բարեկամ հաւատարիմ, գեղկենաց. և երկեւղածք Տեառն գրտցեն զնա:

17 Որ երկնչի 'ի Տեառնէ, աջողէ զբարեկամութիւնս. զի ըստ սմանէ որպէս և մերձաւոր նորա:

18 Որդեակ, 'ի մանկութենէ քու մէջ խնդրեա՛ զխրատ, և մինչև ցծերոյթ գացես իմաստութիւն:

19 Իբրև զայն որ վարէ և սերմաւնէ՛ մատիր առ նա, և կաց սպասեա բարի պտղոց նորա:

20 Ձի 'ի գործելն նորա՝ սակաւ ինչ խոնջիցիս, և վաղվաղակի ուտիցես յարմտեաց նորա:

21 Իբրև զի առասպար է յոյժ անխրատից, և ոչ յամէ 'ի նման սիրտ:

22 Իբրև զքար փորձութեան ուժոյ կայ 'ի վերայ նորա, և ոչ յամենայ 'ի բաց ընկենուլ զնա:

25 **Ձի** իմաստութի ըստ անուանն  
իւրոյ է, և ոչ բազմաց է յայտնի:

24 **Լճւր**, որդեակ, և ընկալ ըզ-  
խրատ, և մի մերժեր զխորհրդակ-  
ցութիւնս իմ:

25 **Մոյծ** զոտն քո յոտնկապս նո-  
րա, և 'ի շղթայս նորա զպարա-  
նոց քո:

26 **Խոնարհեցո** զուս քո և բարձ-  
ղնա, և մի ձանձրանար կապանօք  
նորա:

27 **Յամենայն անձնէ** քումմէ մա-  
տիր առ նա, և ամենայն զօրու-  
թեամբ քով պահեա զձանապարհս  
նորա:

28 **Քննեա** և խնդրեա, և ծանի-  
ցի քեզ. և յորժամ բռնիցես, մի  
թողուցու զնա. զի 'ի վախճանի  
դուցես զհանգիստ նորա, և դարձ-  
ցի 'ի քեզ ուրախութիւն:

30 **Եւ** եղիցին քեզ կապանքն 'ի  
ծածկոյթ զօրութեան, և շղթայք  
նորա 'ի պատմուճան փառաց:

31 **Ձի** զարդ ոսկեղէն է 'ի նմա,  
և կապանք նորա շար յակինթ:

32 **Ձգեստ** փառաց ագցիս զնա,

և պսակ ցնծութեան գիցես 'ի վերայ քո:

53 Եթէ կամեսցիս, որդեակ, խրատեսցիր. և եթէ տացես զանձն քո, խորագէտ եղիցիս:

54 Եթէ սիրեսցես լսել՝ ընկալցիս, և եթէ մատուցես զունկն քո՝ իմաստուն լինիցիս:

55 Ի բազմութեան ծերոց կացցիր, և որ իմաստունն է՝ 'ի նա յարեսցիր: Զամենայն աստուածեղէն պատմութիւն կամեսց լսել. և առակք հանձարոյ մի վրիպեսցեն 'ի քէն:

56 Եթէ տեսանիցես զիմաստունն, առաւօտ առնիցիր առ նա. և ըզսեամս գրանց նորա մօշեսցէ օտն քո:

57 Խորհեաց 'ի հրամանս Տեառն, և 'ի սպառուիրանս նորա խոկասցիր հանապաղ. նա հաստատեսցէ ըզսիրտ քոյ, և ցանկութիւն իմաստութեան տացէ քեզ:

## ՓԼ. Է.

1 Մի առնիցես չար, և ոչ հասանիցէ քեզ չար. 'ի բաց կաց յանիրաւէն, և խոտորեսցի 'ի քէն:

3 Մի սերմաներ, որդեակի, յապոս անիրաւութեան, և ոչ հընձեսցես զայն եօթնպատիկ:

4 Մի խնդրեր 'ի Տեառնէ իշխանութիւն, և մի 'ի թագաւորէ՝ աթոռ փառաց:

5 Մի առ արդարս ունիր զանձն քո առաջի Տեառն, և առաջի թագաւորի մի ճարտարեր:

6 Մի խնդրեր ընեւ զաաաւոր, գուցէ ոչ կարիցես բառնալ զանիրաւութիւնս: Գուցէ երբեք ակն ածիցես յերեսաց հզօրի, և գնիցես գայթաղութիւն յուղղութեան քում:

7 Մի մեղանչեր 'ի բաղմութեան քաղաքի, և մի ընկենուր զքեզ յամբօխ:

8 Մի ծրարեր կրկին մեզս, զի և 'ի միջէ ոչ անպարտ \* լինիցիս:

9 Մի խղճամիա շինիր յուխտս քո, և ողորմածութիւն առնելոյ մի անփոյթ առնիցես:

11 Մի ասիցես եթէ 'ի յաճախութիւն պատարագաց իմոց հայեցի, և 'ի մատուցանելն իմոն՝ Աստուծոյ բարձրելոյ՝ ընկալցի:

12 Մի հեգնեսցես զայր 'ի դառնութիւն անձին նորա. զի է որ խոնարհեցուցանէ և բարձրացուցանէ:

13 Մի սերմաներ ստութիւն 'ի վերայ եղբոր քոյ, և մի բարեկամի զնոյն:

14 Ստեղ զամենայն ստութիւն՝ մի ախորժեր. զի յաճախութիւն նորա ոչ է բարի:

15 Մի շաղփաղփիր 'ի բազմութեան ծերոց, և մի կրկնէր բան 'ի յուխտս քո:

16 Մի ասիցես զգործս վաստակոյ, և զմշակութիւն՝ որ 'ի Բարձրելոյն հաստեցաւ: X

\* Յօր. ոչ անպիտան:

17 Մի լիցիս համարեալ ընդ բազմութեան մեղաւորաց, յիշեա զի բարկութիւն Տեառն ոչ յամենայ :

18 Խոնարհեցո յոյժ զանձն քո, զի վրէժխնդրութիւն ամբարշտի՝ հուր և սրգն :

20 Մի՛ փոխանակեր զբարեկամ ընդ կարասւոյ, և մի՛ զեղբայր հարազատ ընդ ոսկւոյն Սափիրայ :

21 Մի՛ վրիպիր 'ի կնոջէ իմաստնոյ և բարւոյ, զի շնորհ նորա առաւել է քան զոսկի :

22 Մի՛ չարչարեր զծառայ՝ որ գործիցէ ճշմարտութեամբ, և մի՛ զվարձկան՝ որ տուեալ է քեզ զանձն իւր :

23 Զծառայ իմաստուն սիրեսցէ անձն քո, և մի՛ զրկեր զնա յազատութենէ :

24 Անասուն իցէ քո, դարման տար նոցա, և եթէ իցէ քեզ սկտանի՛ կացցեն առ քեզ :

25 Որդեակք իցեն քո՝ խրատեա զնոսա, և խոնարհեցո 'ի մանկութենէ զպարանոց նոցա :

26 Իստերք իցեն քո՝ զգոյշ լեր  
մարմնոց նոցա, և մի լըջացուցաներ  
առ նոսա զգէմն քո:

27 Տճւր արտաքս զգուստր քո, և  
եղիցիս կատարեալ 'ի գործ մեծ,  
և առն իմաստնոյ պարգևեա զնա:

28 Կին իցէ քո ըստ միտս, մի հա-  
ներ զնա:

29 Յամենայն սրտէ քումմէ փա-  
ռաւորեա զհայր քո, և զմօր եր-  
կունս մի մոռանար:

50 Յիշեալիք զի 'ի նմանէ ծնար,  
և զինչ հատուցես նոցա որպէս  
նոքա քեզ:

51 Յամենայն սրտէ քումմէ եր-  
կիր 'ի Տեառնէ, և զքահանայս նո-  
րա մեծարեա:

52 Յամենայն զօրութենէ քում-  
մէ սիրեա զարարիչն քո, և զպաշ-  
տօնեայս նորա մի անտես առնի-  
ցես:

53 Երկիր 'ի Տեառնէ՝ և փառա-  
ւորեա զքահանայս:

54 Եւ տուր զմասն նոցա որպէս  
և հրամայեալ է քեզ:

55 Զպտուղ և զվասն յանցանաց,

և զտուր \* երեաց, և զզոհ սրբու-  
թեան՝ և զպտուղ սրբոց:

36 Եւ անանկին կարկառեա ըզ-  
ձեռն քո, զի կատարեալ եղիցի  
օրհնութիւն քո:

37 Շնորհ տրոց՝ առաջի ամե-  
նայն կենդանւոյ, և ՚ի մեռելոյ մի  
արգելուր զշնորհս:

38 Մի զրկիր ՚ի լացողաց, և ընդ  
սգաւորս սգացիր:

39 Մի գանդաղեր ՚ի տես երթալ  
հիւանդին. և համարեսցի քեզ չը-  
նորհ:

### ԳԼ. Թ.

1 Մի նախանձաբեկ առներ զկին  
դրկաց քոց, և մի բուսուցաներ ՚ի  
վերայ քո խրատ չար:

2 Մի տար կնոջ զսիրտ քո, հա-  
սանել նմա ՚ի վերայ զօրութեան  
քոյ:

3 Մի ընդ առաջ երթար կնոջ  
բողի. զի գուցէ անկանիցիս յորո-  
գայթս նորա:

\* Յօր. զուր. ուղղէցաւ ըստ յունիս:



4 Ընդ երգեցիկս մի ցանկորդիր, գուցէ ըմբռնիցիս 'ի լրբութիւնս նորա:

5 Զկոյսն մի զններ, գուցէ գայ-  
Թագղեսցիս 'ի պատուհաս նորա:

6 Մի տար պոռնկաց զանձն քո, զի մի կորուսցեն զժառանգութիւնս քո:

7 Մի յածիր ընդ փողոցս քաղաքի, և յաւերակս նորա մի Թափառեր:

8 Դարձո զակնդ քո 'ի կնոջէ գեղեցիկէ, և մի զններ զգեզ օտար:

9 Ի գեղեցկութենէ կնոջ քաղումք մոլորեցան, և աստի սէր իբրև զհօւր բորբոքէ:

12 Ընդ առնակնոջ ամենեին մի նստիր, և մի հանգանակեր ընդ նմա 'ի գինւոջ, գուցէ խոտորիցի անձն քո 'ի նմա, և հոգւով քով գայ-Թագղեսցիս 'ի կորուստ:

14 Մի Թողուր զբարեկամ հին, զի նորն ոչ է հաւասար նմա:

15 Գինի նոր՝ բարեկամ նոր. եթէ հնասցի, ուրախութեամբ արբջից:

16 Մի նախանձիր ընդ փառս մե-

ղաւորի, զի ոչ գիտես զինչ է կոր-  
ծանուամն նորա :

17 Մի հաճիցիս ընդ հաճութիւնս  
ամբարշտաց. յիշեա՛ զի մինչև 'ի  
դժոխս ոչ արդարացին :

18 Հեռի լեր 'ի մարգոյ՝ որ ունի  
իշխանութիւն սպանանելոյ, և ոչ  
կասկածիցես դու յերկիւղէ մա-  
հու :

19 Մի յանցանիցես՝ թէպէտ և  
մօտ իցես, զի մի բարձցէ զկեանս  
քո. գիտասջիր զի ընդ մեջ որո-  
գայթից անցանիցես, և 'ի վերայ  
մահարձանաց քաղաքի շրջիցիս :

21 Ըստ զօրութեան քում կշռես  
զմերձաւորն քո, և ընդ իմաստունս  
խորհեսջիր :

22 Արդարք եղիցին ճաշակիցք քո,  
և յերկիւղ Տեառն եղիցին պար-  
ծանք քո :

23 Ընդ հանձարեղս եղիցի զրոյց  
քոյ, և ամենայն պատմութիւն քո  
յօրէնս Բարձրելոյն :

24 Ի ձեռս ճարտարաց գովես-  
ցի գործ, և որ առաջնորդ իցէ ժո-  
ղովրդեան իմաստուն բանիւ իւրով :

25 Ահէղ 'ի քաղաքի իւրում այր  
լէզուանի, և որ յանդուզն է քա-  
նիւ իւրով ասելի եղիցի:

### ԳԼ. Ժ.

1 Գատաւոր իմաստուն խրա-  
տեսցէ զժողովուրդ իւր, և առաջ  
նորդութիւն հանճարեղին կար-  
գաւորեալ եղիցի:

2 Ըստ գատաւորի ժողովրդեան՝  
նոյնպէս և սպասաւորք նորա. և  
ըստ առաջնորդի քաղաքին՝ ամե-  
նայն բնակիչք նորա:

3 Թագաւորան խրատ կորուսանէ  
զժովուրդ իւր. և քաղաք շինեա-  
ցի իմաստութեամբ հզօրաց:

4 Ի ձեռին Տեառն իմաստութիւն  
երկրի՝ և զպիտանին՝ ի ժամանակի  
յարուցանէ. ի նմա:

5 Ի ձեռին Տեառն է աջողութիւն  
առն, և ՚ի վերայ դպրի դիցէ ըզ-  
փառս նորա:

6 Ի վերայ ամենայն մեղանաց մի՛  
պահէր ոխս մերձաւորին քոյ, և

մի ինչ գործիցես գործովք թշնամանաց:

7 Ատելի է առաջի Տեառն և մարդկան ամբարտաւանութիւն, և յերկոցունց վրիպեսցի անիրաւութիւն:

8 Թագաւորութիւն ազգէ յազգ փոխի յաղազս անիրաւութեան և թշնամանաց և ընկից:

10 Զի հպարտանայ հոգ և մոխիր:

11 Զի ՚ի կենդանութեան ընկէց զփորոտի իւր:

12 Զցաւս երկայն կարճէ բժիշկ և թագաւոր այսօր, և վաղիւ վախճանեսցի:

13 Զի ՚ի մեռանել մարդոյ՝ ժառանգեսցէ զսողունս և զճըճիս և զորդունս:

14 Սկիզբն ամբարտաւանութեան մարդոյ՝ որ ապստամբեալ է ՚ի Տեառնէ, և յարարէն իւրմէ ստահակեսցէ զսիրտ նորա:

15 Զի սկիզբն մեղաց ամբարտաւանութիւն, և որ բռուն հարկանիցէ զնմանէ՝ բղխեսցէ զպղծութիւն:

16 Վասն այսորիկ հրաշալի արար  
Տէր զհարուածս, և կործանեաց  
զնա իսպառ:

17 Զաթուս իշխանաց քակեաց  
Տէր, և նստոյց փոխանակ նոցա 2  
զհէզս:

18 Զարմատս հեթանոսաց խլեաց  
Տէր, և տնկեաց ընդ նոցա զտո- 2  
նարհս:

19 Զգաւառս ազգաց քակեաց  
Տէր, և կորոյս զնոսա մինչև 'ի հի-  
մունս երկրի:

20 Բարձ 'ի նոցանէ և կորոյս զնո-  
սա, և դադարեցոյց յերկրէ զյի-  
շատակս նոցա:

22 Ոչ հաստեցաւ մարդկան ամ-  
բարտաւանութիւն, և ոչ բարկու-  
թիւն սրամտութեան ծննդոց կա-  
նանց:

23 Զաւակ պատուական, որ է  
մարդոյ՝ ոյք երկնչին 'ի Տեառնէ.  
զաւակ անարդ, որ է մարդոյ՝ ոյք  
անցանէն ըստ պատուիրանսն:

24 Ի մէջ եղբարց բազմաց որ ե-  
րէցն է՝ նա է պատուական, և եր-  
կիւղածք Տեառն յաչս նորա:

23 Մեծատուն և փառաւոր/աղ-  
քատ, պարծանք նոցա երկիւղ  
Տեառն:

26 Ձէ իրաւացի անպատիւ առ-  
նել զաղքատն և զհանձարեղ, և  
չէ օրէն փառաւորել զայր մեղա-  
ւոր:

27 Ճօին և դատաւորն և հզօրն  
փառաւորեսցին, և ոչ ոք 'ի նոցա  
նէ մեծ քան զայն՝ որ երկնչի 'ի  
Տեառնէ:

28 Մառայի իմաստնոյ ազատք 'ի  
սպասու կայցեն, և այր հանձա-  
րեղ ոչ տրանջեսցէ:

29 Մի պերճանար գործել ըզ-  
գործս քո, և մի չքար 'ի ժամա-  
նակի նեղութեան քո:

30 Լաւ է որ գործիցէ յամենայն  
փողոցի, քան որ սիւսայցէ և հա-  
ցիւ կարօտիցէ:

31 Որդեակ, հեղութեամբ գիր  
չուք անձին քո, և տուր նմա պա-  
տիւ ըստ արժանեաց իւրոց:

32 Ձայն, որ յանձն իւր մեղան-  
չէ, ո՞ արդարացուցանէ, կամ ո՞  
փառաւորեսցէ զայն՝ որ անարդէ  
զկեանս իւր:

53 Աղքատն մեծարի վասն հան-  
ճարոյ իւրոյ, և մեծատունն փա-  
ռաւորի յաղապս մեծութեան իւ-  
րոյ :

54 Որ փառաւորեալն է 'ի մեծու-  
թեանն, յաղքատութեան քանի՞նն  
ևս. և որ անմեծարն է յաղքա-  
տութեանն, 'ի մեծութեան ո՞ր-  
չափ ևս :

### ԳԼ. ԺԱ.

1 Իմաստութիւն խոնարհի բարձ-  
րացուցանէ զգլուխ նորա, և 'ի  
մէջ մեծամեծաց նստուցանէ զնա :

2 Մի գովեր զայր 'ի գեղ իւր, և  
մի նկուն համարիր զայր 'ի տեսիլ  
նորա :

3 Զի փոքր է 'ի թռչունս մեղու,  
և սկիզբն քաղցրութեանց պտուղ  
նորա :

4 Պատմուճանօք հանդերձից մի  
պարծիր, և յաւուր փառաց մի  
հպարտանար: Զի սքանչելի են

գործք Տեառն, և ծածկեալ են  
գործք նորա 'ի մարդկանէ:

5 Բազում բռնաւորք նստան 'ի  
դէտնի, և որում ոչ կայրակն՝ թագ  
եղաւ:

6 Բազում հզօրք անարգեցան  
յոյժ, և փառաւորք մատնեցան 'ի  
ձեռս այլոց

7 Մինչ չև քրննեալ իցէ, մի մե-  
ղադրես. իմանաս և ապա պատու-  
հասես:

8 Մինչ չև լուեալ իցէ, մի տար  
պատասխանի. և ընդ մէջ բանից  
մի անկանիր:

9 Յաղագս իրաց, որ ոչ քո իցեն,  
մի գուպարիր. և յատենի մեղա-  
ւորաց մի նստիր ընդ նոսա:

10 Որդեակ, մի զբազմաւ անկցին  
գործք քո. զի եթէ յաճախիցես,  
ոչ անպարտ իղիցես. և եթէ զհետ  
մոցես, ոչ հասանիցես. և ոչ ա-  
պրեսցիս պղծեալ:

11 Է որ Զանայ և վաստակէ և շու-  
թափէ, և ևս առաւել կարօտա-  
նայ. և է որ ծոյլ է՝ և կարօտ է ըն-  
դունելու թեան, և ապաժաման 'ի



ղորութենէ, և աղքատութեամբ  
առաւելեալ,

43 Եւ ահն Տեառն հայեցաւ առ  
նա՝ ի բարիս. և կանգնեաց զնա՝ ի  
խոնարհութենէ իւրմէ. և բարձ-  
րացոյց զգլուխ նորա, և հիացան  
՚ի վերայ բազումք:

14 Բարիք և չարիք, կանք և մահ,  
աղքատութիւն, և մեծութիւն ՚ի  
Տեառնէ են:

47 Տուրք Տեառն մնայ առ բարե-  
պաշտս, և հաճութիւն նորա յա-  
ւիտեան:

18 Եւ որ մեծանայ ՚ի պնդութե-  
նէ և ՚ի ճշգութենէ իւրմէ, այս  
է մասն վարձու նորա. յասել նո-  
րա՝ թէ գաի հանգիստ, և այժմ՝  
կերայց ՚ի բարութեանց իմոց, և  
ոչ գիտէ որպիսի ժամանակ հա-  
սանիցէ. և զայն այլոց թողուցու  
և մեռանիցի:

21 Կաց յուխտին քում. և ՚ի նոյն  
խօսեալիւր և հնասլիւր ՚ի գործս քո:

22 Մի՛ զարմանար ընդ գործս մե-  
ղաւորի, և հաւատա Տեառն՝ և  
յամեա ՚ի վաստակս քո:

23 Ձի թեթև է յաչս Տեառն՝  
յանկարծօրէն արագ մեծացուցա-  
նել զաղբասն:

24 Օրհնութիւն Տեառն 'ի վարձս  
բարեպաշտաց, և 'ի վաղվաղ ժա-  
մանակի զուարճացուցանէ զօրհ-  
նութիւն իւր:

25 Մի ասեր թէ ինձ զինչ պի-  
տոյ է, և յայսմ հետէ զինչ բա-  
րիք լինիցին ինձ:

26 Մի ասեր՝ թէ ինձ բաւական  
է, և զինչ վստահացայց յայսմ հետէ:

27 Յաւուր բարեաց անյիշութիւն  
չարեաց, և յաւուր չարեաց ոչ յի-  
շեսցին բարիք:

28 Ձի թեթև է յաչս Տեառն՝  
յաւուր վախճանի հատուցանել  
մարդոյ ըստ ճանապարհաց իւրոց:

29 Չարիք միոյ ժամու՝ մոռա-  
ցումն առնէ բարեկեցութեան. և  
վախճան մարդոյ՝ յայտնութիւն  
գործոց իւրոց:

30 Յառաջ քան զվախճան մի տար  
երանի մարդոյ, և յորդիս իւր ծա-  
նիցի այր:

31 Մի զամենայն մարդ մուծա-

ներ 'ի տուն քո, զի բազում են  
դարանք նենգաւորին:

32 Արտորդ կաքաւի 'ի գլուխ դա-  
հաւանդի. այսպէս և սիրտամբար.  
տաւանի իբրև զգէտ մի ուշ ունի  
գլորման:

33 Ձի դբարին 'ի չար դարձու-  
ցանելով վարանէ, և 'ի ցանկալիսն  
բիծ դիցէ:

34 Ի կայծականց հրոյ յաճախէ  
կրակ, և մարդ մեղաւոր 'ի մահ վա-  
րանի:

35 Ձգոյշ լէր 'ի խորամանկէ, զի  
չարիս նիւթէ գուցէ պարսաւանս  
յաւիտենից սացէ քեզ:

36 Բնակեցո առ քեզ զօտարո-  
տին, և խոտորեացէ զքեզ խառովու-  
թեամբ և օտարացուցէ զքեզ 'ի  
քոյոց անտի:

### ԳԼ. ԺԲ.

1 Եթէ բարի առնիցես, դիտեա  
ու՛մ առնիցես, և եղիցին շնորհք  
բարեացն քոց:

2 Բարի արա բարեպաշտին, և գացես փոխարէն հատուցումն. և Թէ 'ի նմանէ ոչ, այլ 'ի Բարձրեւոյն:

5 Ձեն բարիք այնմ՝ որ յաճախէ զչարին, և որ ողորմածութեամբ ոչ շնորհէ:

4 Տուր բարեպաշտին, և մի լինիր ձեռնկալու մեղաւորին:

6 Բարի արա խոնարհին, և մի տար ամբարշտի. խափանեա ըզհացս քո, և մի տացես նմա. զի մի նոքիմբք յաղթահարեսցեն զքեզ:

7 Ձի կրկին չարիս գացես յամենայն բարիս՝ զոր և առնիցես նմա. զի Բարձրեալն ատեայ զմեղաւորս, և հատուցանէ վրէժս ամբարշտացտուր բարւոյն, և մի լինիր զօրավիգն մեղաւորին:

8 Ոչ երեւեսցի 'ի բարիս բարեկամ, և ոչ Թափիցէ 'ի վիշտ Թշնամին:

9 Ի բարիս առն՝ Թշնամիք նորա 'ի տրտմութեան, և 'ի վիշտս նորա՝ բարեկամ 'ի բաց մերժեսցի:

10 Մի հաւատար Թշնամւոյ քո յաւիտեան: Ձի որպէս սղինծ

Ժանգոտ է, այսպէս և չարութիւն նորա:

11 Եւ եթէ խոնարհեսցի և գընասցէ կորացեալ՝ կացո՛ր Վերայ նորա զոգի քո, և զգուշացիր՝ ՚ի նմանէ. և եղիցես որպէս զայն՝ որ ջնջիցէ զհայելին, և գիտասցես զի ոչ ՚ի սպառ ժանկոտեցոյց:

12 Մի կացուցաներ զնա հուպ ՚ի քեզ, զի մի կործանեալ զքեզ՝ կացցէ ՚ի տեղւոջն քում: Մի նստուցաներ զնա ընդ աջմէ քումմէ, զի մի՛ երբեք խնդրեսցէ զաթու քո. և յետոյ ապա ծանկցես զբանս իմ, և ՚ի վերայ բանից իմոց ստըջասցիս:

13 Ո՛վ արգահատեսցէ թովչի՝\* օձահարի և ամենեցուն որ երթան ընդդէմ գազանաց, նոյնպէս և այն՝ որ երթայ առաջի առն մեղաւորի և խառնակի՝ ՚ի մեղս նորա:

14 Ժամ մի զքեւ պաղատի, և եթէ զատանիցես, ոչ համբերիցէ:

15 Շրթամբք իւրովք քաղցր լինի

\* Յօր. Որ... թռչի. երաւ ըստ Դաս օր. և յանին:

Թշնամին, և 'ի սրտի իւրում խորհեացի կործանել զքեզ 'ի խորխորատ:

17 Աչօք իւրովք արտասուեացէ Թշնամին. և եթէ գտցէ ժամանակ, ոչ յագեսցի յարենէ:

18 Չարիք եթէ պատահեսցեն քեզ, գտանես զնա անդ առաջոյ քան զքեզ. և որպէս զօգնական գայ Թագղեցուցէ զգարչապարս քո:

19 Զգլուխ իւր շարժեացէ, և ծափս հարցէ ձեռօք. և շատ ինքն զոփացէ, և այլայլեացէ զերեսս իւր:

## ԳԼ. ԺԳ.

Վասն Ձեծաբանցն:

1 Որ մերձենայ 'ի ձիւթ, շաղախեացի, և որ հաղորդ լինի ամբարտաւանի, նմանեացի նմա:

2 Որ ինչ ծանր է քան զքեզ, մի բառնար. և որ հարստագոյն քան զքեզ իցէ և զօրագոյն, մի լինիր նոցա կցորդ:

3 Զինչ հաղորդ իցէ պոյտն ընդ

կաթսայի. սա ընդհարկանի, և նա  
վիշրի:

4 Մեծատունն զրկեաց, և նոյն  
ցասնուցու. աղքատն զրկեցաւ, և  
նոյն յաղերս անկցի:

5 Եթէ պիտանի լինիցիս, վարէ  
զքեզ 'ի գործ. և եթէ ապաժա-  
ման, թողցէ զքեզ:

6 Եթէ ունիցիս ինչ, կենակից քո  
լինի. և զքեզ քամեսցէ, և նմա ոչ  
ցաւիցէ:

7 Պիտակք \* և մոլորեցոյց զքեզ,  
և ժպտիցի ընդդէմ քո, և տացէ  
քեզ յոյս:

8 Պօսեսցի ընդ քեզ ազնիւս և ա-  
սիցէ, զինչ են պէտք քո. և յա-  
մօթ առնէ զքեզ կերակրովք իւ-  
րովք:

9 Մինչև ընչաթափիցէ զքեզ եր-  
կիցս և երիցս, և ապա յետոյ ուղ-  
ղեսցի ընդ քեզ. յետ այսորիկ տես-  
ցէ զքեզ, և անփոյթ արասցէ. և  
զգլուխ իւր շարժեսցէ 'ի վերայ քո:

10 Զգոյշ լեր՝ մի մոլորեսցիս, և

\* Յօր. Պիտակք և սաղէնոս ըսք  
յոսնին և Տիսս օր:

մի չուառասցիս յուրախուժեանքում:

12 Ի կոչել զքեզ հզորին՝ խոյս տալիր, և ևս առաւել կոչեսցէ ըզքեզ առ ինքն:

13 Մի անկանիր՝ ի մէջ, գուցէ՝ ի բաց մղիցիս. և մի կար՝ ի հեռուստ, զի մի մոռացեալ լինիցիս:

14 Մի յուշանար հաւասարորդ նորա լինել, և մի հաւատար յաճախ բանից նորա. զի՝ ի բազում խօսից փորձեսցէ զքեզ, և որպէս ժպտելով ընդդէմ քո՝ քննեսցէ զքեզ:

15 Անողորմ է՝ որ ոչ սահէ ըզբանս, և ոչ խնայեսցէ ի տանջանաց և ի կապանաց:

16 Ուշ կալ և զգոյշ լեր յոյժ, զի ընդ գլորման քում չըջի:

19 Ամենայն երէ զնմանին իւր սիրէ, և ամենայն մարդ զմերձաւոր իւր:

20 Ամենայն մարմին ըստ ազգի ժողովի, և այր՝ ի նմանիս իւր յարեսցի:

21 Զինչ հաղորդ իցէ գայլ ընդ գառին, և զինչ խաղաղուժիւն մեծատան ընդ աղբատի:



25 Որս առիւծուց՝ ցիւք յանապատի, որպէս և ճարակ մեծաւանց՝ աղքատք:

25 Մեծատունն իբրև սասանեսցի, հաստատեալ լինի՝ ի բարեկամս. իսկ տառապեալն յորժամ՝ անկանի, և ՚ի ծանօթից անտի՝ ՚ի բաց մղի:

26 Ի սխալել մեծատանն՝ բազում են պաշտպանք, իսկ աղքատին և ոչ մի. խօսեցաւ մեծատունն անարժանս, և ետուն նմա իրաւունք:

27 Խօսեցաւ և տառապեալն, և սաստկակոծ արարին զնա. բարբառեցաւ իմաստութիւն, և ոչ տրւաւ նմա տեղի:

28 Իբրև խօսեցաւ մեծատունն՝ և ամենեքեան լռեցին, և զբան նորա վերացուցին մինչև յամսս:

29 Աղքատն խօսեցաւ, և ասացին՝ սա ո՞. և եթէ գայթիցի, առաւել ևս կործանեսցեն զնա:

30 Բարի է մեծութիւն՝ յորում ոչ կան մեղք, և չար է աղքատութիւն ՚ի բերան ամադոշտի:

31 Սիրտ մարդոյ այլադունէ զե-

րեսս մարդոյ, եթէ 'ի բարիս և ե-  
թէ 'ի չարիս:

32 Հետք սրաի 'ի բարիս՝ դէմք  
զուարթ, և գիւտք առակաց՝ խոր-  
հուրդ աշխատութեամբ:

### ԳԼ. ԺԴ.

1 Երանեալ է այր՝ որ ոչ գայ-  
թեաց բերանով իւրով, և որ ոչ  
խիթացաւ սրամտութեամբ մեղաց:

2 Երանեալ է այր՝ զոր ոչ ըստ-  
գիւտ անձն իւր, և որ ոչ անկաւ 'ի  
յուսոյ իւրմէ:

3 Առն ճրղճասրաի չէ բարւոք մե-  
ծութիւն, և մարդոյ չարական ընդ-  
էր գոն ինչք:

4 Որ ժողովէ սրտագին, ժողովէ  
այլոց, և 'ի բարիս նորա փափկաս-  
ցին այլք:

5 Որ չար է իւրում անձինն, ո՞ւմ  
լիցի բարի. և ոչ լինիցի ուրախ 'ի  
բարիս իւր:

6 Որ զինքն չարակնէ, քան զնա  
չիք ոք չարագոյն. և այս հատու-  
ցումն չարութեան նորա:

7 Թէպէտ և բարի արասցէ՛ի մո-  
ռացօնս շինի . և ապա յետոյ արաս-  
ցէ զչարու թիւն իւր :

8 Ձար է այն , որ յաջաղէ ակամբ .  
դարձուցանէ զերեսս , և անտես  
առնէ զանձինս :

9 Ակն ագահի ոչ յագի մասամբ ,  
և անօրէնութիւն չար դօսացուցա-  
նէ զանձն :

10 Ակն չար նախանձկոտ ՚ի հա-  
ցի\* , և կարօտ է ՚ի սեղան իւր :

11 Որդեակ , ըստ որում՝ ունի-  
ցիս՝ բարի արա անձին , և պատա-  
րագ Տեառն արժանապէս մատո :

12 Յուշ լիցին քեզ՝ զի մահ ոչ  
յամենայ , և ուխտ դժոխոց ոչ ցու-  
ցաւ քեզ :

13 Մինչ չև իցէ քո վախճանեալ ,  
արա բարի բարեկամին . ըստ զօրու-  
թեան քում կարկառեա և տուր  
նմա :

14 Մի շինիս զրկեալ ՚ի բարի օրէ ,

\* Յօր . Ակն չար նախանձկոտի  
հայի . ուղղեցաւ ըսք յանին :

և մասն ցանկութեան բարւոյ մի  
անցանէ ըստ քեզ:

15 Ոչ ապաքէն այլու՛ թողու-  
ցուս զվաստակս քո, և զքանցանս  
քո՝ ի բաժին վիճակաց:

16 Տուրևառ, և սիրեա զանձն քո:

17 Ձի ոչ է՝ ի դժոխս փափկու-  
թիւն խնդրել:

18 Ամենայն մարմին որպէս հան-  
դերձ մաշի, զի ուխտ՝ ի յաւիտենից  
հետէ այն է՝ թէ մահու մեռցիս:

19 Իբրև զտերև դալար յոստա-  
խիտ ծառ, է ինչ որ թափի, և  
է ինչ որ բուսանի. այսպէս ազգ  
մարմնոյ և արեան, ոմն վախճանի,  
և ոմն ծնանի:

20 Ամենայն գործ որ փտանա-  
լոց է՝ պակասէ. և որ գործէն զնա՛  
ընդ նմին երթայցէ:

22 Երանեալ է այր՝ որ իմաստու-  
թեամբ վախճանեսցի, և որ հան-  
ճարով իւրով խօսեսցի և ՚ի դադա-  
նիս նորա մտախորհ լինիցի:

25 Մուտ զհետ նորա որպէս հե-  
տահան, և ՚ի մուտս նորա դարա-  
նակալ լեր:

24 Որ յառուցու ընդ պատու-  
հանս նորա, և ընդ ծխահանս նո-  
րա ունկնդիր եղիցի,

25 Որ իջավանս առնիցէ մօտ առ-  
տուն նորա, և հարկանիցէ ցից  
յորմն նորա,

26 Կանգնեացէ զխորան իւր ընդ-  
ձեռս նորա, և դադարեացէ ՚ի դա-  
դարս բարութեանց. դիցէ զճը-  
նունդս իւր ընդ հովանեաւ նորա  
և ընդ ոստովք նորա:

27 Մածկեալ լիցի ՚ի նմանէ ՚ի  
խորշակէ, և ՚ի փառս նորա դա-  
դարեացէ:

## ՔԼ. ԺԵ.

1 Որ երկնչի ՚ի Տեառնէ, արաս-  
ցէ զայս. և որոյ կալեալ է զօրէնս,  
հասցէ նմա:

2 Եւ պատահեացէ նմա իբրև ըզ-  
մայր. և որպէս զկին կուսութեան  
ընկալցի զնա:

3 Չամբեացէ նմա հաց իմաստու-  
թեան, և ջուր հանձարոյ արբուս-  
ցէ նմա:

4 Յեցեալ լիցի նա, և մի անկցի.  
և 'ի նա ապաստան լիցի, և ոչ ա-  
մաչեսցէ. և բարձրացուսցէ զնա  
քան զընկերս իւր:

5 Եւ 'ի մէջ ժողովրդեան բացցէ  
զբերան նորա:

6 Ուրախութիւն և պսակ ցնծու-  
թեան և անուն յաւիտենից ժա-  
ռանգեսցէ:

7 Ոչ եղիցի նմա հասու իմաստք  
մարդկան. և արք մեղաւորք ոչ  
տեսցեն զնա:

8 Հեռի է 'ի հպարտութենէ, և  
արք սուտք ոչ յիշեսցեն զնա:

9 Ոչ է գեղեցիկ օրհնութիւն 'ի  
բերան մեղաւորի, զի ոչ 'ի Տեառ-  
նէ առաքեցաւ:

10 Զի իմաստութեամբ ասացեալ  
լիցի օրհնութիւն. և Տէր յաջո-  
ղեսցէ զնա:

11 Մի ասեր՝ թէ վասն Տեառն  
ապաստամբեցի. զի զորինչ ատեացն՝  
մի արասցես:

12 Մի ասեր՝ թէ նա մոլորեցոյց  
զիս, զի չէ նմա պիտոյ այր մեղա-  
ւոր:

15 Չամենայն գարշելիս ատեաց Տէր, և չէ սիրելի երկիւղածաց նորա:

16 Ինքն իսկզբանէ արար զմարդ, և եթող զնա ՚ի ձեռս կամաց իւրոց:

17 Եթէ կամիս, պահեսցես զպատուիրանս և հաւատս առնել հաճութեան:

18 Եր առաջի քո հուր և ջուր, ուր և կամիս՝ ձգես զձեռն քո:

19 Առաջի մարդոյ կեանք և մահ, և զինչ հաճոյ թուեսցի իւր՝ տացի նմա:

20 Զի բազում է իմաստութիւն Տեառն հօր կարողութեամբ, և աեսանէ զամենայն:

21 Եւ աչք նորա յերկիւղածս իւր, և ինքն ծանիցէ զամենայն գործս մարդոյ:

22 Ոչ ումեք պատուիրեաց ամբարըշտել, և ոչ ումեք համարձակ արար մեղանչել:

## ԳԼ. ԺԶ.

1 Մի ցանկար բազմութեան անպիտան որդւոց, և մի ուրախ լինիր յորդիսամբարիչտս. եթէ բազմասցին, մի ուրախ լինիր 'ի նոսա:

2 Եթէ ոչ իցէ երկիւղ Տեառն ընդ նոսա, մի վստահ լինիր 'ի կեանս նոցա, և մի ապաստանիր 'ի բազմութիւն նոցա:

3 Ձի լաւ է մի քան զհազարս,

4 Եւ մեռանել անորդի, քան թէ ունել որդիս ամբարիչտս:

5 Ձի 'ի միողէ իմաստնոյ շինեսցի քաղաք, և ազգ անօրինաց վտանկեսցի:

6 Բազում ինչ այսպիսի տեսի աչօք իմովք, և հզօրագոյնս քան զայս լուաւ ունկն իմ:

7 Ի ժողովս մեղաւորաց վառեսցի հօւր, և յազգ անհաւան փոջօրես. ԼԵՄ  
ցի բարկութիւն:

8 Ոչ քաւեսաց վասն առաջին հրկայիցն, ոչք ապստամբեցին զօրութեամբ իւրեանց:



9 Ոչ խնայեաց վասն պանդխտու-  
թեան Ղովտայ, յորոց դարչեցաւ  
վասն ամբարտաւանութեաննոցա:

10 Ոչ ողորմեցաւ վասն ազգին  
կորստեան վերացելոց մեղօք իւ-  
րեանց:

11 Եւ այսպէս վեց հարիւր հա-  
զար հետեակացն, որք հպարտա-  
ցեալ էին խտասրտութեամբ իւ-  
րեանց. թէպէտ և մի ոք իցէ խըս-  
տապարանոց, զարմանք են թէ  
անպարտ լինիցին:

12 Ձի ողորմութիւն և բարկու-  
թիւն առ նմա:

13 Հզօր է և քաւիչ, և հեղու  
բարկութիւն. ըստ բազում ողոր-  
մութեան նորա՝ սոյնպէս և բա-  
զում է և յանդիմանութիւն նորա:

14 Ձայր ըստ գործոց իւրոց դա-  
տի. ոչ ճողոպրեսցէ վասն յափըչ-  
տակութեան մեղաւոր, և ոչ զըր-  
կեսցէ զհամբերութիւն բարեպաշ-  
տին:

15 Ամենայն ողորմածութեան ա-  
րասցէ տեղի. իւրաքանչիւր ըստ  
գործոց գացէ:

16 Մի ասիցես եթէ 'ի Տեառնէ  
 թագեայց, և 'ի բարձանց ո՞ յիշես-  
 ցէ զիս:

17 Ի բազում ժողովրդեան ոչ ե-  
 ղէց ծանուցեալ. զի զինչ է հոգի  
 իմ յայնչափ արարածս:

18 Ահաւասիկ երկինք, և երկնից  
 երկինք, անդունդք և երկիր, յայ-  
 ցելու թիւն նորա շարժին,

19 Միանգամայն լերինք և հի-  
 մունք երկրի 'ի հայել նորա 'ի  
 նոսա:

20 Եւ յայսոսիկ ոչ մտախորհ ե-  
 ղեցի սիրա:

21 Եւ զճանապարհս նորա ո՞ ած-  
 ցէ զմտաւ, և որոգայթ զոր ոչ ե-  
 տես մարդ:

22 Իսկ յոլովք 'ի գործս նորա  
 ծածուկ են. զգործս արդարու-  
 թեան ո՞ պատմեսցէ, կամ ո՞ համ-  
 բերեսցէ՝ զի հեռի է ուխտն:

23 Որ պակասամիտն է, նա խորհի  
 զայսոսիկ. և այր անղգամ և մոլո-  
 բեալ՝ զմտաւ ածէ յիմարու թիւնս:

24 Լուր ինձ, որդեակ, և ուսիր  
 զհանճար. և բանից իմոց ուշ կալ  
 սրտիւ քով:

25 Յայանեցից կշռով զերատ, և ճմարտութեամբ պատմեցից ըզհանճար:

26 Իրաւամբք Տեառն գործք նորա 'ի սկզբանէ, և յարարչութենէ նոցա զատոյց զմասունս նոցա:

27 Զարգարեաց յաւիտեան ըզգործս իւր և զպետութիւնս նոցա յազգս \* նոցա:

28 Ոչ քաղցեան և ոչ աշխատեցան, և ոչ նուազեցին 'ի գործոց իւրեանց. իւրաքանչիւր ոք զմերձաւորն ոչ նեղեաց:

29 Եւ մինչև յաւիտեան ոչ ըստունդանիցեն բանից նորա:

30 Յետ այսորիկ Տէր յերկիր հայեցաւ, և ելից զսա բարութեամբ նորա:

31 Եռնչ ամենայն կենդանւոյ ծածկեաց զերեսս նորա, և 'ի նոյն դարձ դարձ նոցա:

\* Յ:բ. յազգս նոցա. «ազգեցաւ ըսպ. յոսնին:

## ԳԼ. ԺԷ.

1 Տէր հաստեաց 'ի հողոյ մարդ, և դարձեալ դարձոյց զնա 'ի նոյն:

2 Աւուրս թուոց ժամանակաց ետ նոցա, և ետ նոցա իշխանութիւն այնց՝ որ 'ի նմա:

3 Առանձին զգեցոյց նոցա զօրութիւն, և ըստ պատկերի իւրոյ արար զնոսա:

4 Եդ զահ նորա 'ի վերայ ամենայն մարմնոյ, և տիրել գազանաց և թռչնոց:

5 Խորհուրդ և լէզու և աչս և ականջս և սիրտ ետ, իմանալ նոքօք:

6 Քիտութեամբ հանձարոյ լցոյց զնոսա, և զչար և զբարի եցոյց նոցա:

7 Եդ զական իւր 'ի սիրտ նոցա՝ ցուցանել նոցա զմեծութիւն գործոց իւրոց, և զանուն սրբութեան օրհնեացեն:

8 Ձի և զմեծութիւն գործոց նորա պատմեացեն:

9 Յաւել նոցա գիտութիւն, և օրէնս կենաց ետ նոցա 'ի վիճակի:

10 Ուխտ յաւիտենից հաստա-  
տեաց ընդ նոսա, և զգատաստանս  
իւր եցոյց նոցա:

11 Զմեծութիւն փառաց տեսին  
աչք նոցա, և զփառս ճայնի նոցա  
լուաւ ունկն նոցա. և ասաց նոցա,  
զգոյշ լերուք յամենայն անիրա-  
ւութենէ:

12 Եւ պատուիրեաց իւրաքան-  
չիւրոց յաղագս մերձաւորին:

15 Ճանապարհք նոցա առաջի նո-  
րա յամենայն ժամ՝ ոչ թաքիցեն  
յաջաց նորա:

14 Իւրաքանչիւր ազգի կացոյց ա-  
ռաջնորդ. և բաժին Տեառն իս-  
րայէլ է:

16 Ամենայն գործք նոցա իբրև  
զարեգակն առաջի նորա, և աչք  
նորա ցանկորդեալ՝ ի ճանապարհս  
նոցա:

17 Ոչ ծածկեցան անիրաւու-  
թիւնք նոցա՝ ի նմանէն, և ամե-  
նայն մեղք նոցա առաջի Տեառն:

18 Ողորմածութիւնք առն իբրև  
զինիք ընդ նմա, և զչնորհս մարդոյ  
իբրև զբիւր պահեսցէ:

49 Յեա այսորիկ յարիցէ և հատուցէ նոցա, և փոխարէն հատուցման նոցա՝ ի գլուխսնոցա հատուցէ:

20 Բայց սաէայն ապաշխարողաց ետ դարձ վերստին, և մխիթարեաց զայն, որոց նուազեալ էր համբերութիւն:

21 Դարձիր առ Տէր և՛ ի բաց թող զմեզս:

22 Աղերսեաց առաջի նորա, և նուազեցո զյանցանս:

23 Դարձ արա առ Բարձրեալն, քարձիր յանիրաւութենէ, և յոյժատեա զգարչութիւն:

25 Բարձրելոյն զի՞նչ գովութիւն է ՚ի դժոխս փոխանակ այնց՝ որ կենդանի իցեն, և տացեն փոխարէն գոհացողութիւնս:

26 Ի մեռելոյ, իբրև այն զի ոչ ինչ է, կորուսեալ է խոստովանութի:

27 Կենդանին և ողջն գովեսցեն զՏէր:

28 Իբրև զի մեծ է ողորմութիւն Տեառն, և քաւութիւն ոյք դառնան առ նա:

29 Չի ոչ կարէ ամենայն ինչ լինել 'ի մարդիկ. զի ոչ է անմահ որդի մարդոյ :

30 Չինչ լուսաւորագոյն քան զարեգակն, սակայն և նա պակաս է. և չարիս ածցէ զմտաւ մարմին և արիւն :

31 Չզօրութիւն բարձրութեան երկնից յինքն յականէ. մարդիկ ամենայն՝ հող են և մօխիւր :

### ԳԼ. ԺԸ.

1 Որ կենդանին է յաւիտեան՝ հաստատեաց զամենայն հասարակաց. Տէր միայն արգարասցի :

2 Ոչ ումէք արար պատմել ըզգործս իւր :

3 Եւ ո՞քննեսցէ զմեծամեծսնորա :

4 Չկարողութիւն մեծութեան նորա ո՞ համարեսցի, և ո՞ յաւելցէ պատմել զողորմութիւն նորա :

5 Ոչ գոյ նուազեցուցանել և ոչ յաւելուլ, և ոչ է հետազօտել զսքանչելիս Տեառն :

6 Յորժամ կատարեսցէ մարդ, յայնժամ սկսանի. և յորժամ դադարեսցէ, յայնժամ ապուշ անկցի:

7 Զինչ է մարդ, և զինչ է պէտք:

8 Զինչ է բարի նորա, և զինչ է չար նորա. թիւ աւուրց մարդկան էթէ շատ, ամբ հարիւր: Իբրև ըզկաթ ջրոյ 'ի ծովէ և զխիճ՝ յաւազոյ, այսպէս ամբ սահաւ յաւուրցն յաւիտենից:

9 Վասն այսորիկ երկայնամիտ եղև Տէր 'ի նոսա, և զեղոյց 'ի վերայ նոցա Տէր զողորմութիւն իւր:

10 Ետես և գիտաց զկործանումն նոցա, զի չար էր:

11 Վասն այսորիկ յաճախեաց ըզբաւութիւն իւր:

12 Ողորմութիւն մարդոյ 'ի վերայ մերձաւորի իւրոյ, իսկ ողորմութիւն Տեառն 'ի վերայ ամենայն մսեղոյ:

13 Յանգիմանէ և խրատէ և ուսուցանէ, և դարձուցանէ իբրև հովիւ զհօտ իւր:

14 Այնց՝ որք ընդունին զխրատ՝



ողորմի, և որք փութան 'ի դատաստանս նորա:

15 Որդեակ, 'ի բարիս քո արատ մի՛ մոռճաներ, և մի՛ յամենայն տուրս բան արամո՛ւթեան:

16 Ոչ ապաքէն զտօթ զովացուցանէ ցօղ, սոյնպէս լաւ բան՝ քան զտուրս:

17 Եւ երկոքին ընդ աւն շնորհաւորի:

18 Յիմարն անշնորհակալուք նախատէ, և տուրք չարականն հալէն զաչս:

19 Մինչ չև խօսեալ իցէ՝ ուսիր,

20 Եւ յառաջ քան զդատաստան՝ քննեա զանձն քո:

21 Եւ 'ի ժամանակի սխալանաց՝ ցոյց զդարձն:

22 Մի՛ խափաներ հատուցանել զուխոս 'ի դէս ժամանակի. և մի՛ կալ մնալ մինչև 'ի մահ արդարանալ:

23 Մինչ չև ուխտադիր լեալ իցէ՝ պատրաստեա զանձն քո. և մի՛ լինիր իբրև զմարդ որ փորձիցէ զՏէր:

24 Յիշեա զցասումն յաւուրս

վախճանի, և զժամանակ վրէժ-  
խնդրութեան 'ի դարձման երե-  
սաց:

25 Յիշեջիր զժամանակ սովոյ 'ի  
ժամանակ լիութեան, զաղքատու-  
թիւն և զնեղութիւն՝ յաւուրս մե-  
ծութեան:

26 Յառաւօտէ մինչև յերեկոյ՝  
փոփոխի ժամանակ, և ամենայն  
ինչ երազագոյն է առաջի Տեառն:

27 Այլ իմաստուն յամենայնի  
պատկառեսցէ, և յաւուրս մեղաց  
դգուշասցի 'ի բազում յանցանաց:

28 Ամենայն հանճարեղ ծանեաւ  
զիմաստութիւն, և այնմ որ եգիտ  
զնա՝ տացէ խոստովանութիւն:

29 Հանճարեղք բանիւք և ին-  
քեանք իմաստանացան, և բխեսցեն  
առակս ճշմարիտս:

30 Որդեակ, զհեշտութիւն \* ցան-  
կութեան մի բաշխեր յանձնքո:

31 Եւ մի ոտնհար լիցիս թշնա-  
մեաց:

\* Յօր. զհրեշտակութիւն էրա-  
նս Դու օր:

32 Ընդ փառիկութիւն մի ուրախ ընիր, և մի հասլիր ընդ նմա:

35 Եւ հանդանակօք և փողօք մի աղբատանար, զի և մշակ արբշխոց հասցէ 'ի մեծութիւն:

### ԳԼ. ԺԹ.

1 Որ անարգէ զսակաւս, առ փոքր փոքր կործանեացի:

2 Կանայք և գինի կործանեն զիմաստութիւն, և անձն յանդուգն ստասկեացի:

4 Որ վաղվաղկոտ է 'ի հաւատալ՝ թեթեւ է սրաիւ, և որ յանցանէ՝ յանձն իւր մեղանչէ:

5 Որ լիբբ է մտօք՝ ըստգիւտ լիցի բաղմաց:

7 Ի բարեկամն և 'ի թշնամին մի յօժարեր երկրորդեւ զբանն:

8 Եթէ մեղք ոչ իցեն 'ի ներքս, բնաւ և յայտներ մի:

9 Զի լուաւ նա, և զգուշացաւ 'ի քէն:

10 Լուար ինչ բան, մեռցի անդրէն 'ի սրաի քում. պինդ կաց՝ որ ոչ հերձու և ելանէ արտաքս:

12 Իբրև նեո հարեալ 'ի մարմին  
մարդոյ, այսպէս և բան 'ի սիրտ  
անմտի :

13 Յանդիման արա զբարեկամն,  
Թերևս չիցէ իսկ զանցուցեալ :

14 Ապա եթէ իցէ մեղուցեալ՝  
դարձեալ զգուշացո, զի բարեկա-  
մու-Թիւն հաստատեսցի :

15 Բազում են բանսարկու-Թիք,  
և դու ամենայն բանից մի հաւա-  
տար :

17 Է ոք՝ որ գթէ, և ոչ մտօք. զի  
ո՞վ է, որ ոչ<sup>1</sup> յանցեալ մտօք կամ  
լէզուաւ :

18 Ամենայն իմաստու-Թիւն եր-  
կիւղ Տեառն :

19 Չէ իմաստու-Թիւն խրատ չա-  
րեաց, և ոչ խորհուրդ մեղաւորաց՝  
իմաստու-Թիւն :

21 Լաւ է պակասամիտն երկիւ-  
ղած՝ քան որ լին է մտօք, և յան-  
դըգնի յանցանել ըստ<sup>2</sup> օրէնս :

1 Յօր պալտսէր որ ոչ. եդաւ ըսք յայն  
բնագրին, և ըսք միս օր :

2 Յօր. ընդ. եդաւ ըսք միս օր :

22 Է խորագիտութիւն ճշմարիտ,  
և լի է ապիրատութեամբ և անխ-  
րաւութեամբ:

23 Եւ է որ կորուսանէ զնորհա,  
զի յայտ արասցէ զիրաւունս. և է  
խորամանկ՝ որ խոնարհ շրջի՝ ի ծա-  
ծուկ, և փոր նորա լի է նենգու-  
թեամբ:

26 Մարդ յականէ իսկ երևի, և  
՛ի պատահել երեսաց՝ ճանաչի ի-  
մաստութիւն:

27 Հանդերձ մարդոյ և ծաղր ե-  
րեսաց և քայլ ոտից՝ պատմէ զնը-  
մանէ:

28 Է յանդիմանութիւն՝ որ ոչ է  
բարի, և է լուութիւն՝ որ է իմաս-  
տութիւն:

## ԳԼ. Ի.

1 Իբրև՝ զի կարի լաւ է յանդիմա-  
նել՝ քան ցասնուլ:

2 Եւ որ առնէ զդատ բռնու-  
թեամբ,

3 Այնպէս է՝ որպէս ներքինի ցան-  
կայ կուսի կուսութեան:

5 Է որ 'ի շատխօսուածենէ՝ ատե-  
լի լիցի ամենեցուն, և են՝ որ ոչ գոյ  
բանք 'ի բերան:

6 Են որ լուռ են՝ զի ոչ գիտեն  
զժամանակ բանից:

7 Այր իմաստուն լուեսցէ մինչև  
'ի ժամանակ խօսից, և որ անզգամ  
է և ամբարիշտ՝ յառաջ վազեսցէ:

8 Որ յաճախէ զբան իւր, արհա-  
մարհեսցի, և որ անչափ սաստկա-  
նայ, ատելի լիցի\*:

9 Է յաջողութիւն 'ի վերայ չա-  
րեաց մարդոյ, և են գիւտք 'ի  
պակասութիւն:

10 Են տուրք՝ որ ոչ ինչ օգնեն,  
և են տուրք՝ որ հատուցումն կըրկ-  
նակի ունին:

11 Է պակասութիւն՝ որ վասն  
փառաց է, և են՝ որ վասն խոնար-  
հութեան:

12 Են՝ որ գլուխ 'ի վեր բարձին,  
և են՝ որ գնեն զ'Եծն փոքու, և են՝  
որ տուժին ևս եօթնպատիկ:

\* Յօր. պախտէր լիցի. երաւ ըսք  
Տիւս օր:

13 Որ իմաստուն է բանիւք, զան-  
ձըն սիրելի առնէ. շնորհք մորո-  
ւաց՝ ամաչեացեն:

14 Տուրք անզգամաց՝ օգուտ ոչ  
բերէ, զի աչք նոցա ընդ միոյն ՚ի  
բազումս նային:

15 Սակաւ ինչ տայ, և մեծամեծս  
նախատէ. և իբրև ՚ի քարոզ բանայ  
զբերան իւր:

17 Մորոսն այսպէս ասէ. չեք  
իմ\* բարեկամ, և շնորհք բարեաց  
ոչ գոյ ինձ:

20 Լաւ է յոտից գայթաղիլ՝  
քան ՚ի լեզուէ. այսպէս և չարեաց  
կործանումն վաղվաղակի հասցէ:

21 Առասպել տարաժամ՝ այր  
անշնորհք:

22 Ի բերանոյ առն անմտի՝ ան-  
արդին առակք, զի ոչ ասէ ՚ի ժա-  
մու:

25 Է որ ՚ի մեղաց արգելեալ է  
վասն սկարութեան, և ՚ի հանգըս-  
տեան իւրում ոչ զըջանայ:

\* Յօր. ասէ, իք չէ իմ. էրաս ըստ  
միտ օր:

24 Է որ կորուսանէ զանձն վասն  
ամօթոյ , և կորնչի յակնառութե  
իւրում :

25 Է որ զամօթ յանձն առնու  
վասն բարեկամի , և 'ի տարապար-  
տուց ստացաւ զնա թշնամի իւր :

26 Չար բիծ 'ի մարդ ստուծիւն :

27 Այլ է գողութիւն , և այլ է  
ստուծիւն . և երկոքին զկորուստ  
ժառանգեն :

28 Անարդանք անձին մարդոյ \*  
բանք սրտի իւրոյ , և ամօթ նորին  
կանխեսցի 'ի նոյն : Արդեակ , պա-  
հեա զբանս իմ , և խելամուտ լեր 'ի  
գմա 'ի տուէ և 'ի գիշերի . զի և որ-  
դի հարազատ և ժառանգ մեծ-  
ազգի՝ որ զնախնեացն մեծանձնու-  
թիւն ոչ նորոգէ և յառաջ բերէ՝  
յամօթ մեծ և 'ի նախատինս է նա  
հաւուց իւրոց , և անէծք նորոգ :

29 Ար իմաստուն է բանիւք , յա-  
ռաջ մատուցէ զինքն . և այր մտա-  
ցի հաճոյ լինի մեծամեծաց :

\* Յօր . պակասէր բանք սրտի իւ-  
րոյ . երես ըստ միս օր :



50 Որ գործէ զերկիր՝ բարձրացուցանէ զէղջ իւր, և որ հաճոյ լինի մեծամեծաց՝ քաւէ զանիրաւու թիւն:

51 Ընծայք և կաշառք կուրացուցանեն զաչս իմաստնոց, և որպէս ցուկակապ՝ ի բերան՝ խոտորեն ըզյանդ իմանու թիւն:

52 Իմաստու թիւն ծածկեալ՝ գանձանցայտ. ո՞ր օգուտ է յերկոցունց:

53 Լաւ է մարդ՝ որ թագուցանէ զիմարու թիւն իւր, քան զմարդ՝ որ թագուցանէ զիմաստու թիւն իւր:

## ԳԼ. ԻԱ.

1 Որդեակ, եթէ մեղար՝ մի ևս յաւելուր, և վասն առաջնոց մեղացն սաղատեաց:

2 Փախիր՝ ի մեղաց իբրև յերեսաց օձի, և թէ մօտիցիս՝ մաղկատեսցէ զքեզ:

3 Ժանիք առիւծու են ժանիք նորա, որ սպանանեն զոգիս մարդկան:

4 Իբրև զսուր երկասյրի ամե-  
նայն անօրէնութիւն, վերաց նորա  
ոչ գոյ բժշկութիւն:

5 Արհաւիրք և թշնամանք աւե-  
րեն զմեծութիւն. այսպէս տուն  
ամբարտաւանից եղծցի:

6 Խնդրուածք մինչև յականջս նո-  
րա, և իրաւունք նորա փութանա-  
կի եկեսցեն:

7 Որ ատէ զյանդիմանութիւն,  
նա՛ ՚ի շաւիղս մեղաւորաց. և որ եր-  
կընչի՛ ՚ի Տեառնէ՛ գարձցի առ նա  
սրտիւ:

8 Բացէ՛ ՚ի բաց ճանաչի որ հզօր  
է շեղուաւ. իսկ որ մտացի է՛ գի-  
տէ՛ ՚ի գայթեղ իւրում:

9 Որ շինէ զտուն իւր յայլոց ըն-  
չից՝ որպէս ժողովէ քարինս ՚ի ձմե-  
րայնի:

10 Վուշ գիզեալ՝ ժողով անօրի-  
նաց, և վախճան նոցա ՚ի բոց հրոյ:

11 Ճանապարհք մեղաւորաց՝ հար-  
թեալ ՚ի քարանց, և ՚ի վախճա-  
նի խորխորատ դժոխոց:

12 Որ պահէ զօրէնս՝ իշխէ մտաց  
իւրոց,

15 Աւ վախճան երկիւղի\* Տեառն՝  
իմաստութիւն:

14 Ոչ խրատեսցի՝ որ ոչ է խորա-  
գէտ:

15 Է խորագիտութիւն, որ յա-  
ճախէ զգառնութիւն:

16 Գիտաստութիւն իմաստնոյ՝  
իբրև զհեղեղ սաստկացի, և խոր-  
հուրդ նորա՝ իբրև զաղբիւր ա-  
կանց:

17 Փոր մորոսի իբրև զաման ծա-  
կոտ. և զամենայն գիտութիւն ոչ  
կալցի:

18 Բան իմաստուն եթէ լուիցէ  
հանձարեղն՝ գովեսցէ զնա, և՛ ի նոյն  
յաւելցէ: Լուաւ որ զեղին է՝ և  
չթուեցաւ նմա հաճոյ, և դարձոյց  
զնա զկնի թիկանց իւրոց:

19 Պատմութիւն մորոսի՝ որպէս  
զբեռն ՚ի ճանապարհի. այլ ՚ի վե-  
րայ շրթանց իմաստնոյ՝ գտցին չը-  
նորհք:

20 Բերան իմաստնոց խնդրեսցի

\* Յօր. պատիւէր Տեառն իմաստու-  
թիւն: Եղաւ ըստ մաս զի ան զի ան յոսնին:

'ի ժողովրդեանն, և զբանս նորա  
խորհեսցեն 'ի սրտի:

21 Իբրև զտուն եղծեալ՝ այսպէս  
յիմարին իմաստութիւն, և գի-  
տութիւն անմտի՝ բանք առանց  
քննութեան:

22 Ոտնկապ յոտս՝ անմտաց խրատ,  
և իբրև զձեռնակապս աջոյ ձեռին:

23 Մորոս 'ի ծիծաղել՝ բարձ-  
րացուցանէ զբարբառ իւր, իսկ  
այր խորագէտ՝ հազիւ հանդարտս  
ժպտի:

24 Իբրև զտրդ ոսկեղէն մտացւոյ՝  
խրատ, և որպէս զապարանջան յա-  
ջոյ բազկի:

25 Ոտն մորոսի՝ երագ 'ի տուն.  
իսկ այր բազմահմուտ պատկառես-  
ցի յերեսաց:

26 Անմիտն ընդ դուրս յառես-  
ցի\* 'ի տուն, իսկ այր խրատեալ  
արտաքոյ կացցէ:

27 Անխրատութիւն է մարդոյ՝  
ունկն դնել առ դուրս. իսկ իմաս-  
տունն տաղտկասցի յանարգանաց:

\* Յօր. յայտնեցի. առ զլեցաւ ըսպ  
յոնի:

20

նո

մա

29

ցա

նոց

30

տա

ծա

31

և

լեց

1

է վա

վեր

2 Ս

վատ

զնա՝

3 Ս

տի.

թեա

\* Յ

յիտ

28 Նրթունք օտարոտեաց՝ յայնոսիկ պատմեցեն, իսկ բանք իմաստնոյ կացցեն՝ ի կշիռ:

29 Ի բերան յիմարաց՝ սիրտ նոցա. իսկ ՚ի սիրտ իմաստնոց՝ բերան նոցա:

30 Յանիծանել ամբարշտին զատանայ՝ իւրովի զիւր անձն անիծանէ:

31 Պղծէ զանձն իւր փառքուն, և ուր և բնակեցէ մօտ՝ ատելի լիցի:

### ԳԼ. ԻԲ.

1 Քարի շաղախելոյ հաւասար է վատն\*, և ամենայն ոք չէսցէ ՚ի վերայ անարգանաց նորա:

2 Աղբոյ և կուոյ հաւասար է վատն, և ամենայն որ վերացուցէ զնա՝ թօթափեսցէ զձեռն իւր:

3 Ամօթ հօր ՚ի ծնանել անխրատի. իսկ զուստր վատն նուազութեան լինի:

\* Յօր. պաշտակը վատն. երես ըսք թափ օր և յոսնին: 6

4 Դուստր իմաստուն ժառանգեացէ զայր իւր, իսկ որ յամօթն առնիցէ՝ ՚ի արամուլթիւն է ծնելէացն:

5 Զհայր և զմայր յամօթ առնէ յայրասն, յերկոցունց անարդեսցի:

6 Երաժիշտք և սուգք՝ տարապարտ պատմուլթիւն. իսկ գանք և խրատք յամենայն ժամ իմաստուլթիւն:

7 Զխեցի կարկատէ՝ որ ուսուցանէ զխմարն,

8 Եւ զարթուցանէ զննջեցեալն ՚ի խոր քնոյ:

9 Պատմէն իրհեցելոյն՝ որ պատմէ յիմարին, և ՚ի վախճանին ասիցէ՝ զինչ է:

10 Լաց ՚ի վերայ մեռելոյ, զի պակասեաց լոյս. և ՚ի վերայ մորոսին լաց, զի պակասեաց իմաստուլթիւն:

11 Մտադիւր լաց ՚ի վերայ մեռելոյն, զի հանգեաւ:

12 Իսկ յիմարին քան զմահ կեալն շար է:

13 Սուգ մեռելոյ՝ աւուրք եօթն.  
իսկ անմտին և ամպարշտին՝ ամե-  
նայն աւուրք կենաց իւրոց:

14 Ընդ անղգամին մի յաճա-  
խեր բանիւ, և առ անմիտն մի եր-  
թար:

15 Զգոյշ լեր՝ ի նմանէ՝ զի մի աշ-  
խատութիւն կրեսցես, մի շաղա-  
խիցիս ՚ի թօթափման նորա:

16 Այլ խոտորեաց ՚ի նմանէ, և  
գտցես հանգիստ, և ոչ ձանձրաս-  
ցիս պանդորրութեամբ նորա:

17 Քան զկապար զի՞նչ ծանր լի-  
նիցի, և զի՞նչ անուն նորա՝ թէ ոչ  
յիմար:

18 Զաւազ և զաղ և զշանթս եր-  
կաթոյ գիւրին է կրել՝ քան զմարդ  
անմիտ:

19 Պահանգապատ փայտեղէն կա-  
պեալ ՚ի շինածի՝ և ՚ի շարժման ոչ  
խախտեսցի, որպէս և սիրտ հաս-  
տատեալ յիմացութիւն խորհրդ-  
ոց:

20 Ի ժամանակի ոչ վհատեսցի  
սիրտ հաստատեալ ՚ի խորհրդեան  
իմաստութեան:

21 Իբրև զյարդ, աւազեղէն քա-  
րակուռ որմոյ խճաքարք՝ որ 'ի  
բարձրաւանդի կացցեն, առաջի  
հողմոց ոչ մնայցեն:

22 Այսպէս սիրտ վատթարի 'ի  
խորհրդեան մորոսի, առաջի ամե-  
նայն երկիւղի ոչ համբերեսցէ:

24 Որ խոցէ զակն՝ իջուսցէ ար-  
տասուս, և որ խոցէ զսիրտ՝ յայտ-  
նեսցէ զգայութիւն\*:

25 Որ ձգէ քարինս թռչնոց, իւրը-  
տուցանէ զնոսա. և որ նախատէ  
զբարեկամ, լուծցէ զբարեկամու-  
թիւն:

26 Ի վերայ բարեկամի թէ և սուր  
հանիցես՝ մի անյոյս լինիցիս, զի գոյ  
դարձ:

27 Ի վերայ բարեկամի թէ և բա-  
նայցես զբերան՝ մի երկնչիր, զի է  
հաշտութիւն. բաց 'ի նախատա-  
նաց և յամբարտաւանութենէ և  
'ի յայտնելոյ խորհրդոյ և 'ի նեն-  
գութենէ վիրաց:

\* Յօր. զգայութութիւն. առաջին  
ըստ յոանիս:



28 Յայսցանէ փախիցէ ամենայն  
բարեկամ. հաւատարմութիւն ըս-  
տացիր յազբատութեան ընդ մեր-  
ձաւորին, զի 'ի բարիս նորա ուրախ  
լիցիս:

29 Ի ժամանակի նեղութեան  
մօտ կաց առ նմա, զի 'ի ժառան-  
գութեան նորա և դու ժառան-  
գեսցես:

30 Յառաջ քան զհուր՝ գողոր-  
շիք հնոցի և ծուխ, այսպէս և յա-  
ռաջ քան զարիւնս՝ բամբասանք:

31 Չբարեկամ ընդ ինև. ունել՝  
ոչ ամաչեցից. և յերեսաց նորա ոչ  
թագեայց, թէ և չարիք պատա-  
հեսցեն ինձ վասն նորա:

32 Ամենայն որ լսիցէ, խորշեսցի  
'ի նմանէ:

33 Ո՞ տայր ինձ 'ի վերայ բերա-  
նոյ իմոյ պահպանութիւն, և 'ի  
վերայ շրթանց իմոց կնիք խորա-  
գիտութեան. զի մի անկայց 'ի  
նմանէ և լեզու իմ կորուսցէ զիս:

## ԳԼ. ԻԳ.

1 Տէր, հայր և իշխան կենաց իմոց՝ մի թողուր զիս՝ ի խորհուրդս նոցա:

2 Ո՞ր կացուցանէր՝ ի վերայ մտաց իմոց լըլկանա, և ՚ի վերայ սրտի իմոց խրատ իմաստութեան:

3 Զի ՚ի վերայ տգիտութեանց իմոց մի արասցեն ինայ, և ոչ թոյլ տուեալ լինիցին մեղք նոցա. որպէս զի մի յաճախեսցեն տգիտութիւնք իմ և մեղք իմ բազմացին, և անկանիցիմ առաջի հակառակորդացն, և ոտնհար լինիցի ինձ թշնամին իմ:

4 Տէր հայր և Աստուած կենաց իմոց,

5 Զբօսանս աչաց մի տար ինձ, և զցանկութիւն սրտի դարձո յինէն:

6 Յանկութիւն որովայնի և գիշուութիւն մի հասցեն ինձ, և անձին լրբենոյ մի մատներ զիս:

## ԽՐԱՄ ԲԵՐԱՆՈՅ :

7 Ձխրատ բերանոյ լուարուք, որ-  
դեակք, և որ պահիցէն՝ ոչ ըմբը-  
նեսցի :

8 Շրթամբք իւրովք կալեալ լի-  
ցի մեղաւորն, և հայհոյիչն և ամ-  
բարտաւանն գայթաղեսցի նո-  
քիմբք :

9 Մի ընդեւացուցաներ<sup>1</sup> զբերան  
քո ընդ երգումն :

10 Եւ անուանակոչուածեան Սըր-  
բոյն մի սովորիք<sup>2</sup> :

11 Արպէս ծառայ՝ որ ստէպ ՚ի  
հարց և ՚ի փորձ մտանիցէ՝ ՚ի վերաց  
ոչ լինիցի կարօտ, նոյն<sup>3</sup> որ երգ-  
նուցուն և անուանիցէ հանապազ՝  
՚ի մեղաց ոչ սրբեսցի :

1 Յօր. ընդացցնել. աղղեցաւ ըսք  
Ռաւ օր և յոսնին :

2 Յօր. մի ճարտարեր. աղղեցաւ  
ըսք յոսնին և Ռաւ օր :

3 Յօր. որպէս որ. աղղեցաւ ըսք  
յոսնին :

12 Այր շատերդումն լըցել անօրէնութեամբ, և ոչ 'ի բացեոյ լիցին 'ի տանէ նորա հարուածք:

13 Եթէ յանցանիցէ, մեղք նորա 'ի վերայ նորա, և եթէ չիոթ առնիցէ մեղաւ կրկին:

14 Եւ եթէ վայրապար ինչ երդուաւ, ոչ արդարացի. զի լըցել տանջանօք տուն նորա:

15 Է բան հաւասար մահու:

16 Մի գոցի այն 'ի ժառանգութիւն Յակոբայ. և 'ի բարեպաշտաց այս ամենայն հեռի եղիցի, և 'ի մեղս ոչ թաւալեսցին:

17 Ընդ անխրատութիւն մի ընդէլացուցաներ զբերանքո, զի գոց 'ի նմա բան մեղաց:

18 Յիշեա զհայր և զմայր քո, զի 'ի մէջ մեծամեծաց նստիցիս դու:

19 Գուցէ մոռանայցես առաջի նոցա, և սովորութեամբ քով անմտացիս. և կամիցիս թէ չէիր ծընեալ, և զօր ծննդեանքո անիծանեսցես:

20 Այր որ սովորի ընդ բանս նախատանայ՝ յամենայն աւուրս իւր նա ոչ խրատեսցի:

21 Երկու ինչ են, որ բազում առնեն զմեզս. երրորդն ասէ՛ ՚ի վերայ զբարկութիւն:

22 Անձն ցասկոտ իբրև զհուր բորբոքեալ, և ոչ շիջանի մինչև ընկըցի:

25 Այր բողանոց՝ մարմնով անդամոց իւրոց ոչ դադարեացէ՛ մինչև վառեացէ զհուր:

24 Մարդոյ պոռնկի ամենայն հաց քաղցր է. ոչ դադարեացէ՛ մինչև վախճանեցի:

25 Այր որ յանցանիցէ քսա մահի՞ճս իւր, ասիցէ ՚ի սրտի իւրում թէ ո՞ տեսանիցէ զիս:

26 Խաւար շուրջ զինև, որմք ծածկեն զիս, և ոչ ոք տեսանէ զիս. զի կասկածեմ, զի զմեզս իմ ոչ տեսանէ Բարձրեալն:

27 Եւ աչք մարդկան է երկիւղ նորա:

28 Եւ ոչ գիտաց թէ աչք Տեառն՝ բիւրապատիկ քան զարեգակն լուսաւորագոյն է, որ հային յամենայն ճանապարհս մարդկան, և նրկատէ զտեղիս գաղանի:

29 Մինչ չև լեալ էին՝ ամենայն ծանօթ էին նմա. սասպէս և յետ վախճանելոյ :

30 Այնպիսին 'ի հրապարակս քաղաքի տայէ վրէժս, և ուր ոչ կարծիցէ՝ ըմբռնեսցի :

52 Նոյնպէս և կին՝ որ թողեալ է զայր իւր, և յանդիման կացուսցէ ժառանգ յօտարէ :

53 Նախ իսկ ահա օրինաց Բարձրելոյն ստունկանեաց, երկրորդանգամ՝ յայր իւր յանցեալ, և երրորդ՝ պոռնկութեամբ շնացաւ, և յօտար յառնէ որդիս առաջի կացոյց :

54 Սա 'ի ժողովրդենէ ելեալ լիցի, և 'ի վերայ որդւոց նորա այցելութիւն ոչ եղիցի :

55 Աչ արձակեսցեն որդիք նորա արմատս, և ոստք նորա մի արասցեն պտուղ :

56 Թողցէ յանէծս զլիշատակ իւր, և նախաախնք նորա մի ջրիջեսցին :

57 Զի ոչ ինչ է լաւ քան զերկիւղ Տեառն, և ոչ ինչ քաղցրա-

գոյն քան զքնեւ միտ պատուիրա-  
նաց Տեառն :

ԳԼ. ԻԴ.

Գովառնիան Իմաստութեան :

1 Իմաստութիւն գովեսցէ զան-  
ձըն, և 'ի մէջ ժողովրդեան իւրոյ  
պարծեսցի :

2 Յեկեղեցւոյ Բարձրելոյն զբե-  
րան իւր բացցէ, և առաջի զօրու-  
թեան նորա պարծեսցի :

3 Ես 'ի բերանոյ Բարձրելոյն ելի,  
և իբրև զմէք ծածկեցի զերկիր :

7 Ես 'ի բարձունս բնակեցայ, և  
աթոռ իմ 'ի սիւն ամսոյ :

8 Ընդ ծիր երկնից շրջեցայ միայն,  
և 'ի խորս անգընդոց գնացի :

9 Յալիս ծովու, և յամենայն եր-  
կիր :

10 Եւ յամենայն ժողովրդեան և  
յազինս ստացայ :

11 Ընդ սոսա ամենեպեան հան-  
գիստ խնդրեցի, և 'ի ժառանգու-  
թեան ուր դադարեցից :

12 Յայնժամ պատուիրեաց ինձ  
արարիչն ամենեցուն, և որ հաս-  
տատեացն զիս՝ արար դադար խո-  
րանի իմոյ:

15 Եւ ասաց. 'ի մէջ Յակոբայ  
բնակեաց դու, և յիսրայելի ժա-  
ռանդութիւն կալձիր:

14 Յառաջ քան զյաւիտեանս՝  
խակզբանէ հաստատեաց զիս, և  
մինչև յաւիտեան ոչ պակասեցայ:

15 Ի սուրբ խորանի առաջի նորա  
պաշտեցի, և ապա 'ի Սիոն հաստա-  
տեցայ\*. 'ի սուրբ քաղաքի նմա-  
նապէս հանդոյց զիս, և յԵրուսա-  
ղէմ իշխանութիւն իմ:

16 Եւ արմատացայ 'ի փառաւոր  
ժողովրդեան. 'ի բաժին Տեառն  
ժառանգութիւն նորա:

17 Իբրև զնոճ բարձրացայ 'ի Լի-  
բաննու, և իբրև զսարգն 'ի լե-  
րինս Ահերմոնի:

18 Եւ իբրև զարմաւենի բարձրա-  
ցայ յԵնդադո, և իբրև զառնկ  
վարդենոյ յԵրեբով:

\* Յօր. հաստեցայց. ուղղեցաւ ըստ  
յուսին և միտ օր:



19 Իբրև զձիթենի վայելուչ 'ի  
դաշտի, և բարձրացայ իբրև զսօս:

20 Եւ իբրև զկինամոն, և որպէս  
զՃանբակ խնկոց՝ ետու հոս:

21 Իբրև զմոռւ ընտիր բուրցի  
անուշահոտութիւն, որպէս զքաղ-  
բան և զեղունկն և զաաշնն և ըզ-  
հոս կնգրկի 'ի վրանի:

22 Ես իբրև զբւեկնի արձակցի  
զոսոս իմ, և ոստք իմ, ոստք փա-  
ռաց և շնորհաց:

23 Ես որպէս այգի բղետցի շը-  
նորհս, և ծաղիկք իմ պտուղ փա-  
ռաց և մեծութեան:

26 Մատերուք ամենեքեան՝ ոյք  
ցանկացեալ էք ինձ, և յարմատաց  
իմոց յագեցարուք:

27 Զի յիշատակ իմ քան զմեղք  
քաղցր է, քանզի և ժառանգու-  
թիւն իմ քան զխորիսիս մեղու:

29 Այք ուտեն զիս՝ տակաւին  
քաղցիցեն. և ոյք ըմպեն զիս՝ տա-  
կաւին ծարաւեսցին:

50 Արլուիցէ ինձ՝ ոչ ամաչեսցէ,  
և ոյք գործիցեն ինե՛՛ ոչ մեղիցեն:

52 Այս ամենայն գիրք ուխտի Աս-  
տուծոյ Բարձրելոյն:

53 Օրէնք, զոր պատուիրեաց մեզ  
Մովսէս,

54 Ժառանգութիւն ժողովրդոց  
Յակոբայ:

55 Որ զեղու իբրև զՓիսոն զիմաս-  
տութիւն, և որպէս զՏիգրիս յա-  
ւուրս կանխոց:

56 Որ լցուցանէ իբրև զՅփրատ՝  
զհանձար, և իբրև զՅորդանան՝<sup>1</sup>  
յաւուրս հնձոց:

57 Որ երևեցուցանէ իբրև զլոյս  
զխրատ<sup>2</sup> և իբրև զԳեհոն յաւուրս  
կէոց:

58 Ոչ վախճանեաց առաջինն ճա-  
նաչել զնա, և ոչ վերջինն զննեաց  
զնա:

59 Զի 'ի ծովէ բազմացաւ մտա-  
խոհութիւն նորա, և խորհուրդ  
նորա՝ յանդնդոց մեծաց:

41 Եւ իբրև զԶրմուղ ելի 'ի գե-  
տոյ, և որպէս վտակ ելի 'ի գրախ-  
տէ:

1 Յօր. և իբրև զյարդն. ուղղեցա-  
լսս յանին և միս օր:

2 Յօր. իբրև զլոյս զգաշտ. ուղ-  
ղեցաւ ըսպ յանին:

42 Ասացի՛ արբուցից զպարտէզն .  
և արբուցից զածուն :

43 Եւ ահա եղև ինձ ջրմուղ 'ի  
գետ , և գետն եղև ինձ 'ի ծով :

44 Տահաւին զխրատ իբրև զառա-  
ւօտ լուսաւորեցից , և երևեցուցից  
զնա մինչև 'ի հեռարձակ :

46 Տահաւին վարդասպետութիւն  
և որսէս զմարդարէութիւն սիրե-  
ցից , և թողից զնա յազգս յաւի-  
տենից :

47 Տեսէք զի ոչ ինձ միայնոյ վաս-  
տակեցի , այլ ամենեցուն՝ որ խըն-  
դրեն զնա :

## ԳԼ. ԻԵ.

1 Երիւք գեղեցկացայ , և յա-  
րեայ վայելուչ առաջի Տեառն և  
մարդկան :

2 Միաբանութիւն եղբարց , և սեր  
մերձաւորաց , և կին և այր՝ որ զմի-  
մեամբք գայցեն :

3 Երիս ինչ ատեաց անձն իմ , և  
յոյժ ծանրացայ կենօք նոցա :

4 Զաղքատն հսրարտ , և զմեծա-

տունն սուտ, զձեր գափաշոտ և պահասեալ 'ի մտաց:

5 Ի մանկութեան ոչ հաւաքեցեր, և զիարդ գտանիցես 'ի ծերութեան քում:

6 Իբրև զի գեղեցիկ է ալեաց<sup>1</sup> առնել գատ՝ և ծերոց ճանաչել զխորհուրդ:

7 Իբրև զի գեղեցիկ է ծերոց իմաստութիւն, և փառաւորելոց իմացութիւն և խորհուրդ:

8 Պսակ ծերոց շատահմտութիւն, և պարծանք նոցա երկիւղ Տեառն:

9 Ինն կարծեաց երանի ետու 'ի սրտի, և զտասներորդն ասացի լեզուաւ:

10 Մարդ ուրախ լեալ յորդիս, կենդանի՝ և տեսանիցէ զկործանումն թշնամեաց:

11 Երանի՛ որ բնակիցէ ընդ կնոջ իմաստնոյ, և որ լեզուաւ իւրով ոչ գայթեաց, և որ ոչ ծառայեաց անարժանի իւրում<sup>2</sup>:

1 Յօր. ատելեաց. առաջինս ևս յոսնին:

2 Յօր. ուրում. առաջինս ևս յոսնին:

12 Եւ Էրանի՛ որ Էգիտ հանճար,  
և որ պատմիցէ յահանջս շողաց:

13 Իբրև զի մեծ է՛ որ Էգիտ զԼ  
մաստուծիւն. այլ ոչ է առաւել  
քան զԷրկիւղածն՝ ՚ի Տեառնէ:

14 Երկիւղ Տեառն քան զամենայն  
յողովեաց:

16 Եւ որ ունիցի զնա՛ սւմ՛նմա  
նիցէ:

18 Զամենայն վէր, և մի զվէր  
սրտի:

19 Զամենայն չարուծիւն, և մի  
զչարուծիւն կնոջ:

20 Զամենայն հարուածս, և մի  
զհարուածս ատելեաց:

21 Զամենայն զվրէժս, և մի ըզ-  
վրէժս թշնամեաց:

22 Ոչ է գլուխ չար քան զգլուխ  
օձի, և ոչ ցասումն՝ քան զցասումն  
թշնամւոյն:

## Վասն շաբաթի:

23 Բնակիլ ընդ առիւծ և ընդ վիշապի հաճեցայ՝ քան բնակիլ ընդ կնոջ չարի:

24 Չարութիւնն կնոջ այլագունէ զտեսիլ նորա, և մթացուցանէ \* զերեսս նորա իբրև զխորդ:

25 Ի մէջ ընկերաց իւրոց բազմեսցի այր նորա, և լուեալ՝ յոգուց հանէ:

26 Փոքր է ամենայն չարութիւն առ չարութեամբ կնոջ. վիճակ մեղաւորի ելցէ նմա:

27 Չառիվեր աւազուտ առ օտիւք ծերոյ, այսպէս կին լեզուանի առն հեզոյ:

28 Մի հայեր՝ ի դեղ կնոջ, և մի փափազեր:

29 Բարկուծիւն և լրբուծիւն և ամօթ մեծ՝

\* Յօր. միացուցանէ «ազգէրս» ըստ յոսիի:

50 Կին եթէ հրամանատար լիցի  
առն իւրում:

51 Սիրտ չուռացեալ, և դէմք  
խոժոռ, և վէր սրտի՝ կին չար:

52 Ձեռք լքեալք և ծունկք լու-  
ծեալք՝ որ ոչ երանի տացէ առն  
իւրում:

53 Ի կնոջ սկիզբն մեղաց, և վասն  
նորա մեռանիմք ամենեքեան:

54 Մի տար ելս ջրոյ, և մի կնոջ  
չարի համարձակութիւն. եթէ ոչ  
զնասցէ ըստ ձեռին քում, ի մարմ-  
նոց քոց՝ ի բաց հատ զնա:

### ԳԼ. ԻԶ.

1 Կնոջ բարեբարոյի՝ երանելի է  
այր նորա, և թիւ ամաց նորա  
կրկնակի:

2 Կին ժրագլուխ ուրախ առնէ  
զայր իւր, և զամն նորա լի արաս-  
ցէ խաղաղութեամբ:

3 Կին բարեբարոյ մասն բարի, ՚ի  
բաժին երկիւղածաց Տեառն տա-  
ցի. իսկ մեծատուն և աղքատ ՚ի  
սիրտ բարեբար:

4 Յամենայն ժամանակի դէմք  
զուարթք:

5 Յերից կասկածեաց սիրտ իմ, և  
վասն չորրորդ երեսացն յաղօթս  
կացի:

6 Բանսարկուծիւն քաղաքի, և  
եկեղեցի ամբօխի,

7 Եւ սուտ չարախօսուծիւն՝ քան  
զմահ ամենայն դժպտեհ:

8 Յաւսրտի և սուգ՝ կին նախանձ  
ընդդէմ առ միւս կին.

9 Եւ դազան շեղուանի, որ ամե-  
նեցուն հաղորդի:

10 Եզնալուծ յերերի՝ կին չար.  
որ ունիցի զնմանէ, որպէս որ բըռ-  
նիցէ զիժ:

11 Բանսարկուծիւն մեծ՝ կին արբ-  
շիւ, և զխայտառականս իւր ոչ  
ծածկեսցէ:

12 Պռունկուծիւն կնոջ՝ ի զբո-  
սանս իւր ծանիցի, ի զբօսանս ա-  
չաց և յարտևանունս \* իւր:

13 Ի վերայ անամօթ դստեր՝ հաս-

\* Յօր. յօրէնս իւր. երաւ ըսք յոյն  
բնագրին. Բիս օր. յօնս:



տատեա զգուշութիւն, զի մի գը-  
տեալ համարձակութիւն՝ անձամբ  
վարիցի:

14 Զկնի լրբենի աչաց՝ զգուշու-  
թիւն արա, և մի զարմանար՝ եթէ  
և 'ի քեզ յանցանիցէ:

15 Իբրև զծարաւի ճանապար-  
հորդ \* զբերան բացցէ, և յամե-  
նայր մտաաւոր ջրոց արբցէ: Յան-  
գիման ամենայն ցցոյ նստցի, և ընդ-  
դէմ նեաի բացցէ զկապարձս:

16 Ենորհք կնոջ զուարճացուցա-  
նեն զայր նորա, և զոսկերս նորա  
պարարէ հանձար նորա:

17 Տուրք Տեառն կին ցածուն:

18 Եւ ոչ գոյ փոխանակ խրատե-  
լոյ անձին:

19 Ենորհք 'ի վերայ շնորհաց կին  
ամօթղած,

20 Եւ ոչ է կշիւ ամենայն ար-  
ժանի ժուժկալ \*\* անձին նորա:

\* Յօր. Իբրև զծարաւ 'ի ճանա-  
պարհոց. երաւ ըսք յոյն բնագրին:

\*\* Յօր. ամենաժուժկալ. ուղե-  
րաւ ըսք յունիին:

21 Արեգակն ծագեալ՝ ի բարձունս Տեառն, և գեղեցկու-թիւն կնոջ բարեբարոյի՝ ի զարդու տան նորա:

22 Ճրագ լուսատու՝ ի վերայ սուրբ աշտանակի, և գեղ երեսաց՝ ի վերայ հանդարտ հասակի:

23 Սիւնք ոսկեղէնք՝ ի վերայ արծաթեղէն խարսխաց. և ոտք գեղեցիկ՝ ի վերայ հեղացեալ կրծից:

24 Վասն երկուց տրամեալ է սիրտ իմ, և վասն երրորդին եկն յիս ցասուամն:

26 Այր պատերազմող կարօտեալ առ աղքատութեան. և արք իմաստունք՝ եթէ խոտան լինիցին:

27 Եւ որ անգրէն դարձաւ յարդարութենէ՝ ի մեղս, Տէր պատրաստեաց զնա՝ ի սուր:

28 Հաղիւ եթէ ապրիցի վաճառական՝ ի յանցանաց, և ոչ արդարացի թանգար՝ ի մեղաց:

## ՔԼ. ԻԿ.

1 Յաղագս կարասւոյ բազումք  
մեղան, և որ խնդրէ յաճախեցու-  
ցանել՝ դարձուսցէ զակն:

2 Ընդ մէջ կցուածի քարանց՝ վա-  
րեսցի ցից, և ՚ի մէջ վաճառելոյ և  
գնելոյ խզեսցին մեղք:

4 Եթէ ոչ զերկիւղէ Տեառն պինդ  
ունիցին փութանակի, երազ ե-  
րազ կործանեսցի տուն նորա:

5 Ի մաղին խախալելոյ՝ մնա աղբ,  
որպէս կղկղանք մարդոյ՝ ի խոր-  
հուրդս իւր:

6 Զանօթս բրախ փորձեն բովք, և  
փորձ մարդոյ ՚ի խորհուրդս իւր:

7 Զմշակուծիւն ծառոց ցուցա-  
նէ պտուղ նորա, որպէս և բան՝  
խորհրդոց սրտի մարդոյ:

8 Յառաջ քան զխորհուրդ, մի  
գովեր զմարդ. այս է փորձ մարդ-  
կան:

9 Եթէ զհեա երթիցես արդարու-  
թեան, հասցես. և զգեցցիս զնա  
իբրև զպճրղնաւոր փառաց:

10 Թուչունք առ իւրեանց նմանինսն դադարեն, և ճմարտութիւն առ գործելիսն նորա դարձցի:

11 Առիւծ որոյ լինի դարանակալ, որպէս մեղք գործելեացն անիրաւութեան:

12 Պատմութիւն բարեպաշտաց՝ հանապաղ իմաստութիւն. իսկ անըզգամն իբրև զլուսին այլափոխի:

13 Ի մէջ անմտաց պահեա զժամանակ, իսկ ՚ի մէջ խորհրդականաց ցանկորդեսջիր:

14 Պատմութիւնք յիմարաց՝ ճանճրութիւնք, և ծաղր նոցա՝ զբաղմամբ մեղաց:

15 Խօսք շատերդման՝ ծառ կացուցանեն զհերս, և կադն նոցա զականջս տան ունել:

16 Հեղումն արեան՝ կադ ամբարտաւանից, և բամբասանք նոցա՝ լուր ճանճիր:

17 Որ յայտնէ զխորհուրդս, կորոյս զհաւատարմութիւն. և ոչ գացէ բարեկամ առ անձն իւր:

18 Յամեա առ բարեկամի, և հաւատարմոցիր առ նմա:

19 Ապա թէ յայտնիցես զխորհուրդս նորա, ոչ երթիցես զհետ նորա:

20 Ձի որպէս կորոյս մարդ զթըշնամին իւր, սապէս կորուսեր ըզսէր մերձաւորին:

21 Եւ իբրև զթռչունս 'ի ձեռանէ քումմէ արձակեցեր, նոյնպէս թողեր զմերձաւորն, և ոչ որսացես զնա:

22 Սի երթար զհետ նորա, զի հեռացաւ, և ապրեաց իբրև զայծեամն 'ի հաղբից:

23 Ձի զվէր մարթի պատել, և հայհոյութեան՝ դոյ հաշուութիւն:

24 Իսկ որ յայտնէ զխորհուրդս, յուսահատ եղև:

25 Որ ակնարկէ ակամբ, նիւթէ զչարիս. և որ դիտէ զնա, 'ի բաց կացցէ 'ի նմանէ:

26 Առաջի աչաց քոց քաղցրացուցանէ զբերան իւր, և ընդ բանս քո զարմանայ. իսկ յետոյ ծուեսցէ զբերան իւր, և 'ի բանս քո դիցէ դայթադղութիւն:

27 Բազում ինչ ատեցի, և ոչ այն-  
պէս որպէս զնա. և Տէր ատեսցէ  
զնա:

28 Որ ձգէ քար երկնապող, 'ի գը-  
լուխ իւր ընկենու. և հարուածք  
նենգաւորի խարխարէ զվէրս.

29 Որ փորէ խորխորատ, 'ի նոյն  
անկցի. և որ գնէ որոգայթ, 'ի  
նոյն ըմբռնեսցի:

30 Որ առնէ զչարիս, 'ի նոսին  
թաւալեսցի, և ոչ դիտասցէ՝ ուստի՛  
հասին նմա:

31 Կատականք և նախատինք՝ ամ-  
բարտաւանից. և վրէժխնդրու-  
թիւն իբրև առիւծ վարանեսցէ  
զնա:

32 Որոգայթիւ ըմբռնեսցին ոյք  
ուրախ լինին ընդ անկանել բարե-  
պաշտից, և հեծութիւն ծախես-  
ցէ զնոսա յառաջ քան զմահ իւ-  
րեանց:

33 Ոխք և բարկութիւն, և նոքին  
են գարշէլէք. և այր մեղաւոր պինդ  
կալցի զնոսա:

## ԳԼ. ԻԸ.

## Վասն յիսախալաց :

1 Որ առնու վրէժ, 'ի Տեառնէ  
գտցէ վրէժինդրուծիւն, և զմեղս  
իւր հաստատելով հաստատեսցէ :

2 Թող զանիրաւուծիւն եղբօր  
քում. և յայնժամ յաղաչել քո՝  
մեղք քո լուծցին :

3 Մարդ մարդոյ սաչէ զբար-  
կուծիւն, և 'ի Տեառնէ խնդրէ  
զբժշկուծիւն :

4 Ի վերայ մարդոյ նմանոյ իւրոյ  
չունի ողորմուծիւն, և վասն մե-  
ղաց իւրոց աղերսէ :

5 Ինքն մտեղի է՝ և սաչէ յիսա,  
ո՞քաւեսցէ զմեղս նորա :

6 Յիշեա զառյապայսն, և դադա-  
րեա 'ի թշնամուծենէ .

7 Զապահանուծիւն և զմահ, և  
կաց 'ի պատուիրանս :

8 Յիշեա զպատուիրանս, և մի  
պաչեր ոխս մերձաւորին .

9 Եւ զուխտ Բարձրելոյն, և անտես արա զանգիտութիւն:

10 Ի բաց լեր 'ի կազոյ, և նուազեցուսցես զմէղս. զի մարդ ցասուցեալ բորբոքեսցէ զկուիւ, և այր մեղաւոր խռովեսցէ զբարեկամս իւր:

11 Եւ 'ի մէջ այնց, որ խաղաղութեամբ իցեն, արկանէ բանսարկութիւն.

12 Ըստ նիւթոյ հրոյն՝ այնպէս վառեսցի, և ըստ սաստկութեան կռուոյն՝ այնպէս բորբոքեսցի. ըստ զօրութեան մարդոյն սրամտութիւն նորա լիցի, և ըստ մեծութեանն բարձրացուսցէ զբարկութիւն իւր:

13 Հակառակութիւն փութացեալ բորբոքէ հուր. և կուիւ փութացեալ հեղու արիւն:

14 Եթէ փչեսցի կայծ, բորբոքեսցի. և եթէ թքեսցի 'ի նա, շիջի. երկոքին 'ի բերանոյ քոյ ելանեն:

15 Զքսուն և զերկխօսն առ հասարակ անիծանիջիք, զի բազում խաղաղակեացս կորոյս:



16 Լէզու երեքկին զբազումս սա-  
սանեաց, և փոփոխեաց զնոսս  
յազգէ յազգ,

17 Եւ զբաղաբս ամուրս կործա-  
նեաց,

18 Եւ զտունս մեծամեծս աւե-  
րեաց:

19 Լէզու երեքկին զկանայս ժրա-  
գլուխս եհան, և զրկեաց զնոսս  
'ի վաստակոց իւրեանց:

20 Որ միտ գիցէ նմա, մի գտցէ  
հանգիստ, և մի բնակեսցէ վստա-  
հութեամբ:

21 Հարուածք մտրակի առնէ ե-  
րաշխէս, իսկ հարուածք լեզուի  
փշրեսցէ զոսկերս:

22 Բազումք անկան 'ի սայր սու-  
սերի, և ոչ որպէս որք անկան  
վասն լեզուի:

23 Երանեալ է՝ որ ծածկեցաւ 'ի  
նմանէ, և որ ոչ անց ընդ ցասումն  
նորա, և որ ոչ ձգեաց զլուծնորա,  
և որ ոչ կապեցաւ սամեռօքնորա:

24 Ձի լուծ նորա՝ լուծ երկա-  
թի, և սամեռիք նորա՝ սամեռիք  
սղնծիք:

25 Մահ չար՝ մահ նորա . և լա-  
ւադոյն են դժոխք քան զնա :

26 Մի լիցի ձեռն նորա \* բարե-  
պաշտից , և 'ի բոց նորա մի այ-  
րեսցին :

27 Ոյք թողին զՏէր՝ անկցին 'ի  
ձեռս նորա , և 'ի նոսին վառեսցի ,  
և մի շիջցի . առաքեսցի 'ի վերայ  
նոցա իբրև առիւծ , և իբրև ինծ  
ապականեսցէ զնոսա :

28 Տեսջիր , ամբայո զստացուածս  
քո փշօք :

29 Չոսկի քո , և զարծաթ պինդ  
կապեա , և բանից քոց արա չափ  
և կշիւ , և բերանոյ քո արա դուռն  
և նիգ :

30 Չգոյշ լեր , գուցէ գայթաղ-  
ղիցես զնովաւ , գուցէ անկանիցիս  
առաջի գարանակալի :

\* Յօր . 'ի վերայ . երես ըստ յո-  
նին :

## ԳԼ. ԻԹ.

1 Որ առնէ ողորմութիւն, տայ փոխ մերձաւորին :

2 Որ ոյժտեաց ձեռամբ իւրով, պահէսցէ զպատուիրանս :

3 Տուր փոխ մերձաւորին 'ի ժամանակի. հաստատեա զբան, և լեր հաւատարիմ ընդ նմա, և յամենայն ժամանակի գտցես զպէտս քո :

4 Բազումք իբրև զգիւտս համարեցան զփոխ, և աշխատ արարին զօգնականսն իւրեանց :

5 Մինչ առնուցուն, համբուրեսցէ զձեռս նորա. և 'ի վերայ ընչից մերձաւորին գեղցէ զձայն.

6 Եւ 'ի ժամանակի հաճելոյ, յապաղեսցէ զժամանակն. և հատուսցէ բանս կսկծելիս, և մեղադրեսցէ զժամանակն :

7 Եթէ կարող լինիցի, հազիւ առնուցու զկէսն. և համարեսցի զայն իբրև զգիւտս :

8 Այլա թէ ոչ զրկեաց զնա յըն-  
չից իւրոց, և ստացաւ զնա թշնա-  
մի 'ի զուր:

9 Անէծս և բամբաստնս հատու-  
ցէ նմա, և փոխանակ փառաց՝ հա-  
տուցէ անարգանս:

10 Արդ բազումք յաղաքս չա-  
րութեան զերեսս դարձուցին, և  
զրկել տարապարտուց կասկածե-  
ցին:

11 Սակայն 'ի վերայ տառապե-  
լոյ երկայնամիտ լեր, և վասն ո-  
ղորմութեան մի յապաղեր զնա:

12 Վասն պատուիրանի ձեռնկա-  
լու լեր աղքատին, և ըստ կարո-  
տութեան նորա մի դարձուցաներ  
զնա ունայն:

13 Կորո զարծաթ վասն եղբօր և  
բարեկամի, և մի ժանկոտեսցէ ընդ-  
քարիւ 'ի կորուստ:

14 Իիր զգանձ քո ըստ պատուի-  
րանաց Բարձրելոյն, և օգուտ ե-  
ղիցի քեզ առաւել քան զոսկին:

15 Քումարեա ողորմութիւն 'ի  
չտեմարանս քո, և այն փրկեսցէ  
զքեզ յամենայն չարչարանաց,

16 Քան զասպար զօրութեան և քան զնիզակ կշռոյ՝ յանդիման թշնամեոյ ճակատեսցի ընդ քեզ\* :

19 Այր բարերար յերաշխի առնէ զմերձաւորն . և որոյ կորուսեալ զամօթ , բարձցէ թողցէ զնա :

20 Զչնորհս երաշխաւորի մի մոռանար , զի եա զանձն իւր վասն քո :

22 Զբարիս երաշխաւորին ՚ի չար դարձուցանէ մեղաւորն , և անչընորհակալն մտօք թողցէ զփրկողն :

24 Երաշխաւորութիւն բազում աջողեալս կորոյս , և գեղևեաց զնուս իբրև զալիս ծովու :

25 Զարս հզօրս եհան ՚ի բնակութենէ , և մոլորեցան յազգս օտարոսիս :

26 Մեղաւորն անկցի յերաշխաւորութիւն . և որ զհետ երթայ գործաւորութեան , անկցի ՚ի դատաստան :

\* Ի լուսանցս ընդ քո :

27 Պաշտպան լեր մերձաւորին ըստ զօրութեան քում, և զգոյշ լեր անձին՝ գուցէ՝ ՚ի ձեռս անկցիս:

28 Սկիզբն կենաց մարդոյ՝ ջուր և հաց և հանդերձ, և տուն՝ որ ծածկէ զխայտառականս:

29 Լաւ են կեանք աղքատի ընդ յարկաւ գերանաց իւրոց՝ քան թէ կերակուրք պայծառք ՚ի տունս այլոց:

30 Ի վերայ մեծի և փոքու հաճութիւն կալջիր:

31 Չար կեանք են տանէ՝ ՚ի տուն փոփոխել, և ուր պանդխտիցիսն՝ ոչ բանայցես զբերան:

32 Կոչունս առնիցես, և տացես ըմպել յանշնորհս, և առ այսոքիկ դառինս լսիցես:

33 Սկ անց, պանդուխտ, պատրաստես սեղան. և զինչ և իցէ՝ ՚ի ձեռին քում, կերակրես զիս:

34 ՍԸ, պանդուխտ, յերեսաց փառաց, հիւրացեալ է ինձ եղբայրն ՚ի պէտս տան:

35 Մանր են այսոքիկ մարդոյ՝ որ

ունիցի միտս, սանդաստահանք \*  
տան, և նախատինք փոխատուի:

## ԳԼ. Լ.

1 Որ սիրէ զորդի իւր՝ յաճախես-  
ցէ զտանջանս նորա, զի ուրախ  
լինցի 'ի վերջայսն նորա:

2 Որ խրատէ զորդի իւր՝ գտցէ  
օգուտ 'ի նմանէ, և 'ի մէջ ծանօ-  
թից 'ի նա պարծեսցի:

3 Որ ուսուցանէ զորդին՝ նախան-  
ձեցուցանէ զթշնամին, և առաջի  
բարեկամաց 'ի նա պարծեսցի:

4 Վախճանեցաւ հայր նորա, և  
որպէս թէ ոչ մեռաւ. զի նմանող  
եթող յետ իւր:

5 Ի կեանս իւր ետես, և ուրախ  
եղև. և 'ի վախճանի իւրում ոչ  
տրամեցաւ:

6 Յանդիման թշնամեաց եթող  
վրէժինդիր, և բարեկամաց՝ հա-  
տուցանող շնորհաց.

\* Յօր. սանդաստահանք:

7 Որ գրգէ զորդին իւր, պատես-  
ցէ զվէրս նորա, և յամենայն բար-  
բառ խռովեսցին աղիք նորա:

8 Ձի անվարժ ելանէ խիտա, և  
որդի ընդվայրասուն ելանէ լկտի:

9 Գգուեա զորդի, և զարհուրե-  
ցուսցէ զքեզ. խաղա ընդ նմա, և  
տրամեցուսցէ զքեզ:

10 Մի՛ ծիծաղիր ընդ նմա՝ զի մի  
ցաւագնեսցիս, և ապա յետոյ բը-  
թեսցէ զատամունս քո\*:

11 Մի՛ տար նմա իշխանութիւն  
'ի մանկութեան, ջարդեա զկողս  
նորա մինչդեռ աղայ է.

12 Գուցէ երբէք խստացեալ ըս-  
տունկանեսցէ զքեզ:

13 Խրատեա զորդի քո և վարեա  
զնա՝ ի գործ, զի մի՛ ի խայտառա-  
կանս անկանիցիս.

\* Յօր. զարմատս քո. ուղղեցաւ ըսք  
յոնին:



## Վասն առողջութեան :

14 Լաւ է աղքատ առողջ և զօրաւոր պայմանաւ, քան մեծատուն՝ որ հաշմեալ է 'ի մարմին իւր :

15 Առողջութիւն և առողութիւն լաւ է քան զամենայն ոսկի, և մարմին կարող՝ քան զմեծութիւն անչափ :

16 Ոչ գոյ մեծութիւն լաւ քան զառողջութիւն մարմնոյ. և ոչ գոյ ուրախութիւն քան զինդութիւն մարմնոյ :

17 Լաւ է մահ քան զդառն կեանս կամ ցաւս յերկարս :

18 Բարիք զեղեալ 'ի վերայ բերանոյ փակելոյ, զիւրք կերակրոց առ ընթերակաց գերեզմանի :

19 Չինչ օգուտ են ողջակէզք կռոց, զի ոչ ուտեն և ոչ հոտոտեսցին :

20 Այսպէս որ հալածիցին 'ի

Տեառնէ, տեսանիցէ աչօք, և սու-  
նայնիցէ:

21 Իբրև ներքինի՝ որ գերկս ար-  
կանիցէ կուսի, և յոգւոց հանի-  
ցէ:

22 Մի տար՝ի տրամուծիւն զանձն  
քո, և մի նեղեսցես զքեզ ՚ի խոր-  
հուրդս քո:

23 Ուրախուծիւն սրտի՝ կեանք  
մարդոյ, և ցնծուծիւն մարդոյ՝  
երկայնուծիւն աւուրց:

24 Սփոփեա զանձն քո, և մխի-  
թարեա զսիրտ քո, և զտրամու-  
ծիւն հեռի արա՝ի քէն:

25 Զի զբազումս եսպան տրրու-  
մուծիւն, և ոչ գոյ օգուտ՝ի նմա-  
նէ:

26 Նախանձ և սրտմտուծիւն,  
նուազեցուցանեն զաւուրս, և յա-  
ռաջ քան զժամանակն ածեն ալիս  
հոգք:

46 Իբրև զձուքաղ զհետ կթո-  
ղաց,

47 Յօրհնուծիւն Տեառն հասի.  
և որպէս կթող լցուցի հնձան:

46 Միտ գիք՝ զի ոչ ես ինձ միայ.

նոյ վաստակեցի, այլ ամենեցուն՝  
որ խնդրեն զխրատ:

19 Լուարուք ինձ, մեծամեծք ժողովրդեան, և ունին գիրք, առաջնորդք եկեղեցւոյ:

20 Որդւոյ և կնոջ, եղբօր և բարեկամի մի տացես իշխանութիւն 'ի վերայ քո 'ի կեանս քո. և մի տար այլում զինչս քո, զի մի զըզջացեալ կարօտասցիս նոքօք:

21 Մինչ դեռ կենդանի ես, և շունչդ 'ի քեզ է, մի փոխանակեր զքեզ ընդ ամենայն մարմնոյ:

22 Ձի լաւ է՝ թէ որդիքն քե կարօտասցին, քան թէ դու հայեսցիս 'ի ձեռս նոցա:

23 Յամենայն 'ի գործս քո լիջիր վերագոյն:

24 Մի տար պարսաւանս 'ի փառս քո. յաւուրս կատարման կենաց քոց և 'ի ժամանակս վախճանի, բաշխեա և տուր ժառանգութիւն:

## Վասն ծառայից :

25 Բուտ և բիր և բեռն՝ իշոյ , հաց  
և գան և գործ՝ ծառայից :

26 Գործեա գործ ծառայիւ , և  
գտցես հանգիստ . գատարկացո  
զձեռն նորա , և խնդրեսցէ ազա-  
տութիւն :

27 Լուծ և սամետիք զպարանոց  
խոնարհեցուցանեն , և ծառայի  
չարագործի լլկանք և տանջանք :

28 Արկ զնա՝ ի գործ , զի մի գա-  
տարկասցի :

29 Զի բազում չարիս ուսոյց գա-  
տարկութիւն :

30 Ի գործ կացո զնա , որպէս  
վայել է նմա . և թէպէտ ոչ հնա-  
զանդիցի , ծանրացո զկապանս , և  
մի առաւելուր յամենայն մարմին .  
և առանց իրաւանց մի ինչ առնի-  
ցես :

31 Եթէ իցէ քո ծառայ՝ եղիցի  
իբրև զքեզ , զի արեամբ ստացար  
զնա : Եթէ իցէ քո ծառայ , կալ

զնա իբրև զէլ բայր. զի որպէս ան-  
ձին քո, այնպէս կարօտասցիս նո-  
վաւ:

52 Եթէ չարչարեսցես զնա, և  
սարտուցեալ վախնուցու,

53 Յորո՞ւմ ճանապարհի խնդրես-  
ցես զնա:

## ԳԼ. ԼԱ.

Վասն Էրազոց:

1 Վայրասպար \* և սուտ են յոյսք  
առն անմտի. երազք թուուցանեն  
զանդգամն:

2 Թէ որ բռնիցէ զստուերէ, և  
զհետ երթայցէ հողմոյ, այնպէս  
որ գնիցէ միտ երազոյ:

3 Այս ինչ ընդունայն է տեսիլ  
Էրազոց. յանդիման դիմաց՝ նմա-  
նու թիւն դիմաց:

\* Յօր. վայրասպար է. երա- ըստ  
յոանին:

4 Ի սղծոյն զինչ սրբեսցի, և ՚ի ստոյն զինչ ստուգեսցի:

5 Ըղձուծիւնք և հաւադիտուծիւնք և երազք ընդունայն են:

6 Իբրև զայն որ երկնիցէ՝ բանդադուշի սիրտն, եթէ ոչ ՚ի Բարձրելոյն առաքիցի այցելուծիւն:

7 Ս՚ի տար զնոսա ՚ի սիրտքո. զի զբազումս մոլորեցուցին երազք, և վրիպեցուցին որք յուսացան ՚ի նա:

8 Առանց ստուծեան կատարեսցին օրէնք, և իմաստուծիւն հաւատարիմ բերանոյ կատարումն:

9 Այր թափառական գիտաց բազում ինչ. և որ բազմատեղեակն է, պատմեսցէ զհանճար:

10 Որ ոչ առ զփորձ, սակաւ ինչ գիտէ. իսկ որ յածեալն՝ յաճախեսցէ ՚ի խորագիտուծեան:

12 Բազում ինչ տեսի ՚ի յաժման իմում, և յոլովք ՚ի բանից իմոց՝ իմաստուծիւն իմ:

13 Բազում անգամ ցմահ վտանգեցայ, և ապրեցայ յաղաքս այսորիկ:

14 Հոգի երկիւղածաց Տեառն  
կեցցէ,

15 Զի յոյս նոցա յապրեցուցիչն  
իւրեանց:

16 Որ երկնչի 'ի Տեառնէ, ոչ յու-  
մէքէ կասկածեսցէ. և մի վատա-  
սըրտեսցէ, զի նա է յոյս նորա:

17 Որ երկնչի 'ի Տեառնէ, երա-  
նելի է անձն նորա:

18 Յո՞ ապաստան լինիցի, և ո՞վ  
է հաստատութիւն նորա:

19 Աչք Տեառն 'ի սիրելիս նորա.  
պաշտպանումն զօրութեան նորա,  
և հաստումն ուժոյ. ծածկոյթ 'ի  
խորշակէ, և վերարկու 'ի մեջօ-  
րէի:

20 Պահպանութիւն 'ի գայթաղ-  
ղութեան, և յարուցիչ 'ի գլոր-  
մանէ. բարձրացուցանէ զհոգի, և  
լուսաւորէ զաչս. բժշկութիւն  
տան, օրհնութիւն և կեանս մարդ-  
կան:

21 Որ զոհէ յանիրաւութենէ՝  
պատարագ արհամարհեալ, և չեն  
'ի հաճութիւն պատարագ անօրի-  
նաց:

23 Ոչ հաճի Բարձրեալն ընդ պատարագս ամպարչտաց, և ոչ բազմութեամբ պատարագաց քաւէ զմեզս:

24 Զենու զորդի առաջի հօր իւրոյ՝ որ մատուցանէ պատարագ յընչից օտարաց:

25 Հաց կարօտելոց, կեանք աղքատաց, և որ զընէն զնոսա, այրէ արեանց:

26 Սպանանէ զմերձաւորն՝ որ հանէ զպախրէ:

27 Եւ հեղու արիւն՝ որ զլանայ զվարձս վարձկանի:

28 Մին շինէ, և միւսն աւերէ, զինչ աւելի օգուտ իցէ՝ բայց ջան:

29 Մին աղօթս առնէ, և միւսն անիծանէ, ոյր ձայնի լուիցէ Տէր:

30 Որ մկրտիցի՝ ի մեռելոյ, և դարձեալ հպեացի ՚ի նա, զինչ օգտեցաւ ՚ի լուանալոյն իւրոյ:

31 Որպէս մարդ՝ որ պահիցէ վասն մեղաց իւրոց, և դարձեալ գնայցէ և զնոյնսն առնիցէ, աղօթից նորա ո՞ր լիցէ, և զինչ օգտեցաւ ՚ի խոնարհելն իւրում:



## ԳԼ. ԼԲ.

1 Որ պահէ զօրէնս, յաճախէ  
զպատարագս:

2 Մատուցանէ զոհ վերկութեան,  
որ միտ դնէ պատուիրանաց:

4 Փոխարէն շնորհս հատուցանէ,  
որ մատուցանէ նաչիհ. և որ առնէ  
ողորմութիւն, պատարագ օրհնու-  
թեան:

5 Հաճութիւն Տեառն, 'ի բաց  
կալ 'ի չարութենէ. և քաւու-  
թիւն, 'ի բաց կալ յանիրաւու-  
թենէ:

6 Մի երևիր երեսաց Տեառն  
ձեռնունայն,

7 Զի ամենայն այսոքիկ վասն  
պատուիրանի:

8 Պատարագ արդարոյ՝ պարարէ  
զսեղան, և անուշահոտութիւն նո-  
րա առաջի Տեառն:

## Վասն ողորմութեան :

9 Չոհ առն արդարոյ՝ ընդունելի,  
և յիշատակ նորա ոչ մոռացի :

10 Առատ ակամբ փառաւորեա  
զՏէր, և մի առնէր գձուձ զպտուղ  
ձեռաց քոց,

11 Յամենայն պտուղս և 'ի տուրս  
զուարճացո զդէմս քո, և ուրա-  
խութեամբ սրբեա զտասանորդս :

12 Տուր Բարձրելոյն ըստ արոց  
նորա, և առատ ակամբ զգիւտ  
ձեռաց :

13 Ձի տէր հատուցանող է, և  
եօթնապատիկ հատուցէ քեզ :

14 Մի որպէս կաշառ հատուցա-  
ներ, զի ոչ ընդունի :

15 Եւ մի ապաստան լինիր 'ի զոհ  
անիրաւ, զի Տէր դատաւոր է, և  
ոչ գոյ առ նմա փառք երեսաց :

16 Ոչ առցէ ակն աղքատի, և ա-  
ղօթից զրկելոյ լուիցէ :

17 Ոչ առնէ անտես զպաղատանո

որբոց, և զայրի՝ եթէ հեղցէ զա-  
ղօթս:

18 Աչ ապաքէն արտասուք այրւոյ  
զծնօտիւք իջանեն, և կառաջ նորա  
'ի վերայ իջուցանելէաց նորա:

20 Որ պաշտէ հաճութեամբ, ըն-  
դունելի եղիցի. և խնդրուածք նո-  
րա մինչև յամպս կցեսցին:

21 Աղօթք տառապելոյ անցցեն  
ընդ ամպս\*, և մինչև մերձ լինիցին՝  
ոչ մխիթարեսցին. և ոչ կացցեն 'ի  
բաց՝ մինչև այց արասցէ Բարձ-  
րեան,

22 Եւ արասցէ դատ արդարոց,  
և հանցէ իրաւունս. Տէր ոչ յա-  
մեսցէ, և ոչ երկայնամիտ լինի-  
ցի 'ի վերայ նոցա, մինչև փշրեսցէ  
զմէջս անողորմից, և հեթանոսաց  
հատուսցէ վրէժս:

23 Մինչև բարձցէ զբազմութիւն  
թշնամանողաց, և զգաւազանս ա-  
նիրաւաց բեկտեսցէ:

24 Մինչև հատուսցէ արդարոց  
ըստ գործոց իւրեանց, և զգործս

\* Յօր. պախտէր ընդ ամպս. երաս  
'ի յունեն:

մտորդկան ըստ խորհրդոց իւրեանց:

25 Մինչև դատեսցի զգատաստան ժողովրդեան իւրոյ, և ուրախ արասցէ զնոսա ողորմութեամբ իւրով:

26 Վայելուչ է ողորմութիւն 'ի ժամանակի նեղութեան նորա, որպէս ամպք անձրեւաց՝ յերաշտ ժամանակի:

## ԳԼ. ԼԳ.

1 Ողորմեա մեզ, Տէր Աստուած ամենայնի, և հայեաց:

2 Արկ զահ.քո յամենայն հեթանոսս:

3 Համբարձ զձեռս քո 'ի վերայ ազգաց օտարաց, և տեսցեն զգորութիւն քո:

5 Որպէս առաջի նոցա սրբեցար 'ի մեզ, սասպէս առաջի մեր մեծասցիս 'ի նոսա. և ծանիցեն զքեզ՝ որպէս և մէք ծանեաք, զի ոչ գոյ Աստուած բաց 'ի քէն Տէր:

6 Նորոգեա զնշանս , և փոփոխեա զքանչեղիս :

7 Փառաւորեա զձեռն և զաջ բազկի քո :

8 Յարո զսրամուրթիւն , և հեղ զբարկուրթիւն :

9 Բարձ զախոյեան , և ջնջեա ըզթշամին :

10 Փոյթ հալ ժամանակի , և յիշեա զժամագիր . և սլաամեոցեն ըզմեծութիւնս քո :

11 Բարկուրթեամբ հրոյ վատնեսցի ասրեալն . և ոյք չարչարեն զժողովուրդ քո , գացեն զկորուստ :

12 Փշրեա զգլուխ իշխանաց թըշնամեաց , ոյք ասեն՝ չէ որ բաց 'ի մէնջ :

13 Ժողովեա զամենայն ցեղս Յահոբայ . սիրտ պայծառ և առատ 'ի խորախիս կերակրոց իւրոց փոյթ հալցի :

## ՊԼ. ԼԳ.

1 Տքնութիւն մեծութեան \* հաւ  
լէ զմարմինս, և հիւանդութիւն  
Տանր զարթուցէ զքուն:

2 Հոգք տքնութեան պահանջեալ  
ցէ զնիրհ:

3 Աշխատեցաւ մեծատունն 'ի  
Ժողովէլ զինչս, և 'ի հանգստեան  
յապեցաւ շուայաութեամբք նո-  
րա:

4 Աշխատեցաւ անանկն 'ի նուա-  
ղութեան կենաց, և 'ի հանգըս-  
տեան կարօս լինի:

5 Որ սիրէ զոսկի, ոչ արդարաս-  
ցի. և որ սիրէ զապականութիւն,  
ինքն լցցի:

6 Բազումք տուան 'ի կործա-  
նումն ոսկւոյ, և եղև կորուստ նո-  
յա յանգիման նոցին:

7 Փայտ գայթաղղութեան է այ-

\* Յօր. Տքնութեան մեծութիւն.  
Երաւ ըստ յունիկն:

նոցիկ, որ զոհէն նմա . և ամենայն  
անմիա բմբունեսցի նովաւ :

8 Երանեալ է մեծատուն՝ որ դը-  
տաւ անարատ, և զհետ սսկւոյ ոչ  
չողաւ :

9 Ո՞վ իցէ, երանի տացուք նմա .  
զի արար զարմանալիս՝ ի ժողովրդ-  
դեան իւրում :

10 Ո՞վ փորձեցաւ նովաւ, և կա-  
տարեալ եղև . և եղիցի նմա՝ ի սար-  
ժանա . ո՞վ էր կարող զանց առնել՝  
և ոչ անց, և առնել չարիս՝ և ոչ  
արար :

11 Հաստատեսցին բարիք նորա,  
և զողորմութիւնս սլատմեսցէ ե-  
կեղեցի :

12 Ի սեղան՝ ի մեծ նստար, մի բա-  
նար՝ ի նմա զկոկորդ քո :

13 Եւ մի ասիցես՝ շատ է որ կայս  
՝ ի սմա :

14 Յիշեա զի յուր է ակն չար,  
չարագոյն քան զակն զննչ հաստա-  
տեցաւ :

15 Վասն այսորիկ յամենայն գի-  
մաց արտասուէ :

16 Ուր և հայիցիս՝ մի ձգեր ձեռն :

17 Եւ մի ճեպեր 'ի մաղազմի նո-  
րա :

18 Իմա՛ զմերձաւորին 'ի քէն, և  
յամենայն իրի մաախորհ լեր :

19 Կեր որպէս մարգ՝ որ ինչ կայն  
առաջի քո, և մի ծանծաքեր՝ գու-  
ցէ սախցիս :

20 Գաղարեա նախ վասն իրա-  
տու, և մի ժլատիր՝ գուցէ գայթի-  
ցիս :

21 Եւ եթէ 'ի մէջ բաղմաց նըս-  
տար, յառաջ քան զնոսա մի ձրգ-  
տեր զձեռն քո :

22 Արպէս զի բաւական է մարդոյ  
խրատելոյ սակաւն, և յանկողնի  
խրում՝ ոչ հեծէ :

24 Քուն առողջութեան 'ի վերայ  
չափաւոր աղւոյ. յարեաւ այգուց,  
և անձն նորա ընդ նմա :

25 Յաւք աքնութեան և մաղձա-  
յուղի, և խիթք որովայնի ընդ առն  
ժլատի :

25 Եւ եթէ բռնագատեցար 'ի  
կերակուրս՝ արի կիսով, և հանգի-  
ցես :

26 Լուր ինձ որդեակ, և մի ան-

գ  
յ

կ

թ

2

չ

թ

2

ս

յ

5

զ

3

մ

ս

5

թ

զ

3

\*

է

\*

է



գոսնիցես զիս \* . և 'ի վերջէ գրա-  
կես զբանս իմ :

27 Յամենայն 'ի գործս քո լեր  
կայտառ , և ամենայն հիւանդու-  
թիւն ոչ պատահեսցէ քեզ :

28 Ձիւրախճանս հացի օրհնեսցեն  
չթունք , և վկայութիւն լաւու-  
թեան նորա հաւատարիմ :

29 Ձվաթարէն 'ի հացի՝ արը-  
տընջեսցէ քաղաք . և վկայութիւն  
յոռութեան նորա ճշմարիտ :

30 Ի գինւոջ մի քաջանար , զի զբա-  
զումս կորոյս գինի :

31 Բովք փորձեն զսայրագիր 'ի  
մուխ , որպէս և գինի զսիրտ \*\* հը-  
պարտից 'ի կագ :

32 Հաւասար է գինի կենդանու-  
թեան մարդկան , եթէ ըմպիցես  
զնա չափով իւրով :

33 Ձինչ կեանք իցեն կարօտե-

\* Յօր . անկոսնիցիս , և 'ի վերջէ .  
իդաւ ըսք յոյն բնագրին :

\*\* Յօր . պախսէր գինի զ . ուղլեյաս  
ըսք յունիս :

լոյն 'ի գինւոյ, և նա հաստատեալ  
է յուրախութիւն մարգկան:

56 Յնծութիւն սրտի և ուրախու-  
թիւն անձին՝ գինի որ ըմպիցի 'ի  
ժամուց բաւական:

58. 59 Դառնութիւն անձին գի-  
նի, որ ըմպիցի շատ՝ գրգռութեամբ  
և հակառակութեամբ:

40 Յաճախէ արբեցութիւն զցա-  
սումն անզգամի 'ի գայթափու-  
թիւն. կասեցուցանէ զոյժ, և դնէ  
վէրս:

41 Ի գիներբուս գինւոյ մի յան-  
դիմաներ զմերձաւորն, և մի ան-  
գոսներ զնա յուրախութեան նո-  
րա:

42 Տան նախատանաց մի ասիցես  
նմա, և մի նեղեր զնա պահանջ-  
մամբ:

### ԳԼ. ԼԵ.

1 Առաջնորդ կացուցին ըզբեզ, մի  
հպարտանար. լեր 'ի միջի նոցա ի-  
բրև զմի 'ի նոցանէ:

3 Հոգ տար նոցա, և ապա նիսա.  
և զամենայն սէտս նոցա արարեալ  
բազմեաց, զի ուրախ լիցիս վասն  
նոցա:

5 Եւ վասն բարեկարգութեան  
առնուցուս պսակ:

4 Խօսեաց՝ ծեր, զի վայելէ քեզ,  
ճշմարտութեամբ գիտութեամբ.

5 Եւ մի խափաներ զերաժխտ:

6 Ուր ունինդրութիւն է՝ մի լայ-  
ներ զխօսս, և ՚ի զուր մի իմաստ-  
նանար:

7 Ակն լուսաւոր՝ զարդ սսկւոյ:

8 Ի կազմածի սսկւոյ՝ ակն զբժ-  
րութիս, նուազ երաժշտականաց  
՚ի քաղցր գինւոջ:

10 Խօսեա, երկտասարդ, եթէ ի-  
ցէ քո սէտք. հազիւ՝ թէ երկիցս  
հարցանիցիս:

11 Գլխաւորեա զբան՝ սակաւուք  
բազումս:

12 Լեր իբրև զայն՝ որ գիտէ. և  
ընդ նմին լուռ լինի:

15 Ի մէջ մեծամեծաց՝ մի զոյգ  
լինիջեր. և ուր ասողք իցեն՝ մի  
չաղփաղփեր:

14 Յառաջ քան զորոամունք,  
 փութան փայլատակունք, և նախ  
 քան զամօթ զածն յառաջեսցէ շը-  
 նորհ:

15 Ի ժամուց զարթիր, և մի յեա-  
 նիցիս. ընթա՛ի տուն քո, և մի ծու-  
 լանար:

16 Անդ խաղաօջիւր և արաօջիւր  
 զկամս քո, և մի մեղօք և ամբար-  
 սաւանուութեամբ:

17 Ի վերայ այսոցիկ օրհնեա զա-  
 րարիչն քո, որ արբուցանէ զքեզ  
 ՚ի բարեաց իւրոց:

18 Որ երկնչի ՚ի Տեառնէ, ընկաւ  
 ցի զխրատ. և ոյք առաւօտէն առ  
 նա, գացեն հաճութիւն:

19 Որ խնդրէ զօրէնս, լցցի նովաւ.  
 և որ կեղծաւորեսցին, գայթաղ-  
 ղեսցին նովիմբք:

20 Ոյք երկնչին ՚ի Տեառնէ, գըտ-  
 ցեն իբաւունս. և զարգարութիւնս  
 իբրև զլոյս վառեսցեն:

21 Այր մեղաւոր խորչի յանգի-  
 մանութենէ, և ըստ կամաց իւրոց  
 գացէ օրինակս:

24 Առանց խորհրդէ ան մի ինչ առ-  
 նիցես՝ և մի յառնելն զզջանար:

23 Աւանց խորհրդոյ ոչ անտես ա-  
րասցես զիմացումն :

22 Օտարոտին և ամբարտաւանն  
ոչ զարհուրեսցին յերկիւզէ :

### ԳԼ. ԼԸ.

15 Որ մեղանչէ՝ առաջի արարչին  
իւրոյ, անկցի 'ի ձեռս բժշկի :

16 Որդեակ, 'ի վերայ մեռելոյ իջո  
արտօսր. և իբրև թէ չարիս կրեալ  
իցէ, սկիզբն արա ողբոյ. և ըստ  
իրաւանց նորա զսպեա զմարմինն նո-  
րա. և մի անտես առնէր զթաղումն  
նորա :

17 Դառնացո զաղիս, և ջերմացո  
կոծ, և արա զսուգն ըստ արժանի  
նորա,

18 Օր և երկուք վասն բասրա-  
նաց, և մսիթարեա վասն արամու-  
թեան :

19 Չի 'ի արամութենէ ելանէ  
մահ, և արամութիւն սրաի կորա-  
յուցանէ զոյժ :

20 Ի հարուածս կայ մնայ և արբա-

մութիւն, և կեանք անանկի սըր-  
տակաթ:

21 Մի տար 'ի արամութիւն ըզ-  
սիրա քո՝ 'ի բաց արա զնա, յի-  
շեա զառյսալայսն:

22 Մի մոռասցիս, զի ոչ գոյ գարձ.  
և նմա օգուտ ոչ առնիցես, և զինք-  
նըզ չարչարեսցես:

23 Յիշեա զգառաստանն իմ, զի  
այսպէս և քոյն. ինձ երէկ և քեզ  
այսօր:

24 Ի հանգչել մեռելոյ՝ հանգիստ  
արա յիշատակի նորա, և միսի-  
թարեաց 'ի նա յեւանելոյ հոգւոյ  
նորա:

25 Իմաստութիւն գարի 'ի զիւ-  
րութիւն պարապոյ, և որ կարօտ  
է՝ ջանասցի, և նա իմաստնասցի:

26 Զինչ իմաստնասցի՝ որ ունիցի  
գմաճոյ. պարծեսցի 'ի ցուպ իւր-  
թանի, եզինս վարիցէ, և զբազ-  
նուցու 'ի գործ իւր, և զբոյց նորա  
յորդիս զուարակաց:

27 Զսիրա իւր տացէ 'ի ձգել ա-  
կօս, և տքնութիւն նորա 'ի դար-  
ման ընջոյց.

28 Նոյնպէս ամենայն ճիւնն և ճարտարապետ, որ 'ի գիշերի իբրև 'ի տունջեան կայ. որք գրոշէն զգրօջս քանդակաց, և ստրասպու- թիւնն նորա նորոգել զանազանու- թիւնն. զսիրա իւր տացէ 'ի նմանե- ցուցանել նկարս, և տքնու-թիւնն նորա՝ կատարել գործ:

29 Նոյնպէս և գարբին՝ որ նստի- ցի մօտ առ սալի, և նկատէ \* զգործ երկաթոյ. գորշի չար հալեսցէ ըզ- մարմինս նորա, և 'ի տասպ բովոց ոգորիցի:

30 Ձայն ուռան դղրգեսցէ զուռնն նորա. և յանդիման նմանութեան անօթոյ՝ աչք նորա:

31 Չսիրա իւր տացէ 'ի կատա- րումն գործոյ. և տքնու-թիւնն նորա առ 'ի սլաճուճել 'ի կատարման նորա:

32 Այսպէս բրուտ, որ նստիցի 'ի գործ իւր, շրջիցէ օտիւք իւրովք զգուրգն. որ 'ի հոգս կայ հանա-

\* Յօր. նկարէ. ուղղեցաւ ըստ յու- նին:

պազ վասն գործոյ իւրոյ, և թիւ  
է ամենայն գործ նորա:

53 Բազկաւ իւրով յօրինեցէ  
զկաւ, և առաջի ռախց խոնարհե-  
ցուցէ զգորու թիւն իւր:

54 Զսիրա իւր տացէ առ 'ի վճա-  
րէլ զձեփ, և աքնու թիւն նորա՝  
մաքրէլ զթրծոց:

55 Ամենեքեան սոքա 'ի ձեռս իւ-  
րեանց վստահ են, և իւրաքանչիւր  
'ի գործս իւր ճարտարէ:

56 Առանց սոցա ոչ շինեսցի քա-  
ղաք:

57 Եւ ոչ պանդխտեսցին\*, և ոչ  
չըջեսցին. և յեկեղեցւոջ յառաջ  
ոչ մտանկցեն:

58 Յաթոռ գատաւորի ոչ նստի-  
ցին, և զուխաս իրաւանց զմտաւ  
ոչ ամցեն. և ոչ երևեցուցեն հան-  
ճարով զիրաւն, և յառակս ոչ գըա-  
ցին:

59 Այլ շինուած աշխարհի հաս-  
տատեսցեն, և խնդրուած նոցա 'ի

\* ՅԵՐ. Եւ պանդխտեսցին. Երա-  
բար յանին:



դործ արուեստի. բաց յայնմանէ՛  
որ տացէ զանձն իւր, և մտախորհ՛  
լինիցի յօրէնս Բարձրելոյն:

ԳԼ. ԼԹ.

1 Ձիմաստութիւն ամենայն ա-  
ռաջնոցն քննեսցէ, և ՚ի մարգա-  
րէութիւնս պարասկեսցի:

2 Ձպատմութիւնս արանցանուա-  
նեաց ՚ի մտի կալցի, և ՚ի դար-  
ձուածս առակաց մտցէ:

3 Ձգազանիս առակաց խնդրես-  
ցէ, և ՚ի նշանակս առակաց յածես-  
ցի:

4 Եւ ՚ի մէջ մեծամեծաց սպա-  
սաւորեսցէ, և առաջի առաջնոր-  
դաց երևեսցի:

5 Յերկիր օտարոտեաց աղքաց  
անցցէ, զի չարեաց և բարեաց  
մարդկան փորձ առցէ:

6 Ձսիրա իւր տացէ առաւօտել  
առ Տէրն, որ արարն զնա. և յան-  
զիման Բարձրելոյն պաղատեսցի:

7 Եւ բացցէ զբերան իւր յաղօթս,

վասն մեզաց իւրոց խնդրուածս արացէ, եթէ Տէր մեծ կամեսցի:

8 Հողով հանձարոյ լցցի:

9 Զի նա 'ի վեր բխեսցէ զբանս իմաստութեան նորա, և ալօթ իւր խոստովան եղիցի նմա:

10 Նա ուղղեսցէ զխորհուրդս նորա մտախորհ եղիցի:

11 Նա երևեսցուցէ զվարդապետութիւն 'ի վարժման նորա, և յօրէնս ուխտի Տեառն պարծեսցի:

12 Գովեսցեն զիմաստութիւն նորա բաղումք, և մինչև յաւիտեան մի եղծցի:

15 Աչ կացցէ 'ի բաց յիշատակ նորա, և անուն նորա կացցէ յազգս ազգաց:

14 Զգգօնութիւն նորա պատմեսցեն ազինք, և զգովութիւն նորա պատմեսցէ եկեղեցի:

15 Եթէ կէցցէ, անուն թողուցութեան թէ հազարք. և թէպէտ և հանգիցէ, լաւ է նմա:

16 Գարձեալ զմտաւ ածեալ պատմեցից, և իբրև զմիջնալուսին լցայ:

17 Լուարուք ինձ սուրբք, և ծաղ-

կէցէք որպէս զվարդենի բուսեալ  
'ի գնացս ջուրց :

18 Եւ որպէս կնգրուկ անուշա-  
հոտ բուրեցէք հոտ :

19 Եւ ծաղկեցէք ծաղկի իբրև  
ղուշան . հարէք հոտ , և օրհնեցէք  
երգ , օրհնեցէք զՏէր 'ի գործս ա-  
մենայն :

20 Տուք անուան նորա մեծու-  
թիւն , և խոստովան եղերուք օրհ-  
նութեան նորա . երգովք շրթանց  
և տաղի՝ այսպէս ասասջէք դոհա-  
ցողութեամբ :

21 Փորձք Տեառն են ամենայն ,  
զի բարի են յոյժ . և ամենայն  
հրաման 'ի ժամանակի իւրում ե-  
ղիցի . չէ ասե՛լ՝ թէ զի՞ այս , կամ  
հիմ՞ այս . զի ամենայն 'ի ժամա-  
նակի իւրեանց խնդրեցի :

22 Բանիւ նորա եկաց իբրև ըզ-  
դէզ ջուր , և պատգամաւ բերա-  
նոյ նորա շտեմարանք ջրոց :

23 Հրամանաւ նորա հաճութիւն ,  
և ոչ ոք է որ նուազեցուցանէ զիւր-  
կութիւն նորա :

24 Փորձ ամենայն մտեղոյ առա-

ջի նորա, և ոչ գոյ թաքցել յաչաց  
նորա:

25 Յաւիտենից յաւիտեանս հայե-  
ցաւ, և չէ ինչ զարմանալի առա-  
ջի նորա:

26 Չէ ասել՝ թէ զի այս, կամ  
էր այս. զի ամենայն ՚ի պէտս իւ-  
րեանց հաստատեալ են:

27 Սրհնութիւն նորա իբրև ըզ-  
գեա ծածկեաց, և որպէս հեղեղ  
զցամաք՝ արբոյց:

28 Այսպէս զբարկութիւն նորա  
հեթանոսք ժառանգեսցեն:

29 Որպէս գարձոյց զջուրս յաղա-  
ջուրս. ճանապարհք նորա սրբոց  
ուղիղ են, որպէս անօրինաց ոտ-  
նառութիւնք:

30 Բարիք բարեաց հաստատեալ  
են ՚ի սկզբանէ, որպէս մեղաւո-  
րաց չարիք:

31 Սկիզբն ամենայն պիտոյից՝ ՚ի  
կեանս մարդոյ, ջուր և հուր, եր-  
կաթ և աղ, և նաչիհ ցորենոց:

32 Եւ կաթն և մեղր, արիւն խա-  
ղողոց և ձէթ և հանդերձ, ամե-  
նայն այս բարեպաշտից բարի է:

5  
'ի  
խը  
սը  
կա  
34  
րո  
բա  
55  
ամ  
հա  
36  
քա  
սա  
57  
եղի  
պա  
իւր  
38  
հա  
գիր  
39  
\* 3  
Ը" Գ

33 Որպէս և մեղաւորաց դարձցի  
'ի չարիս \*, և հոգիք որ 'ի վրէժ-  
խընդրութիւն հաստատեցան, և  
սրբամտութեամբ իւրեանց սաստ-  
կացուցին զտանջանս իւրեանց:

34 Ի ժամանակի վախճանի՝ զօ-  
րութիւն զեղուն, և զցասումն ա-  
րարչին իւրեանց հանգուցեն:

35 Հուր, կարկուտ և սով և մահ-  
ամենայն այս 'ի վրէժինդրութիւն  
հաստատեալ է:

36 Քաղանաց ժանիք և իժք և  
քարքք և սուր՝ առնուլ վրէժ 'ի  
սատակումն ամբարշտաց:

37 Ի սլատուիրան նորա ուրախ  
եղիցին, և 'ի վերայ երկրի 'ի սէտս  
սլատրաստեցին, և 'ի ժամանակս  
իւրեանց ոչ անցանեն ըստ բան:

38 Վասն այսորիկ 'ի սկզբանէ  
հաստատեցայ, և զմտաւ ամի, և  
գիրս թողի:

39 Զի գործ Տեառն ամենայն բա-

\* Յօր. դարձ 'ի չարիս. ուղեցաւ  
ըստ յոանին:

րի են, և զամենայն սկստս 'ի ժամու  
իւրում բաշխեսցէ:

40 Եւ ոչ է ասել թէ այս քան  
զայս յուագոյն է. զի ամենայն  
ինչ 'ի ժամանակի ընտիրք եղիցին:

41 Եւ այժմ ամենայն սրտիւ և  
բերանով օրհնեցէք և բարեբանե-  
ցէք զանուն Տեառն:

ՔԼ. Խ.

1 Զբաղումն մեծ հաստատեալ է  
ամենայն մարդոյ, և լուծ ծանր 'ի  
վերայ որդւոց Ագամայ, յօրէ ելա-  
նելոյ մօր իւրոյ՝ մինչև յօր թաղե-  
լոյ 'ի մայրն ամենեցուն:

2 Զխորհուրդս նոցա և զահ սըր-  
տի մտածութիւն ակնկալութեան,  
օր վախճանի:

3 Յայնմանէ՝ որ նստիցի յաթոս-  
փառաց, մինչև ցայն՝ որ թշուա-  
ռացեալ է 'ի հող և 'ի մօխիւր:

4 Յայնմանէ՝ որ զգեցեալ է յա-  
կինթ և պսակ, մինչև ցայն՝ որ ա-  
զանիցի յըփսի, յասումն և նա.

իսանձ՝ խռովութիւնն և տատանումն,  
երկիւղ մահու և սիւք, հակառա-  
կութիւնն:

5 Եւ 'ի ժամանակի հանդստեան  
յանկողնի, քուն գիշերոյ այլայլէ  
զգիտութիւնն նորա:

6 Խուն մի իբրև զոչինչ 'ի հան-  
դստեան, և յայնմհետէ երազովք  
իբրև 'ի տունջեան աշխատի:

7 Սարտուցեալ 'ի տեսլեան սըր-  
տի իւրոյ իբրև զայն՝ որ փրճանիցի  
յերեսաց պատերազմի. 'ի ժամա-  
նակի փրկութեան զարթեալ, և  
սխրացեալ յոչինչ երկիւղէ:

8 Անգ ամենայն մարմնոց մարդոյ  
մինչև ցանասուն. և 'ի վերայ մեղա-  
ւորաց՝ եօթնապատիկ քան զոյն:

9 Մահ և հակառակութիւն, և  
արիւն և սուր, հարուածք և սով,  
բեկումն և տանջանք, 'ի վերայ ան-  
օրինաց արարաւ այս ամենայն:

10 Եւ վասն նոցա եղև ջրհեղեղն:

11 Ամենայն ինչ՝ որ յերկրէ է, և  
յերկիր դառնայ, և 'ի ջրոց 'ի ծով  
դառնայ. այսպէս ամբարիշտք՝ 'ի  
նորովից 'ի կորուստ:

12 Ամենայն կաշառ և անիրաւու-  
թիւն եղծցի, և յաւիտեան կաց-  
ցեն հաւաարք:

13 Ինչք անիրաւաց իբրև զգետ  
ցամաքեսցին. և որպէս զորոտումն  
մեծ յանձրևի՝ գոչեսցէ:

14 Ի բանալ նորա զձեռն՝ ուրախ  
եղիցի. այնպէս որք զանցանեն՝ ՚ի  
վախճանի ցամաքեսցին:

15 Զարմ ամպարչտաց ոչ յաճա-  
խեսցէ ոսոս, և արմատք պիղծք  
՚ի վերայ ապառաժ վիմի:

16 Յինք առ ամենայն ջրով յեզեր  
գետոց, յառաջ քան զամենայն  
խոտ խլեսցի:

17 Ենորհք իբրև զգրախտ յօրհ-  
նութիւնս յաւիտեան մնասցէ:

18 Կեանք մշակի բաւականի քաղց-  
րասցին, և քան զերկուսին՝ որ գը-  
տանէ գանձ:

19 Որդիք և շինումն քաղաքի,  
հաստատեն զանուն, և առաւել  
քան զերկուսին՝ կին \* ամբիծ հա-  
մարեսցի:

\* Յօր. պախտէր կին. եղ-սու ըսք յու-  
նին և ըսք միս օր:



20 Գինի և երգ ուրախ առնեն զսիրտ, և քան զերկուսին՝ սիրումն հանձարոյ:

21 Փող և սազմոսարան հեշտացուցանեն զնուագս, և քան զերկուսին՝ լեզու քաղցր:

22 Շնորհաց և դեղոյ ցանկասցի տին, և քան զերկուսին՝ բուսոյ սերմանեաց:

23 Բարեկամ և ընկեր՝ որ ՚ի ժամանակի պատահեսցեն, և քան զերկուսին՝ կին բարի:

24 Եղբարք և օգնութիւն ՚ի ժամանակի նեղութեան. և քան զերկուսին՝ ողորմածութիւն փրկեսցէ:

25 Ոսկի և արծաթ կացուցանեն յոտից վերայ, և քան զերկուսին՝ խորհուրդ ընտիր դասնի:

26 Ինչք և զօրութիւն բարձր արասցեն զսիրտ, և քան զամենեւեան երկիւղ Տեառն:

27 Ոչ գոյ յերկիւղի Տեառն նըւազութիւն իբրև զգրախօ օրհնութեան:

28 Երկիւղ Տեառն և քան զամենայն փառս ծածկեցին զնա:

29 Որդեակ, զկեանս մաւրոյու-  
թեան մի կեար. լաւ է մեռանել  
քան զմուրանալ:

30 Այր, որ հայի յայլոց սեղան,  
չեն կեանք նորա՝ ի համար կենաց.  
Գարշեցուսցէ զանձն իւր այլոյն  
կերակրովք:

31 Իսկ հանճարեղ այր և իրա-  
տեալ զգոյշ եղիցի:

32 Ի բերան անամօթին՝ քաղց-  
րասցի մտր, և յորովայնի նորա  
հուր այրեսցի:

### ԳԼ. ԽԱ.

1 Ո՛վ մահ, իբրև զի գառն է յի-  
շատակ քո՝ մարդոյ խաղաղացելոյ  
յինչս իւր.

2 Առն անվշտի և յաջողելոյ յամե-  
նայնի, և որ կարող իցէ տակաւին  
ընդունել կերակուր:

3 Ո՛վ մահ, բարի է գառաստան

Բ  
Ե  
Կ  
ա  
բ  
Ծ  
Լ  
Խ  
Տ  
Զ  
Շ  
Չ  
Հ  
՛Ի  
ն  
Ց  
ղ  
Թ  
Գ  
ն  
ւ  
խ  
Կ  
ն  
տ  
Կ

քո՝ մարդոց կարօտելոյ, կասեցե-  
լոյ յուժոյ .

4 Աղճատելոյ և զբաղելոյ վասն  
ամենայնի, և անհաւատի և կո-  
րուսելոյ զհամբերութիւն:

5 Մի՛ երկնչիք ՚ի դատաստանէ  
մահու. յիշեա զի առաջնոցն քոց  
և վերջնոցն՝ այս դատաստան ՚ի  
Տեառնէ ամենայն մարմնոյ:

6 Եւ ընդէր գժուարիս ընդ հա-  
ճութիւն Բարձրելոյն:

7 Թէպէտ և տանն, թէպէտ և  
հարիւր, թէպէտ հազար ամ, չէ  
՚ի գժոխս յանդիմանութիւն կե-  
նաց:

8 Որդիք պիղծ լինին որդիք մե-  
ղաւորաց, և շրջօղք ընդ բնակու-  
թիւնս ամպարչտաց:

9 Որդւոց մեղաւորաց լքեալ լի-  
նին ժառանգութիւն, և ընդ զա-  
ւակի նոցա հանապազորդք են նա-  
խաաինք:

10 Հօր ամպարչտի մեղադիր լի-  
նին որդիք, զի վասն նորա նախա-  
տեսցին:

11 Վայն էն ձեզ, արք ամպարիշտք:

որք բարձէք թողէք զօրէնս Ար-  
տուծոյ բարձրելոյն :

12 Եւ թէ ծնանիջիք, յանէծս  
ծնանիջիք :

13 Ամենայն ինչ՝ որ յերկրէ է,  
յերկիր երթիցէ. այսպէս ամառ-  
րիչոք յանիծից ՚ի կորուստ :

14 Սուգ մարդկան՝ ՚ի մարմինս իւ-  
րեանց. իսկ անուն մեղաւորաց բա-  
րի ոչ, ջնջեսցին :

15 Հոգ տար վասն անուան, զի  
այս մնայ առ քեզ քան զճազար  
մեծամեծս գանձս բսկւոյ :

16 Բարի կենաց՝ թիւ ոչ գոյ ա-  
ւուրց, և բարի անուն մնայ յաւի-  
տեան :

17 Ձխրատ խաղաղութեան սլա-  
հեցէք, որդեակք. բայց իմաստու-  
թիւն գանձ է թաքուցեալ. զինչ  
օգուտ է յերկուսեան :

18 Լաւ է մարդ՝ \* որ թապուցա-  
նէ զձխմարութիւն իւր, քան ըզ-

\* Յօր. մարդոյ. ուղղեցաւ ըստ յու-  
նի :

մարդ՝ որ թագուցանէ զիմաստու-  
թիւն իւր:

19 Արդ պատկառեցէք ՚ի վերայ  
իմիքի բանիւս իմով:

20 Ձի ոչ է բարի զամենայն ամօթ  
պահէլ, և ոչ ամենեին ամենե-  
ցուն հաւատարմութեամբ հաճոյ  
լինել:

21 Ամաչեցէք ՚ի հօրէ վասն պոռ-  
նկութեան,

22 Ի դատաւորէ և յիշխանէ՝ վասն  
յանցանաց, ՚ի ժողովրդենէ և յամ-  
բոխէ՝ վասն անօրէնութեան,

23 Ի հաղորդէ և ՚ի բարեկամէ՝  
վասն զրկանաց, և ՚ի տեղօջէ յու-  
րում պանդխտիցիս՝ վասն գողու-  
թեան,

24 Եւ ՚ի ճմարտութենէ Աստու-  
ծոյ և յուխակէ՝ վասն ստութեան,  
և ՚ի հարկանելոյ զարմուկն ՚ի հացս  
այլոյ, ՚ի նախատանաց տալոյ և  
առնելոյ\*, և յայնցն՝ որ ողջոյն ա-  
ցեն՝ վասն լուութեան.

\* Յօր. յառնկելոյ. ուղեղա- ըստ  
յանին:

25 Ի տեսչենէ կնոջ բողի, և ՚ի գարձուցանելոյ զերեսս յազգայնոյ.

26 Ի հանելոյ բաժնի և ՚ի տրոյ, և ՚ի սչնելոյ առնակին կնոջ.

27 Ի քննելոյ նաժշտի նորա. և մի կոր առ անկողնի նորա.

28 Ի բարեկամաց՝ վասն բանից նախատանաց, և յետ տալոյն մի նախաատեր. ՚ի կրկնելոյ բանից և և լրոյ. և յայտնելոյ բանից գաղտնեաց:

## ԳԼ. ԽԲ.

1 Եւ եղիցես ամօթղած ճշմարտապէս, և գտանիցես շնորհս առաջի ամենայն մարդկան. այլ մի վասն այսոցիկ ամաչեացես, և մի առնուցուս ակն մեղանչելոյ.

2 Վասն օրինացն Ասաուծոյ և ուխտի, վասն դատաստանի արգարացուցանել գամպարիշտս:

3 Յաղագս հաշուի զուօղի և ճա.

նասպարհորդաց, և վասն տալոյ ժա-  
ռանգութիւնն այլոց:

4 Վասն ճշգրտութեան կշռոց և  
չափուց, վասն ստացուածոց սա-  
կաւուց և շատից:

5 Վասն վաճառելոյ կարասուոյ  
Թանկարաց. վասն խրատու որ-  
դուոց շատի, և ծառայից չարաց  
վասն 'ի զկողս նոցա արեհալ\*:

6 Առ կնեաւ չարեաւ՝ բարի է  
կնիք. և ուր բազում՝ ձեռք իցեն,  
փակեա:

7 Զոր ինչ աւանդիցես՝ Թուով  
և կշռով, և տուր և առ՝ գրով:

8 Վասն խրատուց անմտից և յի-  
մարի, և յեանածերոյ՝ որ դատի  
վասն սլունկութեան. և իցես խրա-  
տեալ ճշմարտապէս, և փորձեալ  
առաջի ամենայն կենդանուոյ:

9 Դուսար հօր դաղանի տքնու-  
թիւն է, և հոգք նորա հեռի առ-  
նէ զքուն. 'ի տղայութեան նորա,

\* Յօր. շատից... և վասն 'ի զըր-  
կողսն յարեհալ. «-դւեցա» ըստ յո-  
նի:

գուցէ ըստ \* չափ ելանիցէ. և յորժամ ամուսնացի, գուցէ տախիցի.

10 Ի կուսութեան՝ գուցէ. սլըղ ծիցի և ՚ի հայրենիսն իւր յլի շինիցի, և յորժամ ընդ առն իցէ, յանցանիցէ. և յորժամ ընդ նմա բնակեալ իցէ, գուցէ աղտեղացի:

11 Ի վերայ անամօթ գստեր՝ հաստատեա պահսպանութիւն. գուցէ տունիցէ քեզ ոսնհարութիւն ՚ի թշնամեաց, խօսս ՚ի քաղաքի և եկակս ժողովրդեան, և յամօթ առնիցէ գքեզ ՚ի բազմամբոխի:

12 Սի հայիր ՚ի գեղեցկութեան ամենայն մարդոյ. և ՚ի մէջ կանանց մի նստիցիս:

13 Չի ՚ի հանդերձից ծնանիցիցեց, և ՚ի կնոջէ չարութիւն:

14 Լաւ է չարութիւն տուն՝ քան զկին բարեբարոյ, և զկին՝ որ յամօթ տունէ ՚ի նախասինս:

15 Արդ յիշեցից զգործս Տեառն, և զոր ինչ տեսի՝ պատեցից. բանիւք Տեառն գործք նորա:

\* Յօր. պախսէ ըստ:



16 Արեգակն լուսաւորելով ընդ  
ամենայն հայեցաւ, և փառօք  
Տեառն լի գործք նորա:

17 Չարար սրբոց Տեառն պատ-  
մել զամենայն սքանչելիս նորա՝ զոր  
հաստատեաց Տէր ամենակալ, հաս-  
տատել 'ի փառս նորա ամենայնի:

18 Զանդունդս և զսիրտս քըն-  
նեաց, և զխորագիտութիւն նորա  
'ի միտ առ:

19 Քանզի ծանեաւ Բարձրեան  
զամենայն խիղճ՝ մտաց, և հայեցաւ  
'ի նշանն յաւիտենից. պատմելով  
զանցեալն և որ յետոյն լինելոց է,  
և յայանէ զհետս գաղտնեացն:

20 Ոչ զանց 'ի նմանէ ամենայն  
մտածութիւն, ոչ թաքեաւ 'ի նը-  
մանէ և ոչ մի բան:

21 Զմեծութիւնս իմաստութեան  
իւրոյ զարդարեաց, որ \* է յառաջ  
քան զյաւիտեանս, և յաւիտեան.  
ոչ յաւել և ոչ նուազեաց.

22 Եւ ոչ կարօտացաւ ումեքիւ  
խորհրդակցաւ:

\* Յօր, ոչ է. ուղեցաւ ըստ յոանին.

23 Իբրև զի ամենայն գործք նորա  
ցանկալիք, և որպէս փայլակն է  
տեսանել:

24 Ամենայն այս կենդանի է, և  
մնայ յաւիտեան յամենայն պէտս.  
ամենայն ինչ լսէ: \*

25 Ամենայն ինչ կրկին՝ մի ընդ-  
դէմ միոյ, և ոչ ինչ արար թերի:

\* Յօր. լսի. ուղեցաւ ըստ յոանիս:



Ե Ր Ե Մ Ի Ա Յ

Պատասխանի ընդունի՛լ զոր էփ քանել  
 Երեմիա յարգարէ առ գերեալն 'ի Բաբելոն , որպէս պատմել նոցա հրաման էփ Տէր :

1 Վասն անօրէնութեան մեղացն ,  
 զոր յանցեայք դուք առաջի Աստուծոյ , վարեալիք դուք 'ի գերութիւն 'ի ձեռս Նաբոգոդոնոսորայ արքայի բաբելացւոց ծառայի Տեառն .

2 Եւ եղիջիք դուք անդ ամս բազումս՝ երկայն ժամանակս իբրև 'ի դարս Էօթն . յետ այսոցիկ հանիցես զձեզ անտի խաղաղութեամբ ,

3 Բայց սպա անդ տեսանիջիք դուք յերկրին բաբելացւոց . դիտարժաթեղէնս ոսկեղէնս փայտեղէնս և քարեղէնս 'ի վերայ ուսոց

իւրեանց բարձեալ բերիցեն, ահա  
արկանել հեթանոսաց:

4 Զգոյշ լինիլեք՝ գուցէ և գուք  
նմանիցիք այլազգեսցն, երկնչել  
'ի նոցանէ,

5 Իբրև տեսանէք ամբոխ բազում  
յայտկոյս յայնկոյս՝ զի խաղայցեն  
և երկիր սրագանիցեն նոցա յե-  
տուտ և յառաջուտ, բայց գուք  
միայն զայս եգեալ ունիլեք՝ ի մտի՝  
եթէ քեզ միայն, Տէր, պարտ է  
երկիր պագաննէ՝ որ արարիչդ ես  
ամենայնի:

6 Զի Հրեշտակն իմ ընդ ձեզ իցէ  
հանապազ, և ես ինձէն խնդրեցից  
զանձինս ձեր՝ ի նոցանէ:

7 Այլ նոցա լեզուքն քերեալ  
են՝ ի հիւսանց խարաբուզս, և ին-  
քեանք արծաթապատք և ոսկե-  
պատք են, պատեալք ի սուտ պա-  
տաանս. ոչ խօսք ի բերանոց նո-  
ցա առ ՚ի շրթանց շարժել, և ոչ  
գնացք ոտից՝ առ ՚ի քայլսն փոխե-  
լոյ:

8 Այլ զօրէն զարգասէր աղջկանց  
լրկտեաց շրթելոց՝ առեալ զոսկին

կոչկոճեալ, զգլուխս դիցն իւրեանց սասկօք զարդարեն:

9 Եւ իցեն ժամանակք, զի քուրմքըն նոցա առեալ զոսկին և զարծաթն՝ ոչ միայն յիւրեանց պէտս մաշեն, այլ բազում անգամ ևս և գռեհիկ բողացն իւրեանց աղաւիւթեան կապէնս մատուցանեն:

10 Զի թէպէտ և զարդարեն ըզգիսն իւրեանց զոսկեղէնս և զարծաթեղէնս և զփայտեղէնս յազգի աղբի \* զարդ իբրև զմարդիկ,

11 Սակայն նոքա անդէն՝ ի ներքուստ ՚ի ներքս յիւրեանց ժանկոյ անտի մաշին, և ցեցակերեալք և բոտոտակերեալ ապականին:

12 Թէպէտ արկանեն ծիրանիս, և ճեպս կան զօրհանապաղ, զտան փռչին՝ որ յերեսաց վերայնստի՝ կոխել կորզելով, այն իջեալ անդէն վազվազակի թանձրացեալ նստեալ ՚ի վերայ, յիմարակերպ \*\* զպաճուճագեղ նշմարանսն դարձուցանէ:

\* Յօր. յաղբի զարդ:

\*\* Յօր. յիմակերպ:

13 Արդ և ցուպ ևս եդեալ 'ի ձե՛ռին իբրև մարդոյ, նստի իբրև իշխան՝ գաւազան 'ի ձեռին, կամ որպէս դատաւոր աշխարհի միջև և բնաւ զայն իսկ, որ 'ի նոյն ինքն 'ի գլխովին մեղանչել մարանչին, և քչել 'ի յանձնէ ոչ կարէ:

14 Տապար առ նմին եդեալ, վազակաւոր յաջոյ ձեռին, և զանձն իւր 'ի գողոց կամ յաւազակաց պահել ոչ կարէ. յայսմ ամենայն ի գիտասջիք՝ եթէ չեն նոքա աստուածք:

15 Մի երկնչիք 'ի նոցանէն, և մի զարհուրեալիք. զի զոր օրինակ անօթ մի ջաղջախ անպիտան՝ անկեալ դնիցի 'ի տան տեառն իւրոյ, այսպէս են և գիքն նոցա. բւեռեալ կան շուրջ զիւրեամբք՝ առ երկիւղի գլորելոյ:

16 Աչք նոցա լի են տան փոշոյն՝ որ առ ոտան յառնէ մոխիրն մտանելեացն և ելանելեացն:

17 Եւ զոր օրինակ առն միոջ չարագործի և մահապարտի՝ կապե-

է  
շ  
կ  
հ  
կ  
ղ  
կ  
4  
ինչ  
թէ  
կա  
ան  
19  
ազ  
ցեց  
դեր  
ինչ  
20  
գոյն  
անտ  
տանե  
21  
ամեն  
ճառո  
միու  
22 Յս

17 'ի բանտս արքունի, այնպէս  
չուրջ զնոքօք զսրահսն փակեալս և  
կարկեալս և ամրացուցեալս պա-  
հեն քուրմքն իւրեանց՝ նոքօք և փա-  
կոցօք և դունափակօք առ երկիւ-  
ղի, զի մի՛ 'ի գողոց և յաւազակաց  
կապտեցի:

18 Լնուն զտունսն ճրագօք, ապա  
ինքեանք իսկ յայսմանէ վկայեն՝ ե-  
թէ ոչ այնու և ոչ առանց այնր ինչ  
կարեն տեսանել, և են նոքա իբրև  
անօթք ընդ ձեզուամբ հարեալ:

19 Այլ եթէ 'ի փոր նոցա հայլբ,  
ազգի ազգի սողունք և բոտոաք և  
ցեցք և ճրճիք 'ի նոցանէ և 'ի հան-  
դերձից նոցա կերակրին, և նոքա  
ինչ ոչ զգան:

20 Թխացեալ և աղտեղեալ են  
գոյնք երեսաց նոցա 'ի ճենճերոյ  
անտի և 'ի ծխոյ, որ 'ի պէտս ըն-  
տանեացն գործի հանապազ:

21 Ի վերայ գլխոյն և 'ի վերայ  
ամենայն մարմնոյն՝ չղջիկանք և ծի-  
ճառունք և ճնճղուկք և կուզք և  
մկունք ելևէջ առնեն հանապազ:

22 Յայսմանէ գիտապիք՝ եթէ նո-

քա չեն աստուածք, և մի երկըն-  
չիք գուք 'ի նոցանէն, և մի զմտաւ  
ածիցեք զնոսա ամենևին:

23 Զի զարծաթն և զոսկին, որ պա-  
տեալ է զնորքոք առ զարգուէ, զի  
եթէ ոչ ոք հանապաղ զժանկն 'ի  
նոցանէ արու կարասօք կոկէ կոր-  
զէ և մաքրէ, և զփայլէն իսկ ոչ  
փայլեն. քանզի մինչ կռէինն իսկ  
զնոսա\*, ոչ զփայլին ինքեանք, և ոչ  
ցաւէր ինչ նոցա:

24 Եւ մեծագնի ևս գնեն զնոսա,  
և շունչ ոչ գոյ 'ի նոսա:

25 Անոսա անձեռս, և առեալ  
քրմացն 'ի վերայ ուսոց իւրեանց  
կրեն, և բերեն զխայտառականս  
ամօթոյն իւրեանց: Յոյց առնեն  
մարդկան և ինքեանք յանձինս իւ-  
րեանց ամուսնեն. և զգուշութեամբ  
ըսպաս ունին նոցա, զի մի մարդ-  
կան առաջի կործանիցին. Զի գի-  
տեն եթէ ինքնեանք անձամբ զան-  
ձինս իւրեանց չկարեն կանգնե-  
ցուցանել:

Յօր. զնորքա:



26 Եւ թէպէտ ոք առնու կանգնէ զնոսա, ինքեանք յինքեանց վերայ ստից ոչ կարեն կալ. զի յայսկոյս յայնկոյս գրդուելով դեդւին: Կողմնեցուցանեն զնոսա իբրև ըզգիակունս, և իբրև մեռելոց՝ առաջի դնեն զոհս և զողջակէզս, և կայ առաջի նոցա սրչափ և կայ:

27 Ապա առնուն զնա քուրմքն իւրեանց յիւրաքանչիւր պէտս մաշեն: Գարձեալ կանայք նոցա առնուն և ապրիտեն\* զնոսա, և այրւոյն և որբոյն և աղքատին անախմասն ինչ ոչ հանեն:

28 Աղտեղու թեամբ և սղծու թեամբ և անխտիր գաշտանաւ մերձենան ՚ի նոսա: Գիտելով գիտասջիք յայամանէ՝ թէ չեն նոքա աստուածք. մի երկնչիք ՚ի նոցանէ, և մի փոյթ առնէք զնոցանէ:

29 Զի ուստի անուանին աստուածք արծաթեղէնք և ոսկեղէնք և քարեղէնք, գաշտանիկք սպասաւորք են նոցա:

\* Յօր, ապախտեն:

30 Քուրմքն նստին 'ի տունս իւրեանց, հերս քերծեալ՝ քերծեալ մօրուս նստին առաջի դիցն:

31 Ունան և ողբան և գուժեն իբրև կմախիս մեռելոց:

32 Դարձեալ յորժամ զատ գտանեն, զերծուն առնուն զթամբատեակսն՝ զոր ուրուք ուրուք արկեալ էր զնոքօք, և բաշխեն կանանց և որդւոց իւրեանց:

33 Եւ ոչ, եթէ չար ինչ յումեքէ գտանեն, փոխարէն կարեն հանել:

34 Եւ ոչ, եթէ բարիս ինչ ոք առնէ, երախտիս մարթեն հատուցանել. եթէ ոք նոցա ուխտս գնէ, և ոչ հատուցանէ\*, ոչ կարեն խընդրել:

25 Զի և 'ի մահուանէ այր մի ոչ կարեն փրկել. ոչ զանաւագն 'ի հարստէ անտի, և ոչ զզրկեալն 'ի զրկողէ անտի ապրեցուցանել:

36 Ոչ կարեն բանալ զկուրուծիւն կուրին, և ոչ օգնել տագնապելոյն:

37 Այրւոյն ոչ գիտեն ողորմել,

\* Ի լաւաննցս կատարէ.

և որբոյն ոչ կարեն բարի առնել:

38 Ոչ կանգնել կարեն թագաւոր  
մի, և ոչ կործանել. ոչ մեծացու-  
ցանել կարեն, և ոչ աղքատացու-  
ցանել:

39 Քարանց առապարի նմանեալ  
են, փայտեղէնքն և ոսկեղէնքն և  
արծաթեղէնքն, և որք սպասա-  
ւորքն են նոցա ամօթալից շրջին  
հանապաղ,

40 Յորժամ ինքեանք քաղդէա-  
ցիքն անարգեն և արհամարհեն  
զնոսա: Զի յորժամ տեսանեն պա-  
պանծեալ համբացեալ, և ոչ ինչ  
տայ պատասխանի, անկեալ թա-  
ւալին առաջի Բէլայն, և աղաչեն  
խօսել նմա ընդ նոսա:

41 Իբրև թէ կարող ինչ իցէ խօ-  
սել նա ընդ նոսա: Եւ այնչափ ան-  
միտ են, զի ոչ կարեն թողուլ լքա-  
նել, և բաց գնալ ՚ի նոցանէ:

42 Արդ և կանայք նոցա ուխտա-  
ւոր լինին, և նստին յանցս ճանա-  
պարհաց՝ ծիր ածեալ շուրջ զիւ-  
րեամբք, և շարս գահակեալ. և  
ծխեն ՚ի վերայ ճանապարհացն ըղ-  
թեփ խնկախառն:

45 Յորժամ որ 'ի նոսա ակնա-  
կուիւ լինիցի յանցաւորաց ճանա-  
պարհին, և մտցէ առ նա, ելանէ  
զընկերն իւր նախատէ՝ իբրոս թէ  
ինքն յագեցաւ, և իւր լարքն խզե-  
ցան, և ընկերն ոչ յագեցաւ, և ոչ  
եղև արժանի, և ոչ լար նորա խը-  
զեցաւ:

44 Ամենայն ինչ որ գործի 'ի ձեռս  
նոցա խաբէութեամբ. և այլանդա-  
կութեամբ. արդ զիարդ մարթի  
անուանել կամ կարծել կամ հա-  
մարել զնոսա աստուածս:

45 Ի ձեռաց ճարտարաց՝ արծա-  
թագործաց գործեալ է, ոչ ինչ  
զայն ինչ զինչ ինքեանք կամին՝ լի-  
նի, այլ զինչ ճարտարքն կամին՝  
առնեն զնոսա:

46 Ինքեանք իսկ որ առնենն զնո-  
սա՝ կարճականք են, և ոչ բազում  
աւուրց, և ոչ բազում ժամանա-  
կաց կարեն լինել. իսկ արդ որ  
ստեղծեալ են 'ի նոցանէ, նորա աս-  
տուածք կարեն առնուանել կոչել:

47 Բայց այնչափ է զի թողին նո-  
քա ստութի և այլանդակութիւն

և նախատինս 'ի վերայ յեանոց իւրեանց :

48 Արդ յորժամ գայ 'ի վերայ նոցա չարիք պատերազմի, 'ի խորհուրդ մտանեն քուրմքն, յինչ այրս, կամ յոր ծակս, կամ յինչ քարածերպս մտցեն թաքիցեն, և ապրեսցին նոքօք հանդերձ 'ի չարեաց պատերազմին :

49 Իսկ արդ զիարդ մարթի ածել զմտաւ՝ թէ նոքա աստուածք են, որ զանձինս ոչ կարեն ապրեսցուցանել 'ի չարեաց պատերազմի :

50 Իայց սակայն և դոքս ոսկեզէնքդ՝ յետ սակաւ ժամանակաց դոցին իսկ հեթանոսացդ և թագաւորաց դոցա յայտնելոց են, թէ սուտ և սնոտի և ձեռագործք մարդկան էին :

51 Եւ ոչ են աստուածք, և դործ իսկ ոչ դոյր 'ի նոսա :

52 Թագաւոր մի յերկրի միջկանդնել ոչ կարեն, անձրև մի 'ի կարօտութեան ժամանակի մարդկան իջուցանել ոչ կարեն :

53 Դատաստան մի 'ի մէջ երկուց

ոսոխաց ոչ կարեն վճարել, և ոչ զզրկեալ մի փրկել 'ի բռնաւորէ իւրմէ. և են իբրև ագռաւք 'ի յերկինս և ընդ երկիր, օգոյ առեալ տարապարտուց [Թուուցեալ:

54 Այլ յորժամ հուր անկանի 'ի տուն դիցն ոսկիսպատացն և արծաթապատացն և փայտեղինացն, քուրմքն վաղվաղակի լքեալ զնոսս՝ ինքեանք 'ի փախուստ դարձցին. նոքա լքեալք իբրև մի մի 'ի պրշակաց, անդրէն 'ի ներքս այրեսցին \*:

55 Այլ [Թագաւորաց կամ՝ պատերազմողի զգէմ՝ իսկ ոչ կարեն ունել. իսկ արդ զիսորդ մար[թիցի իմանալ կամ կարծել՝ [Թէ նոքա աստուածք իցեն:

56 Որ յաւաղակաց կամ՝ 'ի գողոց զանձինս ոչ կարեն ապրեսցուցանել՝ դիքն փայտեղէնք և արծաթեղէնք և ոսկեղէնք:

57 Յորոց [Թէ մատեաւ ոք զերծ առ զոսկեակն կամ զհանդերձիկն,

\* Յոյ. այրեսցի:

և երթայ Գնայ յանհոգս. և նոքա  
անձին ինչ ոչ կարեն օգնել:

58 Ապա թէ այդպէս, լաւ է մար-  
դոյ՝ որ ցուցանէ զանձին քաջու-  
թիւն, կամ անօթ մի սկիտանացու՝  
որ կայ 'ի տան տեառն իւրոյ և  
պարծանք են տեառն իւրում, քան  
զայնպիսի սուտ աստուածսն:

59 Արեգակն և լուսին և աստղք  
յորժամ 'ի պէտս ինչ առաքին,  
հպատակագոյնք են յարբանեկել  
մարդկան քան զնոսա:

60 Սոյնպէս և փայլատակունք ե-  
րևելիք՝ դիւրին են տեսանել, և  
չունչք հողմոց ընդ ամենայն երկիր  
չնչեն:

61 Եւ ամպք յորժամ առնուն  
հրաման 'ի Տեառնէ՝ հասանել 'ի  
վերայ երեսաց երկրի, արագ արագ  
զհրամանն կատարեն:

62 Եւ հուրն որ առաքի 'ի վե-  
րուսա՝ հաշել և մաշել զլերինս և  
զանտառս, արագ արագ զհրամանն  
կատարէ: Այլ այլք ոչ զօրու-  
թեամբ՝ ոչ տեսանելով՝ միում ու-  
մեք նոցա նմանեն:

63 Վասն այսորիկ ոչ կարծել և ոչ կոչել սարտ է զնոսա աստուածս .  
 զի ոչ գասաստան մի վճարել կարեն , և ոչ բարի մի ինչ մարդկան առնել կարեն :

64 Այսուհետև գիտասցիք՝ զի չեն նոքա աստուածք , և մի երկնչիք 'ի նոցանէ :

65 Զի ոչ թագաւորաց անիծանել և ոչ օրհնել կարեն :

66 Նշանս յերկնից հեթանոսաց ցուցանել ոչ կարեն , և ոչ ծագել արեգակնասպէս կարեն , և ոչ լոյս տալ լուսնասպէս գիտեն :

67 Ճրճիդ լաւ է քան զնոսա , որ իբրև ընդ ձեռն ելանէ մարդոյ՝ յամուրանկանի , և զանձն իւր ապրեցուցանէ :

68 Աստուած և ոչ իւրք սարտ է զնոսա համարել՝ թէ իցեն նոքա աստուածք . վասն այսորիկ մի երկրնչիք դուք 'ի նոցանէ :

69 Զի զոր օրինակ խալամ մի 'ի սարաիզի առ ահնհարէ կանգնեալ , այնպէս և դիքն նոցա յոչ ինչ կանգնելեացն փայտեղէնք ոսկիասպառքն և արծաթապատքն նոցա :



70 Զոր օրինակ կոթող ինչ կանգ-  
նեալ ուրեք, և ամենայն թռչուն  
'ի վերայ ծրտիցէ, կամ մեռեալ  
որ անկեալ գնիցի 'ի խաւարի,  
սոյնպէս և գիքն նոցա:

71 Ի ծիրանեաց անտի փտելոց,  
և 'ի ցեցակեր հանդերձէ անտի գի-  
տասլիք՝ զի չեն իսկ աստուածք.  
զի և նոքին իսկ աստուածքն բոտո-  
տակերք լինելոց են վասն նախա-  
տանաց աշխարհիս:

72 Լաւ է մարդոյ, որոյ ոչ գոն  
կուռք. գոնէ 'ի նախատանաց ապ-  
րեսցի նա յընկերաց իւրոց:

